

БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

2
ФЕВРАЛЬ
(УРАСЬӖМ)
2003

ПЕТО 1926 ВОСЯНЬ

ЛЭДЗӖНЫ:

КОМИ
ГИЖЫСЬ
КОТЫР

ПЕЧАТЬ,
ТЕЛЕВИДЕНИЕ
ДА РАДИО ПЫР
ЮӖР СЕТАН КОМИ
РЕСПУБЛИКАСА
КОМИТЕТ

СЫКТЫВКАР

□ □ □

ТАЙӖ НОМЕРЫН:

Алексей ОДИНЦОВ. Сімдор чери. Висьт	3
Владимир ТИМИН. Кывбурьяс	16
Нина КУРАТОВА. Иван дядь. Висьт	19
Александра МИШАРИНА. Кывбурьяс	36
Василий ТОРОПОВ. «Кучум, Кучум...» Висьт	38
Ганна ПОПОВА. Медводдза кывбурьяс	42

ВИСЕР ВОЖСА МОЙДЪЯС

Седун. КӖин сар. ДӖва пи, господин Иван Сарапанчи-ков	44
---	----

АЙМУ ДОРЙЫСЬЯСЛӖН ЛУН

Н.Н.РОЧЕВ, И.В.КОЗЛОВ. Сталинград вӖсна косьясын	67
--	----

ВОЯС ДА ЙӖЗ

В.М.КУДРЯШОВА. Туясис олӖм чӖжыс	73
----------------------------------	----

ВИДЗӖДЛАС

ЦЫПАНОВ ЙӖЛГИНЬ. ӖньӖ Лав вӖзйӖ...	76
------------------------------------	----

□ □ □

Вылыс обложкаын снимокыс Г.ЛисецкийӖн.

© «Войвыв кодзув» («Северная звезда»), 2003 г.



СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**КОМИТЕТ РЕСПУБЛИКИ КОМИ ПО ДЕЛАМ
ПЕЧАТИ, ТЕЛЕРАДИОВЕЩАНИЯ И
СРЕДСТВ МАССОВЫХ КОММУНИКАЦИЙ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Виктор
НАПАЛКОВ

Ответственный
секретарь

Алексей
ОДИНЦОВ

Зам. гл. редактора

Александр
ПЕТРУНЕВ

Владимир
ТИМИН

Александр
УЛЬЯНОВ





Уджэртлы чолөм

Урасьом 17 лунö мян уджэрт Алексей Серафимович Одинцовлы тыри квайтымын вит.

Гижан уджö А.С.Одинцов пырöдчис колян нэмса квайтымынöд воясö — медводдза висьтыс петіс «Войвыв кодзулын» 1966 воö, 1999 воö Алексей Серафимовичöс примитісны Россияса гижысь котырö.

Кызь öти во чöж А.С.Одинцов уджалö «Войвыв кодзув» журналын, став сьёлөмсö пунктö журнал лэдзан уджас.

Пöся чолөмалам уджэртнымöс гöгрöс арлыдөн да сиам сылы уна во кезлö крепыд дзоньвидзалун! И выль гижöдъяс!

КОМИ ГИЖЫСЬ КОТЫР
«ВОЙВЫВ КОДЗУВ»
ЖУРНАЛ ДАСЬТЫСЬЯС

Алексей ОДИНЦОВ

Сімдор чери

В и с ь т

Сиа Рая чойлы

Фронт вылын усьом батсянь райсобес сьöмтор мынтыштіс. Мам ним-ов вылö. Но медым меным деньгасö сетасны, рытнас вель дыр «Дöверенность» гижим.

— Коді нö тайöс сетіс?— тетрадьысь косялөм листывса гижöд лыддьöм бöрын юалис сиктсöветса секретарь.

— Некод эз сет...

— Хы! Коді гижис, юала?

— Ачым.

— Ачыд? И деньга кöсьян тайö кабалаторнас босьтны?

— Сы могөн и пыри. Печат колö гижöд улас пуктыны...

— Ачыд, шуан, гижин? Но быд гижöдтор улö ми печатъяс ог шняпйöдлöй!

— Мамкöд гижим... Сійö висьтавліс, а ме гижі. Печат пö сельсöветын пунктöд. Сытöг пö деньгатö оз сетны... Со и пыри тіянö.

— Ачыс нö мыйла оз воы?

— Кокыс висьö. Гортын беддён муртса ветлöдлыштö. Гижі ме, а кырымпасыс öд мамлөн... Митерассяныс нö Айкинаöдзыс кыдзи волас висигас?

— Ме тэнö ог тöд. Гашкö пöръясян? Документыд öд абу?
— Абу.
— Ноко, петкöдлы тетрадьастö?— недыр мөвпалыштöм бöрын, ог тöд мыйла, корис нывбабаыс тетрадьасöс.

Перъялі, мыччи пызан вомöныс.

— Ы-хы... «Ученик четвёртого класса Шежамской начальной школы...» Ачылд и гижöмьд, эн пöръяв,— но печатьсö эз пукты, а телефонö кутчысис, звöнитіс кытчöкö.

Повзышті... Гашкö, шышöн чайтö да милицияöс корö. Сёрнитыштіс кодкöдкö. Ним-овöс висьталіс, көні велöдча, Митерас грездöс казытыштіс.

— Но, но,— бөр öшöдіс телефон трубкасö да кыв шутöг и пуктіс печатьсö, кырымпассö.— Айкинаас, райсобесас, сетан.

Райсобесын индісны, кутшöм жырйö пырны. И колö жö, зэв на и тöдса нывбабаыс. Грездö гожöмнас и арнас чöд да пув вотны куим-нельысь кайліс. Локтігас и мунігас миянын шойччыштіс. Мамлөн бур тöдса. Аныс, Иллария Никандровна, некор куш киөн эз пыравлы: преник-кампет пызан вылö падъянсьыс перъялас, а миян — самöвара пöсь чай. Ме и нуöдывлі вотчынысö, көні чöд-пуйыс медгырысь да медчöскыд.

— Школа бöрад öд, Паша, тшыгмин, юышт кампета-преника чай.

Ыдждöдчыны эг кут, кык стöкан пöсь чайсö юи да аттöалі бур анысö.

— Но, пуктіс секретарыс печатьсö?— нюм пыр юалö Иллария Никандровна.— Звöнитліс татчö, висьталіс ним-овтö... Митерасса пö... Сійö тэнö оз тöд, а ме тöда и тшöкті мөгмöдны.

— Пуктіс... Со «Дöверенностьыс» — перйи сумкаысь печата бумагасö.

Гижöдöс кутшöмкö кыз тетрадьö вурыштіс деньга сеталысь том аныс, кырымöдіс, а сэсся и сьöм мыччис.

— Лавкаясöд эн ветлöдчы. Гортад пыр жö и котöрт. Мед оз кыскыны деньгатö,— стрöжитіс Иллария Никандровна.

— Нянь тупöсь колö ньöбны.

— Со тайö — нянь вылад, а папушсö пыдö дзеб. Эм пытшкöс зептыд?

— Эм. Пальтоын и пинжакын.

— Пинжакса пытшкöс зептад и сюям,— бур аныс ачыс и дзумгис деньгаöс зептö.— Но, татысь он уськöд,— быттö ичöt кагалысь, кизяліс зеп юрйывсö, пинжакöс, а сэсся и пальтоöс.— Эн мыччась деньганад, воштысян!

— Ог воштысь, ог. Нянь вылö öд гортысь босьтывла жö.

Аминьöй! Йöзыс лавка дорас! Öчредяс, гашкö, сё морт! И кильчö вылыс быттö нопъя. Морт кызь сэнi. Паськыд пельпомъяса дядьöяс öчредьсö воча пыкöны. Найö, дерт, медводз пырасны. Мый нö вына мужичöйясыдлы нывбабаясыд да пöчьясыд?

Öчредь бöрас видзöдлытöг кильчö вылас жö кайи. Помас кө сувтны — дзикöдз пемда да нöшта шедö-ö, воас-ö сэтчöдз няныс? Ме бөрö унаөн на сувтісны.

Недыр мысти локтіс вузасысьыс. Дядьöяс вешйыштісны, лэдзöны сійöс öдзöс дінас. Бöрсяныс и ме, пытш кодь ичöt зонка, öдзöс-ланьыс матысмышті. Но сэсся тай топöдісны! Чужöмöс жмитісны водзын сулалысь дядьöяслөн мышланьыс, лолыштны сынöдыс оз шед. Юр вежөр гудыртчис.

«А-а-а!»— горөді пөдөм гөлөсөн, бөрлань йөткыся, мед дзикөдз оз пычөдны. Но — он на босьт!

— Мый морла тшемилөас суйсин! Лысьөмтө варкөдасны! Йөз гысылы кок уланыс мытшөд — таяласны-масьтасны!— дядьөыс менө вурө-вочө, но чатөртчыштис, бөрньыдалыштис.

Ывла выв сынөдсө өтчид-мөдысь-коймөдысь вом тырөн апышти. Топөдөм тыясөдз воыштис — юр вежөр ас паскальө вылас воис. Но сэки кутис гольскыны лавка өдзөсса пуд джынъя томанө сюян ключ.

Бөрсань жмитысьяс ярмисны: быдөнлы водзөджык окота весь-кавны. Менө бара топөдісны.

— А-а-а! Пөда!— бытгьө юрлөс увсянь горза.— А-а-а!

— Öдзөсыс эз на воссъы. Кытчө пыканнды? Зонкаөс со варө-дінныд!

— Пиялін ли мый?— кодкө ылын, бөрын, өчередьтөг жө пырысь вашгьялө.

— Зэв тай нин тшыгөсь! Ичөт зонка ме водзын сулалө. Варкөданныд!— скөрысь вочааліс мисьтөм кывберитөмсө дядьө, зумыд мыш-пельпомгьяснас öлыштчис бөрньыд да пальто гожгөгөрөд кычипиөс моз кыпөдыштис вывлань.

Пос джоджыс кок улысь воши, но эг усь: дядьыс өти кинас менө пукаланінөд кутыштө, мед ог гывды увлань, а мөд кинас азяма-пася-пуфайкаа мусюр кодь дядьөясөс пыкө, мед менө эз пычөдны.

Гольсмуні көрт пробойысь перьян томаныс да воссис и өдзөс. Йөймөм ыжъяс кодь йөз гыис, кокъяс джоджас оз инмавны, пыртөдіс лавка пытшкас. Помас, но стойка дінас на веськалі. Топыда жө сулалам, но оз нин кильчө вылас моз жмитны. Йөзыс жыр тырыс. Дерт, дядьөясыс өчередьтөг ньөбасясны, но стойкадор-саыдлы тупөсь вичмас жө быдса вөв додьсьыс.

Регыд и няня вөла-доддяыс воис. Öшинь розьтыс мыччалісны тупөсьяссө, ыткөбөн пырөм дядьөяс ньөбасисны, а сэссия и өчередыс вөрзис.

Петі лавкасыс тупөсь няньөн. Ывлаас югыд на. Сідзкө, тэрмасьөмөн кө, рөмыднас, өна пемдытөдз на и воа гортө.

«Кос чери! Ньөбөй кос чери! Ок, чөскыд юква пуанныд!— чуксалө ветлысь-мунысьясөс тыртөм ящик ылын пукалысь кутшөмкө нывбаба.

Матыстчи. Аньыс вөлөм төдса: Керөс сиктса Марья. Вуж-бөж-нас мамы рөд на лоө. Ачыс сідз висьтасьліс миянө воывлігьясө.

— Видза олан, Марья тьөт! Чериөн вузасян?

— Шыть! Шпана пи! Тьөтөн тай тэныд лои?— наян пон вылө моз горөдіс, чери тыра сепыссө асланьыс кыскыштис да пидзөсьяс костас топөдіс.

— Митерасө, миянө воывлінныд. Салдат Вань Любаыслөн ме пи.

— А-а-а-а! Воывлі грездад, воывлі... Мамтө төда, а тэнө вот ог помнит... Ті кодыс өд... код төдас? Но, но, ньөбасышт,— Марья бөр өтдортыштис сепыссө, восьтліс да перйис шөр чунь кузьта, польдчөм рушкуа, пражитөмөн косьтөм банийөм йөрш.— Видлы пинь улад, аклялышт — кывтө ньылыштан.

Кос йөршыс пинь улын сөмын и куж-кажмуні, да эг и төдлы, кыдзи ньылыштчис. Нюжөді киөс мөд ловла.

— А-а-а! Веляммин? Ньөб!— бөр асланьыс кыскыштис сепыссө Марья тьөт.

— Ачыд кыйсян? Вузос ыло весиг со сепыс тыр вайомыд?
— Кысь нин менам здорвьеон? Зэв ыло ветлі, Сімдорө... Белет доныс көть, мися, вузышта... Дзик өд денегатөмми...

— Дона-ө нө килограммыс?

— Тилоыс? Комын вит шайт... Абу дона, а вөлөгаыс чөскыд,— ошкө черисө Марья, көть и сылөн ошкытөг көрсө кывлі. Чөскыд, абу сись пипу кодь сола трескаыд.— Ньобан? Тило весита?

— Та дон,— гусьон перйи пытшкөс зептысь дас шайта.

— Но-о-о! Сэтшөм этша ньобан? А эм өд дыньгаыд, эм! Кывлі, кышөдчин пытшкөс зептад! Надзтысян?

— Тайө сөмын и эм...

— Но, сідзкө тайө дон ылас и муртала. Меным өд Сімдорас эз жө жаладдза, дон мынтытөг сетны... А туйыс! Туйыс! Уселон-шпанаяс дінті, тюрма-лагерьяс пыр чериысла лои ветлөдчыны... Ветлөмыс юр пудьялөм кодь! Туй ылас грабитөмысь и лоө повны! Виөмысь и... Дона? Треска, сола треска донтөм, но сэтшөм юкванды вомад оз пыр...

— Дас шайт ылад весиг тув* чери оз сюр,— Марья тьот безменнас веситіс бумага тубрас чери да тшапкыліс на сэтчө кузь чуньяса кисө, коңдіс сзтысь чугунын пумөн йөршловсө да бөр шлапкис мешөкас.— Со, дас шайт доныд, тув чери...

— Да-а! Тув тэныд! Коңдін мыйтөм!

— Дыньга доныд!

Дөзмылі, көть бөр кора сьөмөс, но видзөда, кос йөршыс вель ыджыд тубрас. Эг сзсся и мөд венззыны. Перйылі книга-тетрадьясөс дөра сумкаысь, черисө пыдөсас пункті — сумка джын лоис, өдва и төрисны ыліас книга-тетрадьясөй.

Грездса челядь, мамыяслысь юасьтөг, дыньга ас коланінө эг таргайтлөй, а со, тойліс коджө.

«Дас шайт видзи!»— майшася вөр туй кузя гортлань котөртігмоз.

— Но, дыр талун? Пемыд со... Узьмөдчин, чайті, Шожымас,— майшасьыштөмөн паныдаліс мам.— Дыньгатө сетісны?

— Ы-ы, сетісны... Нянь көрыш со... Нөшта кос чери. Керөсса Марьяыдлысь косьтөм йөрш дас шайт дон ньоби.

— Но-о, аски ыль пөлөс вөлөга, сідзкө, пуам. Кос чериысь чөскыд юква,— мамы весиг нимкодь лои.— Умим картупеля сөянтөрсыйс. Вом көр көть вежыштам...

— Дона зэв... Килограммсыс комын вит шайт корө. Тув сөмын ньоби,— эг нин кут норасыны, мый тувсыс быдса ыджыд китыр вузасысыс коңдіс.

Дона ли донтөм, а Марья тьотлөн чериыс вежон чөж чөсмөдліс.

«Вот зськө аслыным кө Сімдорас ветлыны?— воис юрө мөвп.— Куимөн — Модя, Веня да ме.— Сэні, төдөмысь, донтөмджык. Унджык позяс ньобны.

Модялы, Венялы висьталі, мися Сімдорысь йөзыс зэв чөскыд чери ньобалөны да Айкинаын дона-донысь вузалөны. Килограммсыс комын вит шайт корөны, а сэні, гашкө, джын донсыс позьө ньобны? Чуйда өртгясөс, но миян пиысь некод оз төд, көні сійө Сімдорыс.

— Ветлам көрт туй станцияс, Айкинаө,— бур мөвп вөзйис Модя.

Шуөма — вөчөма. Мунім станцияс, Модя юаліс билет вуза-

* Тув — 400 грамм (сьөкталөн важ роч арт).

лысьыслысь, кодарын Сімдорыс. Ичөтик жырыын пукалысь тытыс петалис мян дінө да залас өшөдөм ыджыд карта вылысь петкөдліс Синдор станция.

— Миянлы оз Синдор, а Сімдор колө,— шыаси ме.

— Сійө и эм Сімдорыс,— эскөдіс вокзалса билет вузавлысьыс.— Кодсюрө, тытөяс, сэтчө черила ветлывлөны... Со, видзөдөй: Ай-кино, Шежам, Микунь, Чуб, Княжпогост,.. а сэсся некымын станция бөрын и Синдор воас.

— А дыр сэтчөдз поездыс мунө?— Модя юалис.

— Рытнас тані пуксянныд, а асывнас,.. Ноко, стөча төдмала,— пырис аныс аслас жырыө, звөнитліс Микуньө, а сэсся юөртіс:— Ичөт станция. Сэтчө сөмын Котлас—Вөркута поезд сувтлывлө, а воө Синдорас квайт час асылын... Талун рыт тані пуксянныд, а аски водза-водз сәні лоанныд... Мый могөн нө мунанныд? Черила?

— О-ог. Сідз тай көсйим төдмавны,— вочавидзис Модя.

Коланасө лои төдмалөма. Сёрнитчим ёртъяс субөта рытө петны туйө. Абу зэв ылын и вөлөма да выльлунө эськө бөр вермим воны гортө. Оти лунсьыд школаын оз видны... Позьө и помка кутшө-мөскө корсьны. И дыр кад кежлө чөскыд сёянаөсь лоам. Модялы да Венялы, дерт, эг висьтав, мый Сімдорас туйыс тюрьма-лагерьяс пыр мунө. Марья тытөс тай некод абу сөйөма. Повзьөдчө на, буди, мед некод чериысла оз мун, а сылысь ньөбаласны.

Воис и туйө петан лун. Школаысь тэрмасьомөн гортө кайим. Колө өд и ноп дасьтыны да рытъя, Микуньөдз кайысь, поезд кежлас переездө лэччыны. Пуксьысь кө эм, сувтлө Митерас горулө поездыс.

Но, ме дась лои туйө петны.

— Модя да Веня дінө петала,— висьтаси мамы. — Дасьөсь нин, чайта, но поездөдзыс со час сайө на.

Пыри Модя ордө. Сійө паччөр дорас пукалө. Абу, тыдалө, и чукөртчөма туйө петігкежлө.

— Тэ нө мый, Модьө?— юала.— Регыд өд поездыс петас Айки-насыс... Абу на дась?

— Мам оз лэдз. Некутшөм пө чери он вайөй, а воштысянныд.

— Көсйысьлін өд! Аслыд, буди, дыш лоис?

— А гөгөрбок кө мөвпыштны, абу и окота... Оз сюр миянлы некутшөм чери... Тыртөг бөр ковмас локны... Ылалам-вошам кыт-чөкө да черинас вузасысь ордас ог и веськавлөй...

Модякөд төлкуйтны — весьшөрө кад воштыны. Петі Веня ордө.

— Мам оз лэдз,— бөрдөмөн моз артмис Венялөн.— Юрнытө пө пудъяланнныд куим йөй... Нөшта и деньгаөн дай!

— Ог лэдз, ог!— шыасис Венялөн мамыс.— Ылі туйө, төд-төминө! Грабитасны! Шабаш, меным! Петала вот мамыд дінө! Ньюз ньөр тіянлы.

«Сёрнитчим, а со, кыкнан ёртөй вузалисны!— курыд мөвпсыс кымөсөй пөсявліс.— Сідзкө нө, ветлытөм лоө? Морыс мед тіянөс лыяс! Отнам ветла, некод менө оз сөй!— но веськыда висьтасыны тадзи оз позь. Опонь Лидь петалас мянө, висьталас, мый мунысьыс отнам, да сәки и менө мам оз лэдз.

— А ме өд, Веньө, ог жө мун... Модя оз мун ни...

— Он мун?— кыпыда юалис Веня.

— Ог... И Модялы висьталі... Веня, мися, мед оз жө лөсьөдчы, петала сы ордө.

— Дөведясям, сідзкө?

— Талун ог... Юр мыйкө висьмис. Муна, водыштла...

«Этадзи дасьтысим! Тыпу!»— сьовзи кильчö вомöныс посводз öдзöссö пöдлалöм бöрын да довги гортлань.

— Но, дасьöсь ёртьясыд?— юалис мам.

— Дасьöсь,— видзöдлі часі вылö.— Поездыс час мысти на сöмын воас. Кынмам переездас. Дыр-ö миян километрсö котöр-тыштны...

— Но, сёйышт, сідзкö, туй вылад. Тшыгман, а войнас коді тэнö вердас?— мам лöсьöдіс деньга.— Этайöс билет вылад, а чери вылас пинжак зептад сюя да вурышта, мед он уськöд.

Панясьышті, но кутшöм вермас лоны сёйöм: менö пöръялісны, ме мамöс ылöдлі... Мöдöдчöма да эг нин вермы лöньны. И оз нин сэтшöма чериыс ков, кыдзи кöсьöмыс чуксалö-кыскö...

Переездын поездсö здук и виччысьышті. Машинистыс, аддзис пуксьысьöс да, пода морт öдöдз ньöжмöдчис. Воссис öти вагоныс öдзöсыс.

— Микуньö мунысь эм?— юалис проводницаыс, аддзис менö да кыпöдіс вагонас пыран сод весьтсьыс кöрт вевтсö.

Ур моз кавшаси поскöдыс да вагонса кöзьяйкаыслөн киняулöдыс и пыри тамбурас.

— Сэсся некод абу пуксьысьыс?

— Абу... Öтнам.

Проводницаыс öвтыштіс машинистыслы биа пöнарнас.

«И-и-у-у-у!»— дівöстіс «Овечка» паровозыс да содтіс öдсö.

Билетсö сöмын Микуньöдз вузаліс вагонса кöзьяйкаыс.

— Синдорöдзыс сэні, Микуняс, ньöбан,— шуис.

Микуньöдз Митерас грездса зонкаяслы, да тшöтш и нывкаяслы, туйыс зэв тöдса. Унаысь пызьла кайлывлім. Тöдсаöсь и билет вузалысьысыс. Унаысь аддзывлісны, кодсюрö и вотчыны на Митерасö воливлöны гожöм-арсö.

— Меным Сімдор станцияöдз билет колö общöй вагонын,— матыстчи билет вузалан касса öшинь дорас.

— Тöдса, видзöда,— билет мыччигмоз шуис öшинь саяс пукалысь нывбабаыс.— Мый могөн нö сэтчö?

— Чери ньöбыштны... Кöні вот вузалöны? Аддза-ö?

— Кык час мысти воас Котлас—Вөркута поезд. Квайтöд вагон. Пуксигад проводницаыслы висьтав, мед чеччöдас Синдор станцияс. Чериысла Синдор тыбокса грездас ветлывлöны, кывлі. Векни кöрт туйыввса поезд пö сэтчö, дзик грезд дорöдзыс, ветлö. Юасян — нуöдасны и вайöдасны, эн маитчы,— велöдö бур аныс.— Пуксьы йöз чукöрас да кывзы, кор дежурнöйыс юöртас Котласса поезд матыстчöм йывсьыс, да квайтöд номера вагон дінас и котöрт.

Кык часыд виччысигад зэв вölöм ньöжйö кольö. Но сэсся коркö и воис жö колана поездыс. Котöрті индöм вагон дінö, петкöдлі билет, юалі, кытчö позьö пуксьыны. Вагонса кöзьяйкаыс мам кодь авъя да мелі:

— Кытчö кöсьян, сэтчö и пуксьы. Со кöть этатчö, бабушъяс дорас.

— Меным Сімдор станцияöдз. Мед бара оз жö узьсьы. Юöртöй, кор кутам сэтчö воны,— висьталі вагонса кöзьяйкаыслы.

— Шойччышт, верман на и водыштлыны. Чуксала, эн маитчы... Вит час нелямын вит минутын воам Синдорас.

Кутшöм водышглöм да узьöм! Вунöдас кö проводницаыс чуксавнысö? Вөркутаöдзыс нуöдасны, да сэні и збыль воша. Видзöда

ёшиньёда, лыддя воём станцияыслысь нимсё: абу на Сімдор — бөр лөня, водзё гурёдам-төвзям.

Код тодас, дыр-ё мунім. Часі менам абу. Пөчөясыслөн абу жё. Найё, тыдалё, ылё мунёны, некутшөм маитчөм. Вугралёны. Чеччи пуклос вылысь, ветлі проводница купе дорас. Ёдзёсыс восьса. Сійё, видзёда, вугралё жё.

«Ачыс со узьё, чуксалас, небось!» — юалі: — Сімдор станцияас регыд воам?

— Кык час да джын мысти, — видзёдліс часі вылас. — Узьышт, чуксала.

Кыдзи көть эг крепитчы, вугыртсьёма чорыда.

— Зонка! Садьмы, регыд воам!

— Нёшта вит минут узьышта, — нурбыльті. Чайті, мамё школаё чуксалё.

— Синдорё матыстчам, Синдорё! Синдор станция! — гораа юёр-тіс вагонса көзйяка.

— Узьсис? — повзьёмөн чеччи пуклос вылысь. — Прөйдитім нин?

— Локтысь станцияыс — Синдор. Дасьтысь. Ёти минут сэні сулалам.

Минут кызь мысти воис меным колана сувтланін. Петі ваго-нысь. Станцияыс — ичөтик пу стрөйба. Ёдзёс весьтас дзик ёти лампочка ломалё. Пыри станцияас. Касса ёшиньыс восьса.

— Кыдзи меным Сімдор грездас воёдчыны? — юалі билетсё вузавлысь аныслысь.

— Этайё ёдзөстіыс петан да бияс вылас мун... Сюръяяс вылас тай лампочкаяс ёшлөма. Сэні вылыс склад, вөр сэтчө ваялёны. Час джын мысти грездланьыс поезд мунас, йёзёс нуёдысь. Сэтчө и вөзйысь.

— А билетсё көні вузалёны?

— Рабочёй поезд, лагерыслөн... Некутшөм билет оз ков.

— Босьтасны?

— Босьтасны, босьтасны! Котөрт, мед он сёрмы!

— Э-т-т-ты кей поезд? — джынвийё пемыд жыръяс, диванъяс вылас, кык дядьё вөлөм узьёны. Эг казая пыригөн. Сёрнинымос кылөма ётиыс, кыпөдліс юрсё да мыйкё юаліс, но эг велав.

— Чево? — рочөн юалі.

— Кей поезд, спрашиваю? — пидзөсьяс да гыррдзаяс вылас кыпөдчыштис. — К-кы-ды поезд?

— А-а-а! Котласский, на Воркуту...

— Н-но... Нам на юг, — бөр пласьтнитчис диван вылас да дзик пыр унмовсис.

«Шпанаяс, тыдалё? — воис юрё повзьёдлана мөвп, усйыси стан-ция жырсьыс да котөрөн мөдөдчи уна биясланыс. — Этайёяс шөрө кө веськалан, грабитасны и пөрччөдасны!»

Недыр мысти петі векни ота көрт туй вылө да регыд и вои нель-вит вагона поезд дінё. Ичөт вагонъяс. Сэтшөмсё эг на аддзав. Матыстчи ичөтик паровоз дінас пөнарөн сулалысь дядьё дорё.

— Меным эськё Сімдор грездө кызкё колё воёдчыны? — шыаси.

— Миянкөд и мунам! Ёдйё гургөдас поездыс. Регыд, звук мы-сти вөрзям. Сулавлы тані, ме бөръя вагон дінөдзыс ветла. Видзёдла, ставыс-ё лючки.

Дядьёыс ветліс поезд помөдзыс, бөр локтіс, өвтыштис юр весь-тас кыпөдөм пөнарнас поездланыс да меным нин шуис:

— Пуксы вагонас, мөдөдчим, — ачыс ме бөрся пос кузяыс кайис да пөдлаліс вагон ёдзөссө.

Паровозыс вöснъыд гөлөсөн, ливкнитөмөн тутөстис, вагонъясыс вөрзисны да пыр өддзалисны и өддзалисны. Векнъыд ота көрт туй вывтис вагонным өтарө-мөдарө сөмын и зимакылө-шатлалө.

— Татшөм ыджыд өдөн мунам да, ог пөрөй кытчөкө? Со кыдзи вагоныс шатласьө?— полөмөн юала дядьöыслысь.

— Эн пов, ог пөрөй!— серөктис дядьöыс.— Со, видзөд, войтырыс пукалөны, веськодъ налы.

— Мөгөн Синдор грездас?— юалө дядьöыс.

— Чериторла эськө, вузыштасны кө.

— Вузаласны. Коді волө чериысла, некор на некод тыртөг бөрсө эз бергөдчыв... Грездас унджыкыс нывбабаяс кыйсьöны. Аслыныс тырмө и вузөс вылө вичмө.

Пукалам вагонса векнъыдик лабич вылын бур дядьöыскөд орччөн. Поездыс, кажитчө, пыр на содтө өдсө, сөмын и пыльö-төвзьö. Вагонным шатласьө, быттө гыа ва вылын дзибрөс пыж.

— Пöрам өд, пöрам!— полөмпырысь кутчыси öшиньдорса пызанас.

— Эн пов!— серөктис орччөн пукалысь.— Быд лун өтарө-мөдарө тадзи ветлам да эг на пөрлөй. Видзөд со, кымынөн вагонас мунам да некод оз пов. Медводдзаысь на, татшөм поездас?

— Первойысь.

— Ылісянь воан?

— Айкинасянь...

— Вөвлі сэні... А чериыдла Марпа Петровна ордө пырав. Нывбабаяс пөвстас сійө медбур кыйсьысьыс. И черисө, шуöны, зэв сямөн косьтө. Чөскыд. Медсясө сы ордысь и ньöбасьöны, кывывлам татчө воысьыслысь. Зэв озыр Синдор тыыс черинас. Срок помассяс регыд да татчө и кольчча, ставыс кө лючки-бура артмас. Уджыс деньгаа, вөр-ваас зьвер-пөтка и чери,— воссис дядьöыс да висьтасьö и висьтасьö.— Бөрсө нө кор мөдөдчан?

— Талун жö эськө и колө туйö петны.

— Квайт час кежлө, сідзкө, лок поезд дорас.

Сөрнийөн кузь туйыс төдлытөг коли. Гырысь кер чукөръяс дорө сувтис поездыс. Вагонъясысь петалисны йөзыс да кутисны разөдчыны коді кытчө, асланыс уджалан местаас. Дядьöыскөд тшөтш, медым водзө туйсө сылысь юавны, петі и ме.

— Этайö туйöдыс чой горувсө и лэччы. Марпа Петровнаыслөн туй помас, дзик ты дінас керкаыс, шуйгавывланыс... Рытнас, мөдөдчысь кө, эн сөрмөдчы поезд вылас.

Аттöали бур дядьöсө да мөдөдчи вöла туйөд чой горув. Ылын водзын, асья югыдас, тыдовтчис помтөм-дортөм лымъя эрд.

«Тайö и эм, сідзкө, Сімдор тыыс,— вежөрті.— И збыльысь саридз!» Водзас берег ни вөртас оз тыдав. Грездланыс тыыс векнялө. Öтар-мөдар берегъяс вылас — парма вөр. Водз на, да тэрмасыны некытчө. Вуджи грездсө, лэччылі ты дінас.

«А ёна жö нин мича места вичмөма татчөс войтырыслы!— вежаланаа мөвпыштсис.— Миян Митерас грезд зэв жö мича местаын пукалө. Тулысын кильчө вылө петан да гөгөр тар кургөм да чушкөм кылө, но татшөм тыыс абу».

Саридздорса мичлуннас нимкодясигкоста мыччысис да вылөдзкодъ нин кыпөдчис шонді. Позьö, сідзкө, и мөгөн индөм керкаас пыравны: абу нин войын, йөз узигас, ветлысь кодъ. Тэрмасытөг кайи лажмыд кырийөд, кежи осьса дзиръяа керкалань. Шөр арлыда нывбаба кильчө бокас поткөдліс пес.

— Ен отсөгөн, жар пес, Марпа Петровна!— пöрысь йöзөн велöдöм ног чолöмаси нывбабаыскöд.

— Лок видза, лок! Ылысса ли матысса гöсьт? — видзаасис көзйяка.

— А кызд öд шуны? Тöрыт рытнас гортын на вöлі, а талун асывнас со тiянын нин... Эжва бересянь... Айкатыласö, кызд пöчьяс шуöны, кывлывлінныд?

— Кывлі и воывлі. Абу ылын, но абу и матын. Ичöт на, а кузь кока нин, сідзкö. Вой костөн кө татшöм вöлөксö сяммин вуджны.

— Поездьясыс тай öдйö вайöдöны. Бур йöзыс, кытчö колö, туйсö индöны и...

— Но, туй морт, пырам, сідзкö, керкаö. Шойччыштны-шонтысьны и нурьясыштны кузь вöлөк бöрад колö,— көзйякаыс лэдзис кисьыс черсö чуркаяс бокас да ас бöрсяыс корис пырны керкаас.

Пелькиник, электролампаөн югдöдöм жыр. Мöд жырйыс — восьса öдзöс саяс. Сэні пемыд.

— Югыд тiян, электричествонад. Ми карасина лампаөн на олам,— вежалöмөн ошкыштöмöй лои.

— Югдöдисны вөр лэдзысьясыд,— көзйякаыс юрсö суйліс мöд жырьяс, чукöстiс:— Ма-шö-ö! Чеччы! Жöникыд юр вылад...

«Хы-хы-хы-хы!»— серам петiс. Венялөн мамыс тадзи жö Маг-далина нывсö садьмöдліс.

— Сöмын на югдö да,— кыліс пытшкөсса öдзöс сайсянныс.— Талун öд шойччан лун...

— Шойча-а-ан... Пес колö поткöдлыштны... Вадорö лэччывны... Гымгаяс вежон лэптывтöмöсь...

— Но, вит минут, мамö?..

— Гöсьт воис... Чеччы... Жöникыд...— нывбаба гылыда серöктiс.

— А-а-а... Но, но... Чечча, чечча...

— Асья унма!— вашгялö керкаса көзйяка.— Көть вой шөрöдз пукалас, а асывнас он садьмöд.

Маша, Марпа Петровналөн быдтасыс, ар дас вита нывка, быйк-нитiс пыдi жырсьыс.

— А-а-а! Чолöм! Кутшöм жö, мися, жöник?— серöктiс менö аддзöм бöрын.— Кызд нö нимыд?

— Па-а-ша,— яндысьöмөн висьтаси, а юрö воис: «Но-о-о, татшöм збойыд куляс и вочас, невеста туйö кө быттьö! Миян класса нывкаяс рамöсь... А мича-а-а!»

Татшöм шыасьöмсьыс, да нöшта и нывлөн мичлунсьыс, кыв-ворöс воштi. Пызан сайын — аддзывлытöм сёян: чöскыд юква, пражитöм чери, ёкыша-сира черинянь. Кывйöй ньылыштчас. Но зэв родöмөн сёя... А Машаыс... Збой, дерт, но мича, көть синтö эн вештыв сы вылысь. Гөтрасьны кө сы вылö — непöштö банйыштöм нин морöссö видлöмысь, видзöдлöмнас пöтан.

— Тэ, Паша, сёй, сёй! Миян чериа вöлöгаыд уровью! Тöда, мыйла локтiн... Могмöдам... Сёй, а сэсся шойччыштан...

— Немысь музнысö... Пестö тай шуинныд... Öтвылысьнад öдйö меститам. Поткöдчынытö öд сямма...

— Но, сідзкö, и сёй топыда!— лөньöдö яндысьöмöс көзйяка.— Кодi пö кызди сёйö, сідзи и уджалö, шулöмаöсь.

— Миян сідзи жö шуöны!— петiс серамöй аныслөн кывбе-ритöм вылö да чериняньсö родтöгджык нин кутi чеплявны.

Пессö поткöдлыны босьтчи да öтчыд дай мöдысь колунөн чур-каас эг веськав: са-ап! чурка боктиыс öдöба лымъяс керыштсьö.

Мича Машаыс, дерт, мыжа: видзөдө да кутшөм нө удж артмас!
— Ö-ö-хө-хө! Вай ме поткөдча, Паша, а тэ чипасө тэч,— се-
рөктіс Маша.

— Эн-н-лы-ы... Видзөдан да вомдзавлан, буди... Вешйыштлы...

Чурка-мөдысь клинъяс артмалісны.

— Вай ме поткөдча!— оз лэдзчысь нывкаыс.— Ошйысян... Абу
поткөдчывлөмыд...

— Мун эськө керкаад!— янөдіс да, синйө да — удж оз артмы.

— Но, но! Пырала,— пыльсьялө.

Өтнам вит минут кежлө и кольлі — поткөдлөм пескыс тор-
касьны нин кутіс. Вештавны нин колө. Черыс кивыв лөсяліс и.
Шоналі... Пинжакөс пөрччи... Кыдз да пожөм чуркаясыс сөмын и
бринакылөны.

— Артмө тай, вөлөм,— эз нин килькъяв Маша, кор петіс ма-
мыскөд пессө тэчны.

— Чер воропас өд велапны на колө, а нөшта и кыйөдчан...

— Но... Ог, ог сэсся... Поткөдчы, а ми чипасө тэчны кутам.

Лун шөр гөгөрын кильчө дорыс куш нин вөлі. Пажнайтім. Пө-
төс, чөскыд сөян. Чериа вөлөга кындзи и яя шыд вөлі, но кийө
чери латкаланьыс тшөкыдджыка нюжөдчө: яя сөян и гортын пу-
лөны, а чериыс сөмын лавкаса, сола треска.

Пажын бөрын Марпа Петровна лөсьөдіс вель төрмөна воръя
ичөтик дадь, кильчө вылас петкөдіс пыридз.

— Ветламөй сэсся и кыясьны.

— Медыджыд чериыс, гымгаяссьыс кодөс перъям — Пашалы
уджсьыс козин,— вашъялө Маша.— Мед эськө сир!

— Оз ков... Видзөдлыны окота, кыдз кыйсянныд...

Ки вомлөс кызта йи йөрданъяссө вевттьөма. Пыридалім, вось-
талім йөрданъяс. Нель гымга... Öтиөс, мөдөс, коймөдөс кыпөдлім.
Вебра кык чунь кузьята йөрш да весът кузьята куим ёкыш пы-
рөмаөсь.

— Оз талун кыйсьөд,— нормыштіс Маша.— Пашалы эськө...

— Йөршыс уна, а гырысь чериыс гежөдджыка пыравлө,— ме-
ным моз висьталіс Марпа Петровна.— Төвнад найө гуынөсь...
Кодкө нин вөтчылас посниясылөн кельөб бөрсяыс.

Нельөд гымгаыс кыйдөса вөлөма. Шор вомө сійөс вөйтлөмаөсь.
Йөршыс — матө вебра жө, да нөшта и сой кузя сир. Чигья...
Кило куима, буди...

Маша весиг йөктыштіс:

— О-о-о, татшөмыс важөнкөдь нин эз шедлы!

— Ваыс вежсьө, садьмө чериыс,— нюмдіс Марпа Петровна.

Гымгаяс бөр вөйталім. Катөдім чери дадь. Куим час лун. Колө
ньюбасьны. Петі кильчө вылас. Резьөді зептысь вылыс вурөссө,
перйи деньга. Поезд билет вылө кольышті, а папушасө гач зептө
сюйи да бөр пыри керкаас.

— Кос черитортө та дон вузальштөй. Со деньгаыс... Мыйта
сетанныд сы доныс...

— Аминьөй! Тані кык вебра дон!— кыпөдіс синъяссө Марпа
Петровна.

— Ы!— артмис менам.— Килограммсө өти тьөтө миян комын
вит шайтысь вузалө...

— А Ен төдтөм ань тай!— шлапкис кинас пидзөсас Марпа Пет-
ровна.— Дас шайтөн kilos пыр на сеталі... И мукөдыс сідз жө...
Дивө тай!

— Керөсса Марья, ылыс рөд на, ёна и повзьөдліс: ылын пө,

поезд билет выlö колö мынтысьны, тюрьма-лагер пыр ветлыны...

— Мед нö... Бурöсь миян тані йöзыс... Немысь повнысö... Но, пукалöны... Вöр лэдзöны, а эз на кывсьыв, мед кодöскö грабитісны... Волас коркö! Вузала сылы нöшта! Удта на и, мед грездас-яс бөр тыртöг мөдöдöны! Куим дон кульö! Тыпу! Дас шайт! Мөд дон миян грездын некодлөн абу!

Кык ведра кос чериыс куль джын лои. И деньгай на коли. Марпа Петровна коляссö бөр мыччö. Эг босыт да бара на ведра джын содтис, а сэсся и нель весыта сирсö, выльöн кыйöмасö, рузумö гаровтис да нопйö суйö.

— Оз ков, оз!— пыкся.

— Отсасин! Колö! Ен отсөгөн, гымгаясыс и öнi кыйöны.

— Босыт, босыт!— суйсис мам сёрниас и Маша нылыс.— Ме тай шулі: кыйдöссьыс медыджыд ловсö тэныд!

Дон мынтытöг яндзим та ыджа чери босытны, но керкаса кö-зьяйкаыс суйис нин тубыртöм сирсö нопйö, көрталіс сепысöс выв-сянныс, а сэсся бара шлопнитіс кимөдзнас пидзöсас:

— Но и юр! Туйыд öд кузь. Аски рытланныс сöмын воан гор-тад!— ветліс инпöлас да черинянь вайö.— Тайö туй вылад,..— и юавтöг нопйö жö суйис.

Чукөртчöм-ноксöмнад кадыс öдйö кольö. Квайтöд час нин...

— Мөдысь бара на волы, бур зонка,— корö Марпа Петровна.

— Гожöмнас волы, гожöмнас!— шыасис и Маша.— Каникулъяс дырйиыд. Сэки пыжсянь кыйсьыштам...

— Окота эськö, но ог куж...

— Хы! Ме велöда...

— Но, инö, слöймөдчыла... Мича тані вөр-ваыс...

— Мича,— гогнитіс юрнас Маша.— Волы...

— Но...

Вөр лэдзысьяслөн поездöдз Маша колльöдіс.

— Ме тэныд гижа, Маша, позьö кө?

— Гиж...

— А овыд нö кызди?

— Максарова... Маша Максарова... Гиж... Гожöмнас волы сэсся и чери кыйны...

— Но... Вола...

Бур дядьöыс, кодкөд водз асывнас вагонас орччөн пукалім, ад-дзис менö да бара ас дінас чукөстіс. Орччөн, öти пуклөс вылын и мөдөдчим.

— Но, сюри ньöбасыд?— нюмпырысь юалö.

— Кыскымөн... Марпа Петровна тэчö и тэчö...

— Бур нывбаба,— ыджыда ышловзис дядьыс, а сэсся, мед, буди, ог гөгөрво, мыйла ышловзис, юаліс:— А кызди нö нимыд, пийö?

— Паша.

— Менö Тимофейөн шуöны.

— Выльысь на волыны корисны гожöмнас. Машаыс чери кый-ны корис.

— И волы...

— Май помас ме этайö бушлатсö пөрчча да öтлаын на, гашкö, и петалам кыйсьынысö? Ставыс кө, дерт, лад лоö?

Сімдор посёлокас Тимофей пыртöдіс менö кутшöмкö тьötö ордö.

— Узьтöд тайö зонкасö, Нина Ивановна. Сылы Микуньöдз.

— Мед узьö... Патератö мортыд сьöрас оз новлөдды. Öтнам тай, тöрам.

Аскинас Нина Ивановна, муртса на югдыштö, чуксаліс. Чайөн

юктөдіс. Ме сылы кос черитор колышті. Оз вөлі босыт, но өд сетөмасыс оз бөрынтчывыны...

— Но, сэсса мун... Котлас поездөдыс час джын коли. Котөртан станцияөдыс, билеттө ньобан — воас поездыс.

Вокзалас морт эз вөв. Весиг шензышті:

«Татчөс йөзыс нө некытчө оз ветлывыны ли мый?»

Ньоби билет, здук виччысышті, и Вөркута—Котлас поезд воис. Вагонас йөзыс этша. Ыджыд нопйөн пыдіөдыс эг мун да купе-кодяс өтнам и лои. Öтар-мөдар пуклөсьясыс дзик прөстөсь.

«Но станцияссө, кыті прөйдитам, лун югыднас видзөдала, нимъ-яссө лыддяла... Абу лёк и төдны, выльысь кө волөм лоө»,— ас кежын мөвпала.

Недыр өтнам муні. Куим зон воисны. Меысь верстьөджыкөсь. Пыр и кылі-казялі: мисьтөм сёрниаөсь.

— О-о-о! Кореш кытчөкө мөдөдчөма?— былькнитліс наян синъ-яснас медічөт тушааыс.— Вузасыны?

— О-ог,.. гортө...

— Мый нө нопъяд?

— Нем абу...

— Хы! Абу пө? Мешөкыс тыр, а шуө: нем абу...

— Но, чери... Ньобасыны ветлі...

Сэк кості шөркост тушааыс зепсыс карті колода кыскис.

— Вешйөй пызанланьыс, картіасямөй.

Көсий чеччыны өшинъ дорсыс, но ичөт тушааыс оз лэдз.

— Ми сөмын куимөн, а ворсөны нельөн...

— Ог сяммы...

— Велөдам...

— Ог көйы...

Пикө вои. Петны оз лэдзны. Картіөн мырдөн тшөктөны ворсны.

— Ворс. Уна деньга воан,— верзилө кодыс сёрниө пырөдчис.

— Менам грөш абу.

— Водзөсавла... Воан — мынтан...

«Вөлись тай шпана гыжъяд веськалі!»— ёна повзи, көть лёк-горшён горзы, а лоө-ө кодкө отсалысьыс?

— Ті ворсөй, ог кут торкасыны, но ме ог ворс,— пикө воөма, пыкся.

Дыр-ө эськө таdzi ковмис вензыны, кызди эськө сямми тайө шпанаяссыс мынтөдчыны, ог төд. Чери ноп бурөн, дерт, эськө эг сет, а сьылітшуптө кө сетасны? Унмовся — чери нопйөс сы мында и аддзыла... Но Енмыс, кыз шуласны, вөлөма на...

— Билетъяс, билетъяс дасътөй!— вагонөд тэрмасьөмөн вуджөр-тіс проводницаыс, а здук мысти и ревизорыс, мусюр кодъ дядьбө, миян дінө воис.

— Билетъяснытө?— нюжөдіс кисө.

Зонъяс өдйө дзебисны картисө, мыччисны билетъяснысө. Ревизор компостер-кльөщинас тшолкөдіс картонторъяссө, мелань нюжөдіс кисө:

— Билет?

— Менам абу,— лөсьөдөм усьөм гөлөсөн вочавидзи. Öд кымынысь Микуньө пызыла кайлім, төда: ревизоръяс оз шыльөдны юрөдыс «көчьястө». Нуөдасны сьёрсыныс да мичаа и штрапуйтасны. А меным сійө мездлунөн вөлі... Коліс кызкө мынтөдчыны шпана-зонъяссыс...

— Абу кө — штраф!

— Хе! «Кө-ө-өч!» «Кө-ө-өч!»— вежыньтліс вомсö менö öшинь дорö йөршитысь зонмыс.

— Мунам мекöд, — юрнас довкнитöмөн мурöстыштіс ревизор. — Кöлуйыд эм? Босьт... Мöдiм... Проводник! Вагонад «кöч». Мыйла лэдзин?

— Эз вöв некутшöм «кöч».

— А этайö нö?

— Билета, буди, вöлі?

— Эм билетыд? — юалис ревизор.

— Абу...

— Билета вöлі! — проводница вылас нин кыпöдіс дöзмöм гöлөссö ревизор. — Восьтлы купетö, рöзберитчам.

Пыртöдісны проводница жырйö.

— Кытысянь, кытчöдз туй кутан?

— Синдорсянь — Микуньöдз...

— Билеттöг? «Кöчөн?»

— Билетөн...

— Ог аддзы!

Лукйысьышти пинжак пытшкöс зептын, перйи билет. Ревизор кыпöдіс картон рöчсö öшинь югыдлань.

— Хы! Талунъя... Миян поездö... Синдор—Микунь...

— Ме тай шулі: некутшöм «кöч» вагонын абу! — югдіс проводницалөн чужöмыс.

— Мый нö менö бöбйöдлан? — дöзмöмөн видзöдліс ме вылö ревизор, но ассьыс уджсö тöдö: клотшнитіс кльöщи-компостернас, розьöдіс билетöс.

— Эсйö зонъясыс мырдөн картіөн ворсöдöны, а ме ог көйы... Ог и тöд весиг найöс... Йöртісны öшинь дорас, петны оз лэдзны.

— А-а-а! Со мыйын делöыс! Мед, сідзкö, тэ дінын и мунö зонкаыс Микуньöдзыс, — тайö проводницаыслы нин шуис. — А найöс, — индіс кинас вагон мöдар помланыс, — Княжпогостын чеччöд. Сэтчöдз билетныс. Нем вöчны ог вермы — билетаöсь. Пукав тані Микуньöдзыд...

Микуньын Айкинаö лэччысь лунъя поездсö на суи да Митерас переездöдз лючки-бура вои, а сэтысянь гортöдз — нимкодьöйла коклябөрöй мышкö инмалö — котөрөн: эг воштысь и ноп тыр чери вая!

Маша Максаровалы дасысь унджык письмö гижлі. Радейта, мися, гожöм пуксьöмсö виччыны ог вермы... Но письмөяссö сідзи эг и мöдöдлы. Куимöс, весиг конвертасö нин, клеитöмасö — сöмын пошта кудйö суйны — косявлі.

Яндзим лои... Мый, мися, нылыс ме йылысь шуас эськö, йöй-талана письмөös лыддьöм бöрын. Мöдысь Сімдорö чериысла ветлöмыс сэсся эз жö ло дай. А гашкö, и колö вöлі ветлыны? Код тöдас.





Владимир ТИМИН

* * *

Вежсис төвруыс рытив-лунлань,
Крута сярөбтіс шоһыд зэр.
Мыйкө казътывсьө,
Мыйкө вунлө,
Мыйкө бергөдчө жалһөн зэв.

Ойдысь гөпъясын зэрыс йөктө.
Мыйкө виччысьө век на лов.
Изъяс шыблавлі, өһі — өкта,
Колан выйөдз көть оз һин ло.

Олөм-вылөмөй вөлі гыа.
Өһі лөһныштис.
Водзө мый?
Шудөй, быттөкө рытъя кыа,
Аддза эськө да,
Видлы — кый!

* * *

Енэж пасья
Югыд шонді,
Көть тэ югөръяссө курав.
Жугыль лунъяс бөрын понді
Вөлись эскыны ме бурас.

Өтиторсө энө дольөй —
Еһнюгыдыс бурһас олө.
Кыпыд руыс лолад кольө,
Весиг сьөд руыс кө волө.

Югзы, шонді!
Шонты мусө,
Ловъя ловъяссө эн вунөд.
Кымын водзө, сымын муса
Тэһад помтөм мелілуһыд.

* * *

Көһі олаһөй,
Көһі чужлім,
Видзһы асьһыһмөс
Огө кужөй.
Олөм поскөдыс
Увлань лэччам,
Бокусь воөһаяслы
Сетчам.
Жебһим воһсөһ

Кокӧдз юрсянь,
Содтӧд, ас костаным на
Пурсям.
Со и воӧдчим —
Милань ӧні
Чуньӧн индӧны-сералӧны.
Наян гӧрдлӧмсӧ
Асьным пестім...
Матыс ягланьын
Пӧрӧм крестъяс.
Дзикӧдз вунӧмны
Пӧльяс, пӧчъяс,
Со и серамсӧ
Натӧг вӧчам.
Нимъяс сетісны
Грездлы, юлы,
Парма-ягъяслы,
Коми мулы.
Видзны кужлісны
Ывла вывсӧ,
Оланногнымӧс,
Коми кывсӧ.
Но а ми вок,
Мый колям асьным
Локтан воясӧ олысьяслы?..
Ёртӧй!
На водзын — мӧвп оз эновт —
Ставсьыс кывкутны
Тэд да меным.

* * *

Югыз кеньӧн мавтӧма
Енэжтас,
Тан и мустӧм номйыс мем
Быттӧ ас.
Самвар дзикӧдз ланьтӧма,
Оз нин пу.
Мича вӧтъяс вӧталӧ
Пелысь пу.
Ӧмидз кӧсйӧ гӧрддзасьны,
Кисьмӧ оз.
Гажтӧмалӧ пармаысь
Ӧтка коз.
Ыджыз дивӧ олӧмыс,
Кыпыд мойд.
Гуся сёрни кусӧдас
Гожся вой...

* * *

Ме тәнӧ сӧдз мичлунсьыд ошка,
Ме тәнӧ ньӧжйӧникӧн вошта.
Ог гораньӧн мӧд ворсны — пета,
Тэд водзӧ вылӧ вӧля сета.

Тэ ачыз корсян вӧлі тайӧс,
Мый кӧсян — вӧчан синъяс сайын,
А тадзнад, дерт, он ышӧд менӧ,
И шудӧс кокниасьӧм венӧ...



●

Ме век на сѡдз мичлунтѡ ошка,
Ме тѣнѡ ньѡжйѡникѡн вошта...

* * *

Весиг нимыд тѣнад
Шонтѡ менсьым сьѡлѡмѡс,
Олан нѣмѡй зѣв на
Чуймѡдана вѡлѡма.

Торъя нинѡм эг нин
Виччысь тайѡ олѡмас,
Гашкѡ, Енмыс ачыс
Миянланьѡ волѡма?

Ќні тѣѡн ола,
Аддзысьлѡмъяс виччыся,
Сьѡлѡм тѣпкѡ — кор нин
Шуда здукыс мыччысьлас?

Быттьѡ асья вѡтын
Лѣбѡдѡны луньясыс...
Кымын вой нин узьтѡм
Аслам гуся думьясыс!..

* * *

Менам асья шондѣ югѡрѡй,
Помѡдз шонтан али ылѡдан?
Радейтчѡмѡй, Эжва ю шѡрѡй,
Кытчѡ бара менѡ кылѡдан?

Важѡн сетчи ышман гыяслы,
Сьѡлѡмѡй со тѣпкѡ перыда:
Али наянджыкьяс кыясны?
Али воа шуда берегѡдз?

Ќта-мѡдлы, тѡда, коламѡй,
Сѡмын кор ми йѡзлы эрдѡдчам?
Ой тѣ, олѡм, менам олѡмѡй,
Кодарѡ на ещѡ бергѡдчан.



Почѣт ним

Кывбурьяссѡ журналѡ дасьтѣгѡн редакцияѡ воис ним-
кодъ юѡр: **Владимир Васильевич Тиминлы** тѡв шѡр тѡ-
лысьѡ сетѡмаѡсь «Сыктывдѣн районса почѣтнѡй гражда-
нин» ним.

Чолѡмалам Владимир Васильевичѡс, сиам крепыд дзонь-
видзалун!





Нина КУРАТОВА

ИВАН ДЯДЬ

В и с т

— Тіян овныд абу Лютоев?.. Лютоев Иван Касьяновичос онö тöдöй? Öнi ар квайтымын вит-квайтымын квайт сылы. Армияс Новосибирскын служитлöма... Тi öд, газетчикъяс, быдлатi ветланныд, унакöд аддзысьланныд да...

Ме эг и сет водзöсö кыв шуны, горöдi:

— Кыдз нö ог тöд! Рöдимöй дядь менам да!

Менам выль тöдсаöй вуч-вачкерис кинас да серöктiс:

— Збыль öмöй дзескыд земля-мати вылас? Рöд, инö, ми тэкöд, корреспондент ёрт!

Ме нинöм гөгөрвотөг пондi дзоргыны сы вылö. Сiйö лэдзыштлiс юрсö да кайтыштiс:

— Извенит...

А сэсся со мый висьталiс меным.

Олам пö ми мамöкöд öти патераын. Бөръя кадас сiйö ёна нин слабмис да пöшти оз и чеччыв. Татчö, Комиад, командировкаö мөдöдчи, да мамö чукöстiс ас дiнас. Мунан пö сэтчö да тöдмав, ловъя абу на да кыдзи олö-вылö батыд.

Шемöсми: кутшöм бать? А мамö слабиника шеныштiс кинас, эн пö юась. Öнöдз пö эг висьтавлы да... А öнi... Гашкö, регыд кула да... Он и кут тöдны... Батыд тэнад — Лютоев Иван Касьянович. Комиысь. Ляпкыдкерöс сиктысь... Вот тадзи лои. Ме пыр на ас садьö эг во...

Кузя ышловзöмөн помалiс ассыйс висьтсö менам выль рöдняй дай чöv уси.

— Да, збыль муыс дзескыд,— шыаси, медем мыйкö шуны, да и кыпыда серöктi:— Вот и бур, рöдня кö! Иван дядьö ловъя! Мый сылы лоас? Месянь матын и олö. Кöсьян кö, нуöдла сы дорö. Аддзысьланныд.

Сiйö падъялыштiс, но эз жö öткажитчы. Кадыс кö пö лоö, быть ветлам. Босьтiс телефон номерöс да пондiс тэрмасьны. Менам пö

•
өти делөвөй сёрни нөшта эм да мед ог жө сёрмы. А өні пө ад-
дзысылтөдз!

Тадзи и торъялім ми сэки, да ме куті виччысыны сысянь звёнок.
Но телефон чөв оліс. Көнкө, некор сылы — делөвөй выль рөдняө
да, Сталепромышленной корпорациясянь командировкаас ветлө.
Ухтаө либө Вөркутаө на, колөкө, муніс. Но век жө... Ёна кө көсян,
аддзан кадтө, көть нин звөнитлынытө.

Звёнок виччигас дивитөмкөд тшөтш ме сійөс и ошки: со, мися,
кутшөм ыджыд мортөдз лыбөма Иван дядьлөн пиыс. Ачыс Иван
дядь бара-й төдө оз, мый көнкө Сибирын сылөн пи олө? А сөтана,
сюсь вөлөм дядюшөй! Да сідз кө нин шуны, и өні на, матө си-
зимдаснас, нывбаба дорад абу веськодь. Ме эськө ог дивит ни ог
ошки сійөс, но гөтыр кулөм бөрас мыйлакө дзикөдз ышмис. Али
шогысла бөбмис? Шунытө он куж. Мыйөн төдан мөд мортөс. Но
видзөдны сы вылө — нормө сьөлөмыд. Кор көть ог кежав сы
ордө, пыр шема юра. И быд пөрийө выль гөтыр.

— О, племяш локтіс!— менам пыригкоста и горөдө дядьө да
паськөдө сывсө. Сэк жө чепөльтлө орччөн сулалысь нывбаба-
пөдругасө да ошйысьө:

— Төдмась. Менам гөтыр! Дөзми өтнам овнысө, вайөді...

— Зэв бур,— шуа. Быть өд мыйкө шу. Он тай садьтөгыд усь,
көть вежоннас эськө оз кө кыкысь, то өтчыдтө быть нин выль
гөтыртө вайөдлө да. Мукөддырйиыс и ичмонь кодь ань креслөас
пукалө, шпуткө-куритчө, а корсюрө — и пөрысь пөч кухняс
ноксьө дай. Чайтан: тайө, мися, овмөдчас нин дядькөд. Но лун-
мөд бөрти дядьө звөнитө нин меным:

— Вөтлі...

— Некызд тай нө ассьыд пөвтө он вермы аддзыны,— шуа
телефон трубкаө, а сійө воча матьөн нин горалө:

— Матере! Стерво вөлөма! Лөсьыда шошаалі...

Сэтчөдз дөзмөдіс, мый ачым нин дась матересө шуны. Мися,
ов кызди көсян, меным веськодь. Дыр эг звөнитлы ни эг пырав
сы бөрын. Но өтчыд вочаасим. Ме буретш удж бөрын гортө
восьлалі. А сійө паныд. Еджыд дөрөма, галстук, көть ывлаас и
жаркодь. И медчуймөданаыс — садь. Вомыс шешвидзө.

— Кытчө нө эськө тадзсө тэрмасын?— юала.— Дозла жө вед,
пөди, мунан?

— Мый тэ, племяш! Войт ог ю, Люсякөд төдмаси да. Интел-
лигентной... Локтіс, а менам весиг чай юны нинөмөн. Кампет көть
босьта. Тэ өд миянсянь он ылі ветлы, кежав. Сійө өтнас коли,
гажтөмтчыны кутас. Ме регыд локта. Мун, пырав, төдмасынныд.

Ыджыд окота пырнысө эз вөв, но тайө луньясө гөтырөй ныв-
какөд мунісны сиктө пөль-пөчсө видлыны, да шуи аслым: пырала,
мися, кадыс мед өдйөджык коляс. Отнамлы өд рытыс кузь. Кежи
наланьө. Кайи коймөд судтаөдзыс да аслым ог эскы: өдзөсыс шөри
чегөма, вужынь-вежыня, а сы сайысь кылө мужичөйлөн скөр гөлөс
да вөсни гөлөса лимзөм.

«Мый нө тайө? Мөд подъездө али мый пырсьөма?» Но ог өд
медводдзаысь лок татчө. Со и патера номерыс сійө.

Пока ме мөвпалі, косны либө пырны, поскөдыс кайис төдсайө,
кодкөд өтилаын уджалам. И кыкнанным өтпырийө: «Тэ мый тани?»

— Ме дядь ордө вои, а сэні... Кылан, мый керсьө? — инда
өдзөсланысь.

Ёртөй кывзысьыштіс да нинөм шутөг смела пырис. А здук
мысти тайкө кок йылысь эз нуны: пинясьөмөн да кулакнас ше-

наситыр кутшомкө дядьö вирдыштис увлань. Петис и тöдсай. Сой пöлөдыс кыскö кудриа юрсиа нывбабаöс. Нывбабаыс повзёмысла ставнас сырмö. Да и абу веськыд юра, юышталö ли, а колöкö, и наркоманка на. Ме дортi мунигас тöдсай шуис:

— Чой тайö менам...— Да мöдiс увлань. Улысяньыс нин горöдiс:— Пыр, сэнi некод абу.

Ме видзöдлi пазьмунöм öдзöс вылас, да мыйлакö друг сэтшöма пондiс петны серамöй. Серала и серала, дугдыны ог вермы. А пос кузяыс бара кодкö кайö. Буракö, Иван дядь, сылөн кашкöм шыыс да. Сийö и вöлöма. Воис öдзöс дорöдзыс да сiдзи матьöктiс! Менö быттö оз и аддзы, чужйис öдзöсас. Сийö тур-тарөн киссис. Вылыс юкöныс коли тонъялан, а улысыс джоджас лои. Иван дядь нöшта матьöктiс, чужйис кок улас туплясьыс пöвторйö, воськовтiс порог вомöныс да сэсянь нин чукöстiс:

— Пыр, мый сэн сулалан?

Гөлөсыс ньöти эз вöв скөр, а мыжа мортлөн кодь. Мый нö сыкöд лои, друг этадзи раммис? Татшöм здукъяснас сийö садьсö воштытöдз скөрмывлiс. Сöмын сэки эз öнiя моз рочась, а «нырвомтö разя!» либö «сьылiдзиртö песовта!» равзiс. Сэки сылөн быд пöрийö аддзысьлис такöдысь да раммöдысь — гöтырыс. Ыръяниттöг да гөлөссö лэптытöг небыдика и шуас вöлi кулакнас öвтчысь верöсыслы: «Аски, Иванушко, аски...»

Да повтöг сибöдчас скөрмöм верöсыс дорö. Инмöдчыштлас сöмын — мöдыд и лөньюма нин. И кыдзи кужлис тётя Лида татшöм öдйöсö сийöс лөньюдны? Онöдз ог гөгөрво. Инмöдчыштлис кутшомкö коланiнö, али кыв шуны кужлис? А гашкö, небыд лов шыас мыйкö сэтшöмтор вöлi? Öнi тётя абу да он нин юав. А Иванушкоыс со мый вöчö. А век жö тешкодь: мый кöть лоис, а сылөн став скöрыс öти матьöктöмөн и быри. Со сийö видлалö нин жугалöм öдзöссö, мөвпалö, позьö-ö кöть нин сьöд вой кежлас кыдзкö лöсьöдыштыны, йöзөн янöдöмысь, мыйкö öдзöс кодьöс. Недыр мысти дядь шыасис ме дорö:

— Пырав, шкапысь кльöщи да мöлöt вай,— сэсся öвтыштлис кинас да содтiс:— Энлы, ачым!

Сы бöрся и ме пыри жыръяс да аддзи увлань юрөн йöктысь улöс-пызансö, пазалöм стеклöа шкапсö, да бара серамöй пондiс петны.

Иван дядь аддзис мöлөттö да кайтыштлис:

— Серав, серав... Сета кö этайөн плешкад...

А гөлөсыс абу скөр, шмоньливкодь. Ме шмонита жö, мися, öнi он рочөн горзы, комийөн повзёдлан, да ог и пов. И сэк жö вöзъя дядьлы, медым гортись вайны панера торъяс да вöчны сылы выль öдзöс. А то öд кудриа юра бабаясыд вермасны и асьсö, муса жöниксö, гусявны.

— А мый, ме шыбитана жöник? И гусяласны! И дядьыд тэнад оз ло. Код вылын сэки серавнытö кутан?— тшапитчö дядь да ветлöдлö патератiыс, кöнi и тувчынысö некытчö. Та бöрын вöлись топалöм морт гөлөсөн шыасьö ме дорö:

— Ветлы, инö, и эм. Гортын нинöм сэтшöмыс абу.

...Ме тэрмасы гортö и мөвпала: «Та бöрын öд оз жö нин сэсся йöйтавнысö кут. Бур кöть, мый эсийö багатыр кодь мужичöйыслы кабыр улас эз веськав. Эськö кудриа «интеллигентка» вöснаыс ковмис пув васö нювны да. Дядюшö тэ, дядюшö!.. «Батюшкоö!..»

Тадз шулисны дядьöс водзтi, том дырйиыс, кор сийö олiс на сиктын, бать керкаас, кор колхозъяс, а сэсся совхозъяс на вöлины.

А Иван дядь вöлі медтöдчана мортöн — трактористöн. А тётя Лидаöс, гөтырсö, медпунктын пельшерöн вöлі да, Егоровнаöн ыдж-дöдлісны. Керкаыс налөн вöлі миянкöд орччөн да ме унджык кадсö на ордын и колявлі. Миянын некод абу, гажтöм, а налөн ичöтик Леночка, небыдик еджыд юрсиа варов нывка. Тётя Лида сöмын рыт-асывнас медпунктас овлö, а лун югыднас пыр гортас. Но менö, дерт, медся ёна кыскис Иван дядь дорö. Помнита: школаысь локта, книга сумкаöс шыбита да котөрөн карта сайö, көні дядьлөн тракторыс ургö.

Иван дядь менö аддзас да сувтöдö тракторсö. Тэрыба кавшася кабинаас. Иван дядь сералö:

— Талун меным шуисны, медем дон босыттöг некодöс эг нов-лöдлы.

Ме шогö уся, но дядьö дзик пыр и лөньöдö:

— Съивны ковмас тэныд, Öндруша, мед тракторыс öдйöджык вартöдлас.

Ме радöйла горöда:

— Да ме тэныд дасöс сыла!— И пыр жö заводита. Гөлөсöй менам збодер, көть ачым и гөгөрвоа: абу радиоса кодь, но сідз зіля, весигтö киён шенася: «Я — земля! Я своих провожаю питомцев, сыновей, дочерей...»

— О-о! Вот тайö да! Вот тайö сыланкыв!— ошкыштö менö дядь да ачыс тшöтш заводитö мургыны кыз гөлөснас:— Долетаем до самого солнца и домой возвращаемся-а...

Сыланкывйыслысь бөръя кывъяссö дядь аслысногджык вöчö да сэсся шыасьö ме дорö:

— Да, браток, Öндруша, миянлы и збыль быть колö гортö ветлыны, Егоровналөн яесничаыс кöдзалас-чорзяс.

Дядь кусöдö тракторсö да кольö му помас, а ми восьлалам гортлань. Дядь шамыртли менö пельпомöд, серöктö:

— Ок тэ, шкет, кор бара-й быдман да менö вежан? Пöлинö, батыд оз на көсйы воны? Мыйöдз бара велöдчас сы дыранас? А кывлін тайöс? Кто учился ВÖ-ПÖ-ША — тот не знает ни шиша!

Батöй велöдчö Ленинградын Высшöй партийнöй школаын. Сійö авъя, абу төв чужъялысь. Мыйла Иван дядьыс тадзсö шуö? Меным сэтшöма чушисны дядьлөн кывъясыс — окота вöлі сетны сылы пель бокас. Но менам сэтшöм на ичöt кулакöй. Бурджык съовзя да пышгъя сы дорысь. Но Иван дядь гөгөрвоöма нин менсьым лов пессöмöс, шуö:

— Да эн дöзмы, ме öд шмониті. Ог öмöй тöд, кутшöм вежöра да грамотнöй тэнад батыд. Свöяк öд сійö меным. Көсьян пажын бöрас мекöд турун кыскавны скöтнöй дворö? Том дояркаяссö вальмайтыштам турун пиас!

Менам лолöй лөнныштис, но помöдзыс эг на бурась, воча нурбыльті:

— Ми Расов Петякöд талун вальмасим нин.

— И коді вермис?

Ме лэдза юрöс, мыкталышта:

— Пе-е-тя. Сійö тöдан кутшöм кыз да ён... Тэ кор трактортö ремонт вылас сувтöдан? Сэк ме сылы петкöдла, коді сюсьджык! Став частьсö нин тöда!

Дядьö чушкыль-чошкылькерис менсьым юрсиöс да кайтыштис:

— Ок тэ...

А сэсся дыр мысьт нин содтис:

— Арнас сувтöдам. Быд винт, быд гайка кутан тöдны. Мужи-

кыд өд абу мужик, оз кө куж весиг көрт тув тувъявны. Вот, шуам, ме! Эг кө куж көрта көлуйнас да быдсяма инструментнас вөдитчыны, кодлыкө колі эг сиктас?

Тайө збыль. Сиктын Иван дядь медколана мортис. Мамө и то кодкөлунө шыасьліс сы дорө. Чер пу пө легө да, Иван, гашкө, лөсьөдыштан? А дөваяс да пөрысь пөчьяс: «Иванушкоө, Касьяновичө, пескөй быри, вайыштан кө эськө, батюшко...»

— Вая,— шуас Иван дядь да лун-мөд мысти сувтөдө нин пес тыра трактор додсьө пөчөлы өшинь улас, горөдө көзяйкаыслы:— Лукерья пөч! Кытчө пестө ректам?

Пөчө тэрмасьө кильчө поссө лэччыны.

— Вайин, слава Богу. Сө пасибө бур пилы! Пыралан, гашкө, керкаас да? Роч вина доз лавкаысь босьті.

— Мөдысь коркө, матушкаө,— шеныштө кинас Иван дядь да гөрөктө:— Пыра кө өд, дозтө ставнас ректа. Чеплясьны окота лөө. Гөтырөй вежөгтыны кутас да ачыс быд рыт пондас Пилипйөвич пөль дорө ветлыны, банкаяс тэчны дедуклы, быттө коскас кучкөма да вөрзыныс оз вермы. Мем көть сэсся вежөгты жө...

— Пиук, эн вежөгты Лидюктө,— дзөрөдө юрнас да дорйө пельшеричасө Лукерья пөч.— Егоровна миян аминь шань нывбаба. Ачыд тэ зэв шань и. Лөк серам ни лөк слава тиян йылысь оз кыпты.

Бөрья кывъяссө кывкөртөд пыдди и кайтыштө пөчыс, но Иван дядь вомалыштө сійөс:

— Эн шу. Ме өд мудер, көинъяс моз ола. Ас сиктын ог кутит, а бокас... Колян ар передөвикъяслөн слёт вылө карө корлісны да ёна и петкөді вежнысө карса краляясыслысь. Костюма да еджыд дөрөма, смоль юрсийө бөрлань сыналөма! «Этайө нө пө коді татшөм мус ёкмылысь?»— юасьоны ме йылысь да синнас ворсөдчөны. Сэтшөмъясыскөд нө он ышмы? Локті гортө да Лидиялы пыр и висьтаси. Мися, пывсянтө ломтыв да грекъясөс мыськөм бөрын вөлись окыштчам. А сійө... Вешйы пө син водзысь, баквал. Кодлы тэ колан: чужөмыд пыр сьөд, карасин дук дінсьыд өвтө и. Дзик оз вежөгты. Абу и интереснө бокас котравны. Вежөгтіс кө, позис на вильшасьөм ради-а...

Иван дядьлөн шмонитігас сярмунлөны еджыд пиньясыс, а сэсся лабутнөя нин шыасьө:

— Тэ өд менө, пөчукө, он дивит кыв песөмсьыс? Лунтыр өтнам тракторын да сідзи мудзла чөв олөмсьыс. Вот и варовмыла йөз дінас.

Иван дядь том дырйиыс сэтшөм и вөлі. Сёрнитас-шмонитас быдөнкөд, старука көть ичөт нывка. А ассъыс быдтассө любитөмысла гыныктыны вөлі дась.

— А тірибөбө тэ менам, колипкайө, коді бара тэнө миян капуста град йөрө эновтлөма-а? Тошкала, буди, а то гыныктысся!— порөгсө воськовтігкості и кватитліс сы дорө лэбысь нывкасө.

— Тошкав, тошкав! Öдйөджык быдма!— чилөстө нывкаыс кыськө пыдісянь, батыс сывтыр пытшкөссянныс.

А абу и силөма еджыдик нывкалы өдйөджыксө быдмыны. Суседъясылөн Толик, ар даса, пуксьөдас кык пөдругаөс пыжө, каттайтыштны көсьяс, а пыжыд розя вөлөма. Челядьлысь чилзөмтө эськө и кывласны мөдлапөлас ытшкысьясыс, да верман өмөй татшөмтор чайтны. Воасны коркө вадорад, а пыжыс пө кымыньон нин кывтө. Зонкасө садьтөгыс берегсьыс аддзасны, а нывкаяссө ва пыдөссьыс коймөд лунас нин лэптасны. Быттө кумач платтьөа лөзьдөм дзоридзяс...

Муса быдтассо воштoм бoрын регыд Иван дядь гoзья энoвтiсны сиктсo. Карo пышйисны. Сэн кoть пo юыс син водзын оз лo да oзджык кут мoвпавсьыны.

Трактористoн жo пырис уджавнысo Иван дядь, ПМК-o. Вьл-лаад регыд и сьoктiс тeтя Лида. Зонкаoс чужтiс. Сашукoн ним-тiсны.

Ме сэки дас класс бoрын карас жo вои, пединститутo велoд-чыны пыри да тшoкыда кeжавлывлi на oрдo. Налoн кык жырья патераыс институтсянь неылын и вoли. Но гортас медсясo мам-пиаoс и сули: Иван дядь пырджык удж вылас вoли. ПМК-ыслoн кантораыс сoмын карын, а кызвын уджыс районьясын. Нюрьяс кoсьтoны, совхозьяслы видз-му вoчoны. Уджалысьясыс сэнi и узь-лoны-олoны, а гортас сoмын шойччан лун кeжлo мыччысьлoны.

Тeтя Лида шулис, ставыс пo эськo бур: и патера сетiсны, и удж аддзи сьoлoм серти, и Иван нажoтка лючки-бурoс вайo, дай питор на сo Енмыс сетiс, сoмын Иван оз гортын узьлы-ов да пoсь сeян-тoгыд дзикoдз тшыкoдас дзоньвидзалунсo. Дай пола: юны велалас.

Сидзи и эм, быгтьo тoдoма тeтя Лида. Локтo кo Иван дядь гортас шойччан лун кeжлo, то шoмакодь юра нин. Ме сoмын на пыра на oрдo, а дядь пыр и пасьтасьны кутас.

— Иванушко, тэ нo кытчo?— юалo тeтя Лида.— Гoсьт воис, а тэ пышьян.

— Oг жo пышйи татшoм гoсьтысь,— жермунлo дядьo.— Дoзла петала. Пукалыштам.

— Oз ков, Иван дядь. Сытoг пукыштам. Вaжoн тай нo сиктса гортын некутшoм дoз эз ковы.

Серам выв менo лeптiс Иван дядь. Тэ пo oд сэки зырымбeдь на вoлин. А oнi, видзoда да, мужик! Мужикьяс кoстын пo гажтoм сeрни артмас, оз кo югьяв пызан вылад эсiйoыс... Тэ вoт бaтьыд моз кыв песан удж вылo жo дасьтысян. Пединститутo пырoмьд. Учительo, инo...

Иван дядь сэтшoм сюся видзoдo, ме весиг рoда. Но сiйo друг топыда шуo:

— Мед. Бур учительыс чeлядьыслы колo жo.

— Сидзкo, Иван дядь, мeысь бур учительыс артмас?

— А кызди нo?— паськыда нюмдo дядьo да лапкo аслыс мo-рoсac.— Ме oд тэнo мыйoкo велoдлi жo. Чайта — эг лeкас.

Сылoн нюмыс зeв дoвoль. Дoвoль и мe. А тeтя Лида вайo нин пызан вылo руалысь шыд тасьтi да кайтo:

— Пуксьoй. Пoсь шыднад мeдся на лoсьыд пукавнытo. Ме тi-янлы, сидзтoкo нин, вина румкатo вая. Аддзысьoй... Сашук, вeшты пызан вывсьыс чачаястo.

Тайo нин пи дoрас шыасьo тeтя Лида.

Сашук пыр на лoня пукалис пызан саяс, эз вoрс, а кывзiс миянoс да дзоргис бaтьыс вылo. Сашуклoн видзoдласыс абy чeлядь сяма — oлoма мортлoн кодь. Видзoдo, да быгтьo аддзo тэ пытшкысь ставсo, быд дум и быд дoй.

Сэтшoмoн и быдмис Саша: лoнь вoраса, вeжoра видзoдласа, абy уна сeрниа, но быдтор тoдны oкoтитысь. Кымын водзo быдмис, сымын тайo аслыспoлoслуныс тoдчис eнджыка. Ичoтнас тшoтшья-ясыскoд сылoн вoрсoм-epтaсьoм эз вoвлы, да и быдмoм бoрас нывьяс дiнo сiйoс эз кыскы. Мамыс шуасьны нин кутiс:

— Манакo али мый асьтo дасьтан? Энoвтлы книгаад дзоргыны, петав ывла вылас, том iйoз дoрас! Киноo кoть вeтлы!

— Абy интереснo,— сoмын и убoлитас мамыслы шуны.

Сэки Саша велөдчис нин көкъямысөд классын. Бура. Во помас аттестатас иностраннойыс кындзи ставыс вит.

— Саша... Английскöйыс оз кажитчы али мый? Этатшөм аттестат тшыкөдөмьд,— шуа ме сылы, а сйö веськодя вочавидзö:— Мыйла оз кажитчы? Кажитчö.

— Кажитчö кө, мыйла инö три?— ог öвсьы ме.

— Да öд оз ковмы сйö меным,— вочавидзö Саша.— Съодас тöдышта, а ковтöгыс мыйла зубритнысö? Ме öд лесникön көсья лоны.

Лесникön... Абу дивö сылön көсйöмыс. Йöз дорас абу ёна си-балыс да. Но көкъямысöд класстö помалысьыд öд челядь руа на.

Ме сэки институт бöрын школаын уджалä да чайтi нин ачымöс авторитетön. Бара шуа сылы:

— Тэнад төлкөн туйыс быдлаö восьса. Наукаö на, гашкö, сетчан.

— Колöкö, и сетча. Вöрас олыс-уджалысьыс медся на матын наука дорас, көсьян кө тöдны.

— Гашкö, тэ и прав,— шуа сылы да содтышта на:— Мыйла öнi гадайтнысö? Дас класс помалан дай бөръян, кытöнi водзö велöдчыны.

— Ме первой армияö ветла, а сэсся тыдовтчас.

— Правильнö!

Сэки ме, ачыс Сашаыс да и мам-батыс чайтiм, мый тадзи кымын и лö. Но дасöд классас велöдчигön, буретш экзаментаыс водзвылас, Саша кутöма висытавы мамыслы гöтрасьöм йылыс.

Тётя Лида ставнас шызьöма, бöрдiгтыр шыасис ме дорö. Тэ пö көтö сёрнитлы Сашуккöд. Школасö öд помавны медводз колö.

— Менö нö кывзас?— шуа сылы.— Батыс нö мый?

Батыс... Медпервой ме выlö вувзысьыс, пöвадитöмьд пö! Водзтi пö армияö ветлытöдз эз гöтрасьыны! Кыкнанныды пö вот петкöдла! Тайкö и менö оз нöйт. Эз жö тай сет вöлясö кулакыс-лы-а. Пасытасис и петiс. А петiгас шуис:— Кынöм кө вöчис, мед гöтрасяс да мунас гортыс, удж корсяс, патера... Уджавныс миянö, ПМК-ö, и вермас локны. Миян, брат... Тырмас съöд уджыд, Комисыс став нюрсö пö косытыны көсйöны... Скөрön и петiс. Саша чöла кывзiс миянлыс тшетшкöдчöмсö, а сэсся, батыслön петöм бöрас, ымöстiс: «Тi нинöм он гөгөрвой... Некутшöм кынöм ме эг вöч. Прöстö сылы нинöм выlö овнысö. Юрсисö көсйö вузавны! А адзылiнныд кө Юлялыс юрсисö!.. Найö кык чоя-вока, а мамыс висьö...» Мися, гөгөрвоа эськö да... Кодi Юляыс? Мыйла ми ог тöдöй? Гöтрасьны кө öд... Ок, мися, пиук, кага руа на тэ... Шуала-кайта сылы, а аслам горш дiнöй гөррдзасыны дась. Сйö нем шы-автöг кывзö менö, а синмас шог-гажтöм... Андрейö, пиукö, сёр-нитлы Сашуккöд...

Тётя Лидалön сэтшöм кевмысьöм кылö гөлöсас. Быть, мися, вола тiянö, сёрнитла. Збодера и көсйыс тётя Лидалы, а ачим мөвпала: «Мый нö кужа паныдсö шуны? Эн гöтрась ли мый?»

Но көсйыси öд тётя Лидалы да на ордö ветла.

Мöд лунас рыгъявылыс и мöдöдчи. Мед жö, мися, ставнысö гортсыс суа — зня-пиасö, а колöкö, Иван дядь на гортас воис.

Пыри на ордö, да син улö медводз Сашаыс и уси. Пызан саяс пукалö, лыддысьö, мыйкö ёна мөвпалö, плешсö чикыртöма.

— Саша, буракö, экзаментяс кeжлö нин дасытысьö?— кыпыда и шыаси.

Мамыс кылöма менсьым гөлöсöс, паныд петö кухнясянныс. Пыр и ордйöдiс писö вочакывнас:

— Дасьтысьö... Тайö öд мян... Зарни медаль выlö пö тай кута зильны.

Мамыслöн гөлöсыс кыпыд, чужöм вылас нюмтор ворсö. Ме гөгөрвоа тётя Лидалысь водзмöстчöмсö да кыпыда жö и шуа:

— Обязательно! Сöмын зарни медаль!

— Артмас кö...— нурбыльтыштö Саша, быттö оз и сы йылысь сёрниыс мун.

— Артмас!— горала ме. Гөтрасьöм йылысь и сёрни абу мам-пиа костын, да меным долыд нин, оз кöть, мися, ковмы сійöн дöзмöдчынысö. А прöста кыв песны, ошкыштны да öддзöдны сямöй тырмас нин, дас во школьникяс дорад нокся да.

И збыль, Саша школасö медальöн помалис. Но кутшöмкö вузö ли техникумö эз тэрмась. Армияö пö ветла да вöлись. Сійö арнас и мунис. Батыслы любö.

— Сашаыд, тöдан, ракетнойö веськалöма!— кулаксö öтторъя вывлань лэптылö Иван дядь.

— «Дедовщина» йылысь мыйкö сёрнитöны да... Абу тай эськö Афганад нуöмны да,— нора шыасьлö и тётя Лида.

Но мöдыс сійöс чирыштöкодь:

— Нинöм абусыс, Лидуша, эн шогсьы! Афгансö дугöдисны нин, öти-кö. А мöд-кö,.. «Дедовщинасö» лöсьöдисны кутшöмкö клюпикъяс! Миян Саша кодыдлы найö... Пывсигас мед аддзылн пиыдысь мускуляссö! Абу öмöй менам пи! Сдача сетас, ковмас кö...

Он гөгөрво, видлыштöма вöли Иван дядьлöн али сідз артмö пинас ошйысьнысö. Ошйысян руыс раммис, кор пиыслöн письмöйс воис госпитальсянь. Саша абу сэтшöм, медым норасыны: гижö, водтöдисны пö обследование выlö, регыд бөр частьö бергöдча.

Мам сёлöмыд тай кылöма лёксö, шогсьö-майтчö.

— Ранитчис, гашкö, да? Оз кöсйы мянöс повзёдны,— кайтö верöсыслы тётя Лида.

Мöдыс чирыштсьö сы выlö:

— Тэ пыр нин лёкöс думыштан. Армияс нö оз ков обследуйтчынысö? Миянöс тай нö врачьясыд рентген выlö да вир сдایتны ыстылöны жö

— Сідз эськö да. Но, инö, ог кут шогсьыны,— ышловзё тётя Лида.

Тшöкыджыка ышлолавны кутіс и Иван дядь, кор мöд письмöйс бара жö госпитальсянь локтіс. Öні кыкнанныс нин гөгөрвоисны, мый пиыслöн абу ставыс бур. Но явöсö шогнас эз юксьыны. Колö чайтны, ас пытшкас пöжисны.

Сэсся öд тайö каднас буретш олöмыс ставнас гугöн бергöдчыны кутіс. Совхозъяс пондісны бырны, ПМК-ас уджыс ладтöг мöдöдчис. Эновтны ковмис ПМК-сö, виль удж корсьны. Тайö бара жö шогöдö да раммöдö. Мастер морттö уджтöмалöмыд эськö оз повзёд да. Иван дядь регыд и аддзис слесарь-механикысь удж. Лöсьыдджык на лои сылы. Гортсянныс удж вылас петышглö, гөтыр дорас шоньд вольпасын узьлö. А ёна горалöм да морöсас асьсö нöйтöм быттö и эз кут артмыны сылöн. Весиг и пызан сайын пукалыштöм бöрын он кыв сылысь «убьюсö!», он аддзыв кулакнас шенасьöм.

— Пöрысьмö менам Иванушко-батьюшко,— пасйыштас тётя Лида.

Пиыс локтіс армиясьыс куш юраön, быттö югыд блюд ляс-кöмаöсь. Но вылыс паръяс устор лöсьыдика тöдчö да Сашаöс буриндзиа верстяммöдö. Служивöй дай сöмын. А мый синмыс абу

ёна визув, нинём на оз висьтав. Сылөн өд ичотысянныс татшөм синмыс и вөлі. Рам да вежөр сөдзтөдысь.

— Но, пиукө!..— пельпомас өтторъя тапкө Сашалы батыс да дзоргө пиыслы синмас, быгтьө корсьө сэтысь кывъяссө, кодөс водзө шуны-горөдны — «збыль мужик нин пө да бравөй салдат!» али «нэриник слабак на». Сашалөн өд чужөмыс збыль зэв блед, вир-сер оз төдчы.

— Ловйөн вои и сійө бур,— кывпас сетө пиыс да здук бөрти нөшта содтө:— Эстчаньө кө быгтьө, Азияө либө Кавказө, веськалі служитны, верми и не воны.

— Да сійөс тай и көсья шуны,— бара и тапкас Иван дядь пиыслы пельпомас.— Öнi сэсся ми мамыдкөд дед-бабөн шуысьяс йылысь кутам мөвпавны.

— Кутам, батьө, кутам,— кыв нылыд сетчө и пиыс.— Велөдчыны на окота и.

— Ми абу прөтивөсь. Велөдчы. Вермам на, шу, дорогая Лидия Егоровна, да. Уджалам на да...

Тётя Лида кывзө найөс да гогйөдлө сөмын юрнас, оз и пыр сёрниас. Мед пө ая-пия сьөлөм бурмытөдзныс варовитасны. Аслыс сылы татшөм аддзысьөмыс и медся на любө. Муса пи вылас видзөдны, синнад лелькуйтны.

Велөдчынысө Саша пырис Леснөй институтө. Гортсянныс матын, да и сьөлөм сертиыс быгтьө. Вошласис көть пиыс лунтырьясөн да и рыгтьяснас тшөкыда, эз казявлыны гозъя, ыштө ичмонь йылысь мөвпалө, гөтрасьөм йылысь думайтө. Войсө пыр гортас колявліс. Но өтчыд, коймөд курс помалан тулыснас, весьөпөртіс мамсө. Мый пө тэ шуан, мамө, вайөдла кө гортө тэнө бабөн шуысьсө. Ой, визув да варов Эдичкаыс! Вит арөс тыртө.

Шлапкучкысис мамыс:

— Детдомысь али мый?!

— Висьтала, мамө, лючки висьтала,— шуө пиыс.— Рыгнас батьө воас дай сёрнитлам. А öнi... То фотокарточкаяс. Видзөдлы. Сэні и мамыс, и пиыс... Öтувтчыны тай көсьям... Вот аддзылан: кажитчас тэныд Раиса Прокопьевнаыс. Шань сьөлөма...

«Господи! Сьөлөм поті! Кагаа бабакөд?..»— ас кежас шогсьө мамыс, но мыччөм фотояссө видзөдалө жө. Пиыс пуксис сы бокө да сывийштіскодь мамсө.

Мамыслы кылө сылөн лов шыыс и сьөлөм пессьөмыс — виччысьө пиыс, мый мамыс шуас. Дойдас-ө сьөлөмсө, кыпөдас-ө? Мамыс шуис дыр видзөдөм бөрын:

— Мича тай эськө... да мичыд пө тай өдйө исковтө... Медся на ылөдчысь-злөдейка и...

«Став шусьөгсө кө нин висьталіс-а? А главнөйсө оз шу»,— маитчө пиыс. Но дойдас өмөй мам рөдимөй дитясө. Недыр мысьт кайтыштіс:

— Видзөдласыс тай прамөй мортлөн кодь-а... Сэсся өд тэ абу нин ичөт. Сьөлөмъясныд кө лөсялісны өта-мөдыдлөн... А батыдлы та йылысь... «Убью!» кө бара кутас горзыны? Ме тай чайта, эн на тэрмась висьтавнысө. Зонкасө первой и вайөдлы. Визув тай, шуан. Кажитчас кө батыдлы, сэки мед и йөзасяс...

Ме газетын нин корреспонденталі да командировкаын вөлі, сійөн эг и аддзыв, кызиджык Иван дядь төдмасис дөдөн виччысьтөм шуысьыскөд. Но сөрөнджык Иван дядьсянь и кывлі. Öн-друша, пө, племяш. Ме өд пө нин дед! Пөльөн шуысь менам эм! А төдан кутшөм?! Пеляд пырө-петө и кар вузалө!

— Сы ыджа али мый нин?— серөктышта ме, ог и пыдди пукты сылысь ошйысьомсö. Но Иван дядь быттьö көрт тув тувъялö, шуалö:

— Вит арös пö регыд. Сашуня миян аддзöма... Тэ тöдан... Ми Егоровнакöд шуим: мед челядя баба кө. Этатшöм пи кө кужис быдтыны, сідзкö, абу шыбласа! Сідз öд, племяш?! Кымынкö арösөн пö эськö ыджыджык Сашаысь, да öд мусмисны кө...

— Но-о... Кыдзкö нем виччысьтөг...— кайтышта сöмын.

Мый ме кужа шуны? Юалі жö, коді, мися, моньпуныд? Көнкö уджалö нин али öтлаын велöдчöны?

— Абу студентка, абу. Велöдысьыс. «Сопромат» пö велöдö. Мужичöй профессия!

— Но!— ыззьöдышта ме дядюшöс.— Свадьба вöчам! Гуляй-тыштам!

— А тайöс вот томъясыд и оз көсйыны. Но пызансö öд тётя Лидаыд быть вöчлас. Кыдзи нö сытöгыс?— юөртö Иван дядь да кыскыштö менö асланысь.— Главнöйсö на эг висьтав. Мунны öд Саша көсйö гортысь сы ордö. Патера пö сылөн карас.

— Но и мый? Мед мунö. Оз тай кытчöкö бокö. Карад пыр аддзысьлыныд поэьö. Аддзöмыд шөгсянтор!

Гажтöм пö. Мый нин гажтöм? Армияс ветлігкості тай нö олісны ас кежас гозъя да гажтöм вылас эз норасылыны, мөвпышт-чис менам сэки. А öні, кад кольöм бöрын, чайта: водзвыв нин сылөн сьölöмыс тöдöма матыстчысь гажтöмсö.

Мыйла тадз лоис, некод оз тöд. Ачыс тай тётя Лида эз ло-а.

Гöтыр патераас вуджöм бöрын Сашаыс, дерт жö, эз удитлы тшöкыдасö мам-бать дорас воыны. Аслас öд семья. Сэсся студентылдөн кадыс абу: велöдчыны колö, зачөтъяс кежлö дасьтысьны, быдсяма курсөвöйсö гижны. Та вöсна тётя Лида ачысджык и ветлывліс на ордö. Иван дядь татшöм гөститчöмъяссö эз радейт да гортасджык кольччывліс. Но гöтырыслысь локтöмсö вöлі мыла быртöдзыс виччыяс.

— Но, кыздз нин сэн?— гöтыр пыригкостаыс и юасис.

— Мый сэсся... Олöны...— паськöмсö кулигмозыс шуыштас гöтырыс, а сэсся мый кывліс да аддзыліс — ставсö висьталас. Да тшук и ошйысьыштас зонканас.— Эдичокыс, пасибö, оз öдторт менö, сёйыс сибöдчылас, бан бокö на чуп окыштас. А тельгöмыс... Да, мед оз вун... Ъстісны тэныд гөснеч, торт кусök. Ми чай юим, да дедөн шуысьыд то тэныд козин и ыстіс.

Гöтырыс перйö зепсьыс кабала лист, кытчö серпасалöма машина, чургöдö верöсыслы. «Волга» пö тайö. Быдма пö да «Волгасö» ньöба, кутам дедököд вөрö тшакла ветлöдлыны.

Верöсыс видзöдö серпасалöмсö да нюмунö:

— Видзöдтö... Абу вунöдöма... Көсйысьлі, тшак вотны, мися, ми тэкöд кутам ветлыны... Төлка...— Быттьökö и любöпырысь видзöдіс козин вылас да сідз жö и сёрнитіс, но мыйлакö друг артмис сылөн курыд содтöдыс:— А морыд, абу аслад вир войтыд.

— Чöv, сы йылысь думайтнытö,— пыр и вомаліс сйöс гöтырыс.— Мыйла весьшөрö ловтö дойдалан? Асланымыс öд, тöдан тай, оз и ло. Сотіс армияыс пиукös да... Пасибö шу Енмыслы, этатшöм детинкаös козьналіс да. Аслад туйö пукты дай. Öтувт-чисны кө, мед нин оласны...

Гöтырыс стрöгакодъ и шуасис, да мöдыс дзикöдз раммис, сöмын и кайтыштіс:

— Да ог тай нинöм и шу... Рöd орöм йылысь думöй бергалö...

Сійö рытыс гозъялөн тайö сёрни-баснинас и коли. Воисны-ö öти кывйö али кывкортöдтөг на коли сёрниыс, ог тöд. Тайö вöлі налөн медбөръя сёрни. Сідз-тадзтö, дерт, сёрниттөг эз овны, но ыджыдсö, сьöлөм дойданасö, помöдзыс вайöдны эз и удитны.

Сійö рытнас телевизорыс помаліс нин висътавны бөръя юөръя-яссö, а гöтырыс мыйкö век абу. «Чайсö юны недыр и кöсйис ветлыны-а. Гашкö, узьны кольччис да? Аски волас, да ме сылы петкöдла гуляйтöм!»— ачыс аскöдыс шмонитöмөн моз и броткöдчис Иван дядь водігмозыс. Но муртса удитіс шебрас улас шоналыштны, триньöбтіс телефоныс.

— Но... Гуляйтысьыд телепон пыр прöща кöсйö корны,— вольпасьсö эновтіг бара на броткöдчыштіс. Но босьтіс трубкасö да ставнас дрöжмуні. Звöнитöны больничасянь. Пöвнытö пö вайисны садьтöгыс. Машина улö веськалöма.

— Сöранныд! Кытысь телефон номерсö босьтінныд?— ядритны на кутліс горт олысьыд, но небыдик гөлöс лабутнöя шуис трубка мöдар помсяньыс:— Лютова Лидия Егоровналөн пенсионнöй книжкаас тайö номерсö пасйöма...

Телефон трубкаыс пуктытöм и коли. «Кызди? Мыйла?» Бергöдчис юр садьыс.

Кор ми гöтыркöд воим больницаас, Саша семьянас сэн нин вöлі. Паныдаліс миянöс сыркъялöмөн бöрдігтыр.

Иван дядь локтіс медбöрын. Меным звöнитігас гөлöсыс сылөн быттöкö лючки на и вöлі, а öні дзикöдз дикмöма. Öтторъя «но лешакöасьö» да уськöдчылö то ме дорö, то Сашаыскöд шамыртчылö. Кор лöнныштіс, Саша босьтіс сылысь кыкнан кисö да шуис:

— Ставыс, батьö. Кутчысь. Абу сэсся мамукö.

Иван дядь ёна топöдчыліс пиыс дорö, а сэсся уськöдчис палатаясö нуöдан öдзöсланыс. Муртса и удитім сійöс кутны. Кызмырдөн пуксьöдім гöтыръяснымкöд да ичöтик Эдиккöд.

Тётя Лида эз ырсö кодъ вöв, мöвпыштлытөг нинöм эз вöчлы. Кызди веськаліс машина улас? Думъясыс ылöдісны али шоперыс сэтшöм веськаліс? Öні öд том войтырыд код юрнысö пальöдны петöны машинанас, нывъяскöд журъялöны. Но код тöдас, кызимый вöлі? Мый лоны — лоöма. Киссьöм ватö он курав. Эз ло дядьлөн Егоровнаыс. Первойсö сійö ёна шогсис да гажтöмтчис. Дозла петавлöмсö весиг вунöдліс. А сэсся велалан тай мортчид. Öти да мöд важ тöдса пырö другсö пальöдны. Сэтшöм-татшöм шöйгысьыдлы кöзаякатöм керкаыд медся на любö, кульмы мыйта кöсьян. Тыртöм киön оз пырны, бырö да выльла петаласны. Збодермöдан кывтö кужöны шуны и. Пондісны сибöдчыны и сэтшöм-татшöм нывбабаяс. Öткажитнысö эз вермы ли, эз кöсйы ли. То тай кытчöдз сэсся и воис. Öдзöссö нин нывбабаяс вöсна кисьтöны. А важөн öд квайтымынысь петöма. Чорыдджыка öлöдысь кö вöлі, гашкö, и садьсяліс. Но öдвакö Иван дядь мыйкö пыдди пуктас. Писö, колöкö, и кывзис на, да Сашаыс семьянас Виль воöдз на Ухтаö овнысö вуджліс. Гöтырсö ёртъясыс технической университетас кутöмаöсь корны, зэв пö ёна бур специалист колö. Батъыслы мунігас шуисны жö, огö пö эновтöй. Сашаыс нюмсермунöмөн нöшта содтыштіс: «Аддзан кö бур нывбабаöс, босьт төварыш вылад, миянсянь прöтив шуём оз ло».

Со и корсьö Одиссейным Пенелопасö. Да эта дыра тай мыйкö оз аддзы-а.

Öдзöссö жугöдлöм бöрас ме чайті нин, мися, садьсялас жö öд сэсся. Лöсялас-овмöдчас кодкöдкö али дзикöдз дутдас войлынысö.

Но абу օд весышօрօ шулօмаօсь: «Седина в бороду, да бес в ребро». Енмыс олօмсօ, тыдалօ, сэтшօмօн вօчлօма.

Жутօдօм օдзօснас ноксьօм бօрын дыркодь эг аддзысьлы Иван дядькօд. Сиктօ ветлօм гօтырлօн ай-мам дорас, пօшти тօлысь чօж выя блинօн чօсмаси. А воим карас да сійօ рытнас и петօм гуляйтны, карсьыс гажօй бырօма нин вօлі да. Ёнакодъ гуляйтօм, парк дорօдз лօччылօм и Сыктыв берегас сулалօм. А локтօгօн кежим Иван дядьօс видлыны. Сы керка дорօдзыс воим, да коли сօмын уличасօ вуджны. А миян водзын кутшօмкօ тьօтօ вуджօ. Тувчօ — луг-легмунлօ, сувтышталօ — чатрасьօ да копрасьօ.

— Ойя, таляласны тайօс,— гօтырօй уськօдчис отсасьны, а ме нօ кольчча али мый? Киօдыс бабсօ кутам кыкнанным. Вуджօдօм. Иван дядь кильчօлань мօдօмօ, а бабыд миянкօд тшօтш. Варована и шыасис ми дорօ:

— Ті нօ татчօ жօ? Ме օд тшօтш! Жօник менам тані олօ. Локта со. Эсійօ «Тройкасօ» гօснечтор вылօ ньօби...

Бабыд мыйкօ висьталօ, а менам сьօлօмօй гудыртчис нин. Тшук Иван дядь дорօ локтօ. Но юалі жօ, кыдзи, мися, жօниктօ шуօны? Ми тані олам да ставнысօ тօдам.

— Тօданныд, дерт, Касьяновичсօ!— гылыда да тшапа и вочавидзис бабыд.

Менам нюмօй петіс. Эг тай, мися, сорассьы. Грек кօть абу, а ышми да пօръялі бабօтօ. Тօдам, мися, Касьяновичтօ, кыдзи нօ ог тօдօй! Да օд сійօ оз нин тані ов. Муніс пи дорас.

— Но-о, кор нօ удитօма? Кодкօлунօ на тані вօлі да.

Бабыд недыр кезлօ шай-паймунліс, а сօсся босьтчис пинясьны, жօниксօ и асьсօ майкօ-видօ:

— Лешак! Сօ сօтана! Кызмырдօн суседкалысь сьօмсօ пычки... Мися, «Тройка», гօснеч сылы ньօба... Пукся вот этатчօ да чурска ставсօ, мед и сотча.

Жаль быдօн лои пօчօыс да такօдыштօм на сійօс. Он жօ, мися, асьтօ ви. Аддзысянныд на օд коркօ. Мун гортад, шойччышт, а то кок йылад муртса сулалан.

— А сы дорын օд и кօсий шойччыштны... Сօ лешакօ!.. Сօтанаօ!..

Бабыс пиняситыр и муніс кытчօкօ. Ми гօтыркօд веськօдчим кильчօ օдзօсланыс.

Иван дядь паныдаліс миянօс рама. «Племяшсօ» весиг эз горзы. Лючки сօстօм дօрօм-гача. Видлыштօма, буракօ, но абу на ыззы-тօдзыс.

— О-о, гօсьт-гօстя! Пырօй-пырօй! Менам гօстя жօ,— пыді жырланыс кинас индіг чуксалօ миянօс дядь.

А менам бара и шог-пօсьօй кымօсօ чепօсьис. Муртса օтиысь мынім, тані мօд нин! Гօтыркօд порог дорас и танвидзам. А пыді жырсянныс кыліс мыйкօ зօв нин тօдса гօлօс:

— Иван зятъօ, коді нօ локтօс?

Ми уськօдчим пыдіас:

— Ыджыд мамօ! Кыдз нօ татчօ веськалін?!

Ыджыд мам пукалօ օшинь дорас сулалысь креслօын. Воча чургօдօма кисօ:

— Бобօяс! А шуисны, абу карасօсь... Вай кутыштла сьօлօм-шօръясօс... Вои тай тиянօс видлыны. Нарошнօ и вои. То, зятъ ордօ пыри. Лидюк, ныланօй, эз ло, да зятюшкоօ, слава Богу, зօв бура примитіс. Этатшօм небыдінօ пуксьօдіс, вина румка мыччис. Пукала со, шойчча. Дона зятюшкоօн любуйтча да. Абу урօсмօма,

абу киссьом паськома, зырым-дульон оз резсы ни. Кывсьыліс эськө... Да йөзид мыйсө оз баитны... Зөлөта пи, Иванушконым миян... Лыбөдчи өд, эг повзы туйсыс. Нарошнө вои...

Иван дядь ми дорын жө сулалө, нырсө малалө, шешвидзө.

— Воин кө, и бур!— кайтыштө сійө да стен бердас сулалыс диванлань индігтыр содтө:— То, Ольгакөд локтісны.

Ме вөлись казялі диван вылас юр вывтіыс шебрассөм куйлысьсө.

Сійө вөрзис, шыбитіс вывсьыс шебрассө да гораа шыасис:

— Дзикөдз яналі — луннас узя. Гөсьгъяс воөмаось да лоө чечыны. Миян жө тай, ляпыдкерөссаяс! Менө, пөди, оз и төдны, рөдпомъяс эськө да.

— Мыйла ог төд? Төда. Батълон воча чойыс,— шуа ме да тэрмасы киасыны. А медем гажөдыштны сійөс, серөкті:— Помнита на, батё да Иван дядь йылысь өтчыд вөлі серамбана кывбур гижөмыд да дэльөдчан.

Ольгаыс вачкерис кинас:

— Сійөс помнитан? Тэ өд ичөт зонка на сэки вөлін!

— Помнита. Öні на кывъяссө төда... Часлы, төд вылө уськөда... Көсьян кө, и сяркөдышта, Иван дядёс өти сайысь вильшалышта. Талун сійө то кутшөм тшап!

Меным и збыль лои окота гажөдыштны найөс. Гөтыр вылө видзөдла да нюмдыштла, а ыджыд мамөс жервидзан вомөн козынала.

— А, детина тэ миян!— ыджыд мам чеччө небыд креслөсьыс, сывйыштлө менө да шуө:— Гажөдчыштө, гажөдчыштө. Ме инө тиянлы сиктса гөснеч — шаньга вая. Талунъя пөжас, ок небыд!

— Тшай пуктам и,— чепөсйылөны сы бөрся и Иван дядь да Ольга.

Но ыджыд мам өвтыштө кинас:

— Тэ, Ольга, Öндрушылысь гөтырсө гажөд төдтөминас. А тэ, Иванушко — көзяин, гөсьгъясыдкөд пукав. Ме регыд...

Ыджыд мам бөрся чепөсйысыясыд эновтчисны. Ольга пыр и кутчысис ме дорө сойнас, мөднас сывйыштіс гөтырөс да кокъяснас туп-топкерөмөн шыасис:

— Но инө, шу, гажөдчыштам! Ас йөз өд, рөдня, аддзысим! Казьтышт кывбурөс, аслам вунөма нин-а.

Куті висътавны вежөрө пуксьөм важ кывбур:

**Өтчыд ёрткөд зыкө воим,
Весиг вермасыштны лои...**

— Тадз өд? Тадз өд?— юала Ольгалысь.

Сійө шеныштө кинас:

— Тадз кө-а... Лыдды, помнитан кө. Меным и аслым нин интереснө, мый сэки гижсьылөма.

Ме водзө:

**Менам другой сідзи ышмис,
Пызан кокыс сылы мыжмис.**

— Водзө. Кыдзи водзөсө?— тэрмөдлө Ольга.

— Но, но, кывзы и водзө:

**Видзөдлөй жө сылысь ноксө!
То нө ружтө, чашйө коксө!
— Ивө, Ивук, муса вок,**

Мыйла ковмис пызан кок?
— Тэныд ѓжгыны тай кѳсья,
Ѓжганторсѳ кий корсьѳ,
Кабыр петкѳдлыны рода,
Пызан кокыс медся скода,
Кокыс, другѳ, пока шедас,
Чайта, дуран руѳй лѳбас.

— Тадзи абу, Иван дядь? Збыль-ѳ тадзсѳ вѳвлі? — кывбур по-малѳм бѳрас пыр и шыаси Иван дядь дорѳ.

Сійѳ читкыртыштѳма синсѳ, шешвидзѳ. Менам юалѳм былѳ паськѳдліс кияссѳ:

— Чѳртыс тѳдѳ? Ми ѳд батыдкѳд тшѳкыда вензьывлім да. Эта-йѳ бара, Ольгаыс, ми дорын жѳ бергалѳ да венѳ пырѳ... Со тай... Гижлѳма!.. Мед кѳть, Ольгушаѳ, эн пызан кок, а улѳс кок ли мый ли гижлі. А чѳртыс тѳдѳ, гашкѳ, сідзи и вѳлі да... Вунны нин ку-тіс сійѳ олѳмыс, том пѳраыс, гажа кадыс. Пѳрысьмыны, буракѳ, куті, вуктѳдлѳ нин...

— А-ак! Коді тайѳ тадзсѳ сѳрнитѳ? Коді пѳрысьмѳма!?

Мыш сайсянь кыліс ыджыд мамлѳн гѳлѳсыс. Абу и пѳрысь старукалѳн. Топыд да зумыд, дивитыштѳ сійѳ зятъсѳ татшѳм сѳр-нисъыс:

— Ме ѳкмысдас виччыся да ачымѳс пѳрысьнас ог на лыдды. Ми Ольгакѳд нарошнѳ локтім тѳнѳ гѳтралѳм йылысь сѳрнитны. Гѳтыр кулѳмсянныд воыс важѳн нин тыри. Сѳтчаннын, кылѳ кѳ Лидюк, дона нылѳ, татшѳм сѳрнисъыс оз дѳзмы. Виль пѳв на колѳ тѳныд олѳмтѳ лѳсьѳдлыны. Гашкѳ, ме моз жѳ сѳ арѳсѳдз кутан овны, да ѳтнад ли мый кѳльѳдуйтан? Нѳм помтѳ тай он тѳд, ок-ок-ок!..

Ыджыд мамѳ татчѳ ланьтіс да кузя ышловзис. А Иван дядь збо-дѳра шуис:

— Ог жѳ ѳтнам! Пи-монь дай дѳдѳн шуысь на эм.

Ыджыд мам сылы вѳча икѳстыштіс:

— Ойя! Налѳн асланыс олѳм. Ѓнія кадѳ быдѳнлы тѳждыс тырмѳ. Сашукѳ, дитяѳ... Ухтаѳ, шуанныд, мунісны?.. Кѳн гажныс... Томѳсь. А тѳ, зятюшко... Мамыд тѳнад, сваття, югыдін да шоныдін сылы, абу нин ловъя, да ме мам пыддиыд велѳда, эн дѳзмы. Корсь олан пѳвтѳ.

Татчѳ Иван дядь ырсмунѳ да горѳдѳ:

— То, Ѓндруша тѳдѳ — корсьнысѳ заводитлі нин! Да сюрас ѳмѳй менам Егоровна кодъыс? Экма!

«Экмасѳ» горѳдігѳн Иван дядь ышловзѳ жѳ, коньѳр туйѳ быт-тьѳкѳ асьсѳ пуктѳ. Но ыджыд мам чирыштѳмѳн бара шыасьѳ сы дорѳ:

— Чѳв, эн сідзи баит! Сідзкѳ, он сѳтысь корсь! Висьталѳны тай, вина вузаланінысь корсян! Сѳтшѳмтѳ ѳд и корсьны оз ков — ачыс локтас... Эн дѳзмы... Бѳкѳвѳй тані абу, ставным ас рѳд... Аски ми вичкѳѳ мѳдам, да кевмыны кута...

Тайѳс юѳртѳм бѳрын сійѳ быттѳѳ кватитчѳ да вежѳ гѳлѳс серсѳ:

— Со кыдзи варовми! Том войтыр, ті тай нѳ лѳньѳмныд. Час, пѳсь шаньга вая, газ пач пытшкас сѳйыштлі шонтыныгтѳ. Тшайыс пѳсь и. Ольга, ті муса ичмоньыскѳд мунѳ да тшайсѳ кисьталѳй...

Кык луна-воя, кытчѳдз ыджыд мам да Ольга гѳститісны карас, тшаясим да гажѳдчим-аддзѳдчим. А ыджыд мамѳс колльѳдѳм бѳрын ветлі войколѳн командировкаѳ. Вои, да лун-мѳд на пыравтѳм Иван дядь дорѳ лои. Удж былѳ и звѳнитліс сійѳ, забѳднѳ пѳ, он пырав

да. Тьоща топöдлөм бöрад ме пö öд садсьявны куті. Оптинскöй манастырса старецьясльсь молитвасö пö велöда...

— Эн серав, эн! Тьоща вайис вичкосьыс да суйис ныр улö, лыддьы пö, кытчöдз он садсьяв! Лыддя. Интереснö. Да и öнi со кийн кута тьощаөн вайöмторсö. То нö серпасалöмаöсь дас нель тошка да креста пöльöс. Öти бокас сизим, и мöдас сизим жö. А шöрас кевман кывьяссö гижöма. То нö тай... Лыддьышта: «Господи, дай мне всецело предаться воле твоей святой...» Ог сэсся водзöсö телепон пырыд, зэв кузь да. Тэ волы коркö, зэв уна юаланаыс лои. Тэныд весышöрö перö-ручкасö эз сетны. Гөгöрвоöдан. Вот, шуам, этайöс. Мыйла молитваас гижöма: «Дай мне с душевным спокойствием встретить всё, что принесёт наступающий день?» А локтан луныс кö тшöктö матьöктыны да китö чабыртлыны? Колö, сідзкö, нем шыавтөг овны дай. Мый лоны — ло былö надейтчыны?..

Иван дядьлөн гөлөсыс, кыла, корö вочакыв. Вөрзьöдöма гижöдыс морттö. Трубкаас кылö кашкөм шыыс. Виччысьö мясянь вочакыв. А мый шуны, ог тöд. Öти кывнад он шу, дай, гашкö, и ачым на ог тöд кевмысян кылыслысь пыдi пытшкөссö. Ышловзьöм бöрын трубкаас горöда:

— Ладнö, пырала коркö регыд!

— Виччыся. Дозтөг эн лок.

Дядьö дорö пыравны аскинас и мöд помка на менам лои. Сэ-тшöм виччысьтöмтор! Газет редакцияын меным мыччисны конверт. Лютоевлы пö, личнö. Но, мый нин сэні «личнöйс»? Газетö ыстöмаöсь да. Восьтi конвертсö да вöлись гөгöрвои. Сибырса выль рöднясянь письмöйс! Но, лешак! Дабылью, точка, ру! Сэки мында виччыси да эз звöнитлы-а. И со, письмö ыстöма!

«Эн дивит, сэки кöсьысьлі тэкöд бать дорö ветлыны да эг во. Думайтi-думайтi, да эг ышты: мамöлы, мися, гашкö, оз кажитчы. А öнi, сыкöд сёрнитi да, ыстам юөр. Мамö ачыс и гижис. Мый гижис, ог тöд, эг лыддьы. Пукта сылысь гижöмсö конвертас. Аттьö, мый аддзысьлім. Дай нöшта на, колöкö, аддзысьлам. А.Симонов-Лютоев». Вежон водзтi и гижлöма. Уліас лунсö пасйöма. Абу дыр локтöма письмöйс.

«Интереснö, мый мöд, ичöтджык конвертас? Мый кöть гижис Иван дядьлы томдырся пöдругаыс?»— но йöз письмötö öд он лыддьы. Удж помасьöмсö мырдөн сорөн и виччыси. Нуа, мися, Иван дядьлы, сэн öтув лыддьам. Дядь меысь öдвакö дзевасын видзас юөрсö? Но, сылөн делö...

Тайö кöсьöмнас и муні сы дорö. Оптинскöй манахьясыдлөн молитва йывсьыд вунöдi. Но Иван дядь пыригкості и босьтiс телевизор вывсьыс кутшöмкö кабала лист да мыччис меным:

— Вай, другö, Öндруша, воин кö...

Вочакыв пыдди ме перйи зептысь сибырса письмöсö, шуа:

— Вай водззыв этайöс лыддьы. Гашкö, тані и тэнад юалöмъяс былö вочакывйыс да?

— Тайö мый?— сійö кватитіс менам кийсь конверттö.— Саша-сянь?

— Сибырсянь, дядюш, Сибырсянь! — нюмös кутны эг вермы да паськыда нюмдi.

— Мыйсяма нин письмö вайин?

— А быттö он и тöд?

— Дзик ог.

— Лыддьы дай тöдмалан.

— А-а... Меным өчкиасьны колө... Вай тэ лыдды.
— Тэныд да.
— Быттьö тэысь мыйкö дзеба?
— А видзан тай ветымын во. Он меысь сöмын — ставсьыс.
Пи быдмöма, удал зон, а тэ чöв олан!

— Ё...— Иван дядь кыкнан кабырнас шамыртис чужöмсö да вель дыр сідзи и сулаліс, а сэсся пуксис улöс вылö да вöлись шы сетіс:— Тэ тöдан, племяш, армияын служитігөн... Увольнениеö лэдзасны, да кокöй лэбöдö орчча сиктас... Ок, мича нылыс вöлі, Настюня... Но, збыль али мыйкö кольсьылöма? Нöшта и пи!

— Абу тай бракодел вöлöмыд... Лыдды нин, но и терпеннö тэнад!

Тайö кыв бöрас Иван дядь босьтис ичöтик конвертсö, восьтис да пондіс лыддыны. Дыркодь видзöдіс, а сэсся лэптис юрсö да чургöдіс мелань письмöсö:

— Тані кутшöмкö сьыланкыв да?... Здравствуй ни прöщай абу... Ноко, ачыд лыдды.

Лыддыны куті, да сьыланкыв кодöн жö и кажитчис. Да сэтшöм лöсьыдөн. Кывъясыс сідзи и лясöны сьölöмад:

**Тэрыб борда тури, ылі муад лэбиг,
Мусукöйлы висьтав: дзикöдз тані гегді.
Ловпытш ставнас кымö, чунь помъясöй йизьö,
А öд нюрас пувйыс гöрд öшалö-кисьмö.
Кисьмöма нин пелысь, вöрыс ставнас сотчö,
Сöмын öд ми, мусук, ог нин волöй сэтчö.**

Тайö и став гижöдыс. Абу кырымпас ни нинöм. Он шу, мый бисерөн моз сяркöдöма, кöнсюрö шыпасыс люги-леги, но тöдчö: гижысьыс старайтчöма. Меным окота лои мöд пöв лыддыштны, да ачым эг и тöдлы, сьылышті: «Кисьмöма нин пелысь, вöрыс ставнас сотчö...» Сьыла, а син водзын паськыд енэж да лэбысь турияс, нюрын нывка, пув тыра наберушкаа, öвтчö туриясыслы. Син дорыс вазьöма... Дугöді сьылöмөс, дядьлы шуа:

— Да тайö жö эсійö мича сибирачкаыс, Настюняыд, ас йывсьыс сьыланкыв тэныд ыстöма!

— Гөгөрвои,— стрöга видзöдліс ме вылö дядьö да вачкис кулака нас пызан пöвъяс:— Чайтан, мый нывъясыд прöста сідз легöдöны бöжнаныс... А он и тöдлы, пи-и! А тэ, колөкө, пи йывсьыс сöран? Ачыд лöсьöдлан? Мыйла нинöм сы йылысь абу гижöма?

Иван дядь менö синнас сөйöмөн сөйö, быттьö пурыштны лöсьöдчö.

Сылань мышкыртчöмөн шуа сылы воча:

— Дядюш, гижöм öд оз ков, ачыс пиыд воліс татчö да.

— Во-ліс? Кор воліс? Ме көні вöлі?

— Менсьым юалан, көні вöлін? Ачыд нö он тöд? Юöмсьыд синмыд былялöма да öдвакö мыйкö аддзылін, кывлін ли.

Дядьöс неригмоз тадзсö шуи. Но сэсся лои жö висьтавны, мый тöді да мый вöлі. Бöрас сöмын содті ассянь некымын кыв. Мися, бур, мый сэки эз воны. Эськө пи водзад ёна и яналін. Дай татшöм мича сьылан-гижöдсö некор эськө тэныд эз ыстывны.

— Öндруш, тэ пыр прав, прав! Но меным öд окота жö аддывны сійöс. Пи öд!..

Оз-ö нин лимöстыны дядьö көсйы? Уськөдчи лөньöдны. Шуа:

— Аддзылан на. Волас на, колөкө. Командировкаясті, шусьö, ветлö да. А вот мамсö, Настюнятö, öдвакө. Он кө быттьö эсійö...

Но... Вайёд отув олём выло,— зэв видзчысьмён вёзъя дядюшлы. Но сійё помёдзис кывзытөг и орёдө менө:

— Ок, племяш, племяш!.. Киссьём ватө...

Та бёрын сійё дыр оліс чөв, а сэсся бара воссис вомыс, окота, буракө, лои помёдз висьтасьны. А колөкө, сійё кадсө казгыштны, төд вылас выльысь, ясыда уськөдлыны? Ылісянь и заводитіс:

— Миян взводной сылөмтө ёна радейтліс да ми вок-салдатыдлы пыр приказ: «Сылой!» Ать-дваасям қор стройын, көть привал дырйи шойччам. Пыр тшөктө сыивны. Ёні на помнита: «Ну что, друзья, коль наш черед, да будет сталь крепка. И что положено кому, пусть каждый совершит...» Миянлысь отделениенымөс ыстисны колхозө капуста идравны. Сылөмнаным мусмим сэтчөс нывьяслы. Настюня кодьяскөд окасям, а миян ёртгяс сійё кадас кулалісны да доймалісны. Челябинск дорас атомной взрыв йывсьыс, пөди, кывлін?.. Так что, менам сэки чередыс вөлөма сөмын радейтчыны. А өні — маитчыны. Инө ог өшйы-ы!.. Сьөлөмөй ётш-какылө. Тьөща воліс — вөрзөдіс, этайө молитва-кабаласө вичкоысь вайис. Талун со тэ письмө вайин — сьөлөмөс кырыштін! Каймөдланныд!.. А сьөлөм кылө: куравны-каравны олём колясөс тыдалө, ковмас өтнамлы...

Мый шуны дядьлы, кызиджык сійөс такөдны, ме ог төд. Позьө, дерт, шуны: «Пи-монь тэнад эм», либө: «Аддзан на сьөлөм сертиыд нывбабаөс», либө нин Оптинской старецгясыслысь молитвасө казгыштны. Сэні өд шуөма «эскыны да радейтчыны». Но өд шуөма и терпитны!

Сідзи нинөм эг и шу. Дядьө чөв оліс и. Керка пытшкас пуксис пель чунөдана чөв-лөнь. Тайө чөв-лөняс ясыда кылі шыасьём: «А тэ ачыл, Ёндрюша, сідзи-ө олан? Он быдгысь да».

Ме весиг юрөн пыркнитлі: каститчө кө нин-а? Но оз вөлөм каститчы: ачым ассьым юала, а оз кодкө мөд. Дядьлы али аслым вочакыв пыдди, тапки киён дядьлы пельпомас да шуи:

— Ставыс лоө бур! Водзө вылас лача мөдан кутны!

Чөв-лөньсө вөтлі, да лов вылын лөсьыдджык лои. И Иван дядь кыпыда жө шыасис:

— Но, лешакө, вай нөшта лыддя Настюнялысь гижөдсө! Но и но-о!.. Ивантө тай радейтөны на! И тэ со мекөд...





Александра МИШАРИНА

* * *

Пöрысьладор луныд час кодъ.
Вежон дженьыд лунысь...
Кöсьян мыйкö вöчны аски,
тöлысь нин со муніс.

Он и тöдлы, кольö воис,
бара выль во пуксьö.
Тöдлытöг со арыс воис,
слöта зэрöн юксьö.

Мед нин öдйö тöлыс чужъяс
нильзьöм арсö ылö.
Радла, асылыс кор пужъя,
лым кор мöдöдчылö.

Мöвланьö

Важөн зарни сарапантöм
кыддза раскыс вежис бансö.
Гыөръяснас едждіс-дзормис.
Казявлытöг сьöлöм нормис.

Раслы бара воас тулыс,
воссия енэж мездмöм юлы.
Кыдз пу вежöдас и томмас,
винёвмас и вужйыс ёнмас.

Мортыд дзорман, выныд бырö,
арлыд мешöк öдйö тырö.
Томлун тулыскöд оз во ни,
квайтöд дасö тыртча со нин.

Но öд вöвлі-й менам тулыс,
муслун ытва моза туліс.
Винёвлунöй, майбыр, тырмис.
Öні сійö кутіс бырны.

Арся пужйыс юрö инмис,
ставыс кöдзалис и кынмис.
Нем оз сод нин, сöмын бырö,
еджыд шебрасöдзыс дыр-ö?..

* * *

Чужан мутöг
овны ме ог вермы.

Карас дышма,
кадысь водз и нэрма.

Сиктад век нин
мыйкӧ леган-вӧчан.
Помнита тай, шуліс
коркӧ пӧчӧ:

«Ки-кок песӧмыд пӧ
сійӧ-й олӧм.
Вермигад и
уджалыштны колӧ.

Майбыр, кор на
лэбалам да ышман.
Куйлігад ӧд
сы вийӧдз тэ дышман.

Тӧдлытӧгыз воас
куйлан кадыс,
кодыр босьтас тӧнӧ
шойна ягис...»

Важ притча

Кутшӧмкӧ кокнилун
олӧмсьыс корсям,
мыйкӧ пыр видчам
да скӧралам-ӧрсям.

Ёнджыка песан кӧ
китӧ да коктӧ,
тэ дорӧ вий тупыль
тюрӧдас-локтас.

Джуджыд нӧк кринчаын
лягушапаян:
видзӧдам на вылӧ —
серамыс миян!..

Воддзаыс нюзӧдас
коксӧ и пӧдас.
Дугдывтӧг
уялас-луасяс мӧдыс.

Эбӧсыс быригӧн
вий тупыль артмас,
сы вийӧдз нӧксӧ
ас кокъяснас гартлас.

Вий вылын пукалӧ,
оз бара пӧд нин.
Та йылысь вежӧрад
век колӧ тӧдны...



(Кучум, Кучум...)

петö. И юалана ме выlö видзöдлö, быттö мыйкö висьтавны кöсйö. Сьöла чеччис неылысь, да сы выlö пельсö эз вöрзöдлы. Сэсся ур кайис пожöмö, но кымыныськö увтыштöм бöрын эновтис жö. Медбöрын понйыд гортлань веськöдчис: муныштас мыйтакö, сув-товкерлас да ме выlö видзöдö, быттö шуö, мунам пö... Лои жö сы бöрся сетчыны.

Кучум, дерт, гортас мунис... Рöмьднас нин сёян нуи. Шылькниті пель костöдыс, да куйланінсьыс эз вöрзöдчыв. Мövпышті: кутас-ö пыдди пуктыны, быдтысьыслöн ветлöмыс кö нюжалас? Том понйöс он эновт, ковмас велöдны. Сідзкö, вöрті ковмас ветлöддыны. Медводдза лунсяньыс эг дöзмöдчы, коркö, мися, велалас да локтас. Менам зэв жö лöсьыд чомтор пес лэбув пельöсын.

Сійö арö миян вöрын урыс этша лои, коллыс эз артмыв да. Но нырисыс Кучумлөн бур вöлöма: лым вылын ньöти кок туй абү, а понйöй босьтчас кытшлавны öти местаын, сэсся гөлöс сетас. Кымыныськö увтыштас, и ланьтас: корсь пö сэсся ачыд, ме пö тай инді-а. И збыль, кутшöм пуö видзöдö, сэн и дзебсясьö, вöлөм, ичöтик зверыс, сэтысь и чеччыштö тышкалöм бöрын. Сöмын сэки, синнас аддзылöм бöрын, мöдас увтны Кучум оръявлытöг, вöтчас пуалысь ур бöрся. Торйөн зіля кутіс котравны-корсьны ур яйсö видлöм бöрын.

Лым джудждамьтöдз комын гөгөр ур сюри, дзонь шапка тыр, и ньöтчыдысь «ройö» эз увт. Кыпöдліс кö муын пöткöдчысь дозмөрöс ли тарöс, эз жö казавтöг кольы и...

Öльöксан өртöй быд письмöын юасьö быдтас йывсьыс: воис-ö пö инö-артö, гажтöмтча пö. Бөр воём йылысь нем эз гарышталы дай...

Мöд вонас вöралысьяс гежöда жö лыйсисны. Сусед вöлі норасö, во чöжнас пö порсьлы мында сёян кык поннад мунö, а пöльзаыс... Тадзи и эм. Ме Кучумöс эг жö удзöд.

Коймöд арнас коз коллыс сымда артмис, муртса веж лыскыс тöдчö. Гожöмнас кыськö войвывсянь урыс воис: лун-лун понъяс вöлі увтöны пу и палич вылысь. Налис уртö сусед луннас комынöдз вöлі лыйö. Сійö миысь ылöджык ветлывліс, узьмöдчылöмөн и.

Мед оз ло ошйысьöма, но кызь урөн лун кыйлывлім жö маті вöрысь. Дай содтöд быд пöрйö дозмөр ли тар на вöлі сюрö. Сусед шуліс öтчыд:

— Он вот колана кадö отпускав... Сэтшöм бур пон, но он сетсылы тырвыйö уджавны.

Мöд гожöмсö дзоньталі Ком ю дорысь батьлысь вөр керкасö. Бур вöрсö сэтысь эськö пöрöдлöмаöсь нин, но козья нюкöсьяс кольöмаöсь: ур-туланлы бур оланін. Важ керасö коръя леторос пöзьöма-петöма, сэтчö йöраяс сибöдчылöны. Ичöтик юсьыс комтö бур кадö позьö на вугравны и, ог нин лыдды тшак-вотöссö... Позьö на тані ловтö пальöдны.

Кучум велаліс корсьны-увтны миян вöрын олысь став звер-пöткасö: веськалас тулан кок туй выlö — оз эновтчы; сы улысь кыпöдчöм дозмөрлөн лэбавсьöма — пон киньзигтыр уськöдчö лыбöдчигас. Сусед шуö, сідз пö повзöдö лэбачсö, мед регыдджык пуксяс пуö.

Медсясö зіли видзны уткаяс выlö усьласьöмысь. Понйыд пö пельтöммö кузь зöридз да эжөр пытшті келалігөн, пеляс ва веськалö да. Но Кучум кутчысьны оз вермы, берегсянь матын кö уткаясыд.

...Көкъямыс ар борад понто пöрысьон нин лыддьоны, а Кучумлы өкмыс ар лои. Зильö эськö збодера кутчысьны, да оз нин артмы. Потшöс вомöныд важ моз оз нин лэбовт, никсö дзиръя дорын. Сэсса водзті вöлі ружьеон петом виччысьны оз вермы. Петкöда сёян, а сійö муртса мыльсалыштас, ачыс ставнас тіралö, вөрлань чепсасьö. Кыдзи вөрö петом йывсьыс тöдö, ачим вежсьытом и ружьетом на да. Шулöны тай: думъясыд пö вуджöны кывтом пемöсыдлы. Гашкö, и сідз... А вөр-ваті öтвыв собалом йывсьыным дзонь небöг позьö гижны. Эм мый казтыштныыс. Кыдзи нö! Öтчыд Кучум мездіс менö весиг вөрканьлөн гыжйысь... Матыстчи сэки увтом вылас, мөвпала: «Туланöс суөдöма да сэтшөм горша, көнкö, увтö!» Рөмыдыс муртса гудыртом лун югыдсö. Пу вожаланінсьыс казялі жö лөзөн дзирдалысь чутсö: зэвтöма, легзьö места вылас, тайкö чеччыштас. Лыйи тэрмасьмөн. Но эбöсыс вöлöма на выныштчыны, витіс ме вылö. Понйöй вожасис вылас, да сэк кості слöйми мöд стволсьыс лыйны, веськыда пурсянінас. Но удитöма жö Кучумлысь пель дорсьыс кучиксö вольыштны...

Мöдысь вуграси вөрса ты вылын. Пыжыс вывті дзибрöс, да эг көсйи пуксьöдны Кучумöс, а сійö йөткыштчигас нин чеччыштіс. Но, мися, пукав бура, а то суктам васö.

Ёкыш бура босьтіс, сöмын удит самтö пысавны.

Виччысьтöг бадь куст дорысь шаргысисны жыдачпиян. Эз вермы Кучум кутны асьсö, бузгысис на бöрся. Ва веркөссö тшем вольсалöма ваакань корнас. Пон мыйкö дыра уйис өкмыльясыс бöрся, сэсса и дзугсис сук турунас, бөрö ни водзö. Никсö мый вермö, юрыс нин вошлö ва улö, а ме падми, ог тöд, кыдзи отсавны. Пыжö лэптыны ог лысьт — путкыльтас! Сэсса пелысөн мöді зібъявны сійöс восьсаинлань. Кыдзкö öд мынтöдчис сэсса вез кодь турун идзясьсыс. Бауөн кыкнанным и веськөдчим берегань. Водзöсөн быттö и лои öта-мöдöс мездöма, сідз кө нин шуны...

...Петі öти асылö, а Кучум дзиръя дорын нин. Көсья вöлі сійö лунö мöдарлань сетчывны, а понйыд матысса вөрлань котöртіс. Чуксала, шутыяла, а оз и видзöдлы. Сэки медводдзаысь казялі: пельтöммöма отсасьысьöй!

Бөръя письмöас Öльöксан ёртöй юөртіс: пенсияöдз пö коли во, окота гортын уджалыштны, ар кежлас, гашкö, и воа, юасьлы пö удж кузя. Кучум йывсьыс абу жö вунöдöма гарыштны и. Коркö сэсса и казялі: кодкö вуджрасьö кильчö помас. Öльöксан вöлöма, матыстчис сэсса. Кучум мекöд вöлі, да мый сыкөд лои! Уськөдчис быдтысь дорас, муртса эз пөрöд. Ластитчö, чеччалö, нюлышталö чужöмсö да кисö. Кудз петтöдзыс лои. Мöдыс шөпкөдö: «Прөстит, Кучум, прөстит, мый эновті... Эг öд сідз-тадз улич вылö коль... Дерт, кадыс уна лэбис, со тай весиг дзормыштöмьд... Ме öд сэтшöми жö нин...» Кыкнанныслөн синъясныс вазьöмаöсь.

Кужис кө сёрнитны Кучум!

— Быдтöмсö сöмын и аддзылін,— сьölөм сеті ёртлы, аслам горшöй гөрэдзасьöма жö.— Во-мөдтö уджалас на...

— Мый тэ баитан! Пасибö, мый эн эновт... Овмөдча кө тані, выльöс быдта, понтöгыд ог вермы. Гашкö, Кучум удитас на вөлöдны томсö.

— Кучумыд öд ме ордын ньöти вой эз узь,— нöшта на нормöді ёртлысь сьölөмсö.— Горттö видзис.

Ёртöй сывйыштiс быдтассö, юрсö топöдiс чужöм бердас. Кымынкö синва моль гöгыльтчис ныр пöлöныс!

Гашкö, тöлысь коли Öльöксанлөн воёмсянь. Сёр рытын нин триньöбтiс телефон: воы пö! Гөлös сертиыс гөгөрвои, мыйкö лоöма. Котөрөн сы ордö. Вöлöмкö, вайöдöма кычанös да лэдзöма кильчö улас, кöнi олiс Кучум.

— Водны буретш лöсьöдчи,— висътасис ёртöй,— кильчö помын кутiс кывны чува-лява. Петi котөрөн да аддза: Кучум петкöдöма узянiнсьыс вьльөн вайöм кычитö, кушенчаös моз пурö-вотйö. Муртса и мынтöдi. Весиг ме вьлö мöдiс эргыны. Эг кö гортын вöv, на дейнö джагöдiс...

Сiйö рытö Кучум вöтчис ме бöрся, и медводдзаысь узьмöдчис сылы лöсьöдлöм чомйö. Дерт, гөгөрвоис ставсö. И нöшта куим во на олiс ме ордын. Шойччан лунъясö, бур поводдя дырйи, петавлiм вөрö. Час-мöд-коймöдтö вöли котралö на. Лёк поводдя дырйи висис, пырджык куйлiс гаровтчöмөн. А коркö сэсся и вошис. Асывсö эз сибöдчыв сёян дорö, вöли жугыль, а рытнас эз во.

— Вөрö, тыдалö, мунiс, дзевасö эновтчис,— дöжналiс сусед ме-нам юасьöм вьлö.— Кымын пон видзлi пöрысьöдз, ставөн сiдз инасьлiсны.

Со тадзи ми торъялiм Кучумкöд.

Ловъя дырйиыс эг и лысьт босьтны вьль быдтасös...



Медводдза кывбуръяс



Ганна ПОПОВА

* * *

Менам морёсын ыпъялӧ ярьюгд би,
Сійӧ чӧсӧдӧ, сотӧ зэв ёна,
Коньӧр сьӧлӧмӧй быттьӧкӧ ӧгыра ді,
Тайӧ дойыс мем вивті на дона.
Муслун ӧзтӧма енэжас медъюгд сись,
Ӧшинь-ӧдзӧсьяс восьтӧма кола.
Эз кӧ сьӧлӧмӧй муслунӧн тэ вӧсна вись,
Ме бы тэ дінӧ сэки эг волы.
Эськӧ тэ дінӧ волыны, чӧвтлыны син,
Медым пальӧдны нӧдкывъя олӧм,
Ӧти сынӧдӧн лолалӧм сетӧ мем вын,
Дойыс эновтлӧ сыркъялысь сьӧлӧм.

* * *

Шудӧй, баба шудӧй, эновтін тэ менӧ,
Лэбзин ылӧ, вошин сы ни садъ.
Тшӧкыда ме, шудӧй, вола тэкӧд венӧ,
Чунь костті кызд исковтін, потін, быттьӧ гадъ.

А ӧд коркӧ новлі шудысь вурӧм платтьӧ,
Дзоридзалис гӧгӧр мелілунӧн сад.
Талун шудӧй менам мусюрӧдыс каттьӧ,
Юр весьтын и кок улын биӧн сотчысь ад.

Шудӧй, баба шудӧй, лок да ловзьӧд сьӧлӧм,
Курыд кӧра сынӧд апалӧмысь пӧт.
Уся пидзӧс ылӧ, шуа сёысь — «Чолӧм!»
Мед кӧть войнас лоӧ шуда менам вӧт.

* * *

Гашкӧ, омӧля тэнӧ ме радейті?
Мыйла сьӧлӧмӧс, сідзкӧ, тэ пазӧдін?
Мыйла муслунӧс ю сайӧ вуджӧдін?
Мыйла кодзувсӧ енэжсьыс судзӧдлін?

Садьтӧг окавлін, сэсся бӧр пальӧдін,
Дзоридз-муслунӧс кок улад талялін,
Мелі кывъясӧн вежӧрӧс кольмӧдлін,
Сьӧлӧм шыясӧс тӧв ылӧ колльӧдін...

* * *

Быттьӧ пыдӧстӧм юкмӧсӧ уся,
Быттьӧ помасьлытӧг — йиа зэр.
Муслун эновтіс сьӧлӧмӧс гусьӧн,
Сэсся нинӧм нин ськӧд он кер.

Лөзсьөд кымөрөн өшйис ме весьтө
Тыртөм синъяса, кодзувтөм вой.
Эбөс бырөма, сьөлөмөс косьтө
Льобъяс курчавтөдз зэлалом дой.

Муслун кышаліс лежнөгысь юркытш,
Павгис ас вылас сап пемыд шаль.
Кольчис төрытас,
Колис мем чунькытш.
Да кык пиос.
Да казтылом — чаль.

* * *

А шудлун миян челядь пытшкын олө,
Кор налөн синъясын войт мында абу полөм.
Кор сьөлөмъясын туө-пуө муслун,
Да кык лов костын эскөмыс оз куслы.
Кор уджтө вөчан сьөлөмсянь да нюмөн,
А рытнас бордъяс вылын гортад мунан.
Кор дзоньвидзаось бать-мам, чужан гортад
Кор верман локны на дінө, кыз коркө.
И дона кө Войвылын овны пудйис...
А уна-й колө?
Ме ног — тайө шудыс.

❖ ❖ ❖



Висер вожса мойдъяс



Коми мунымӧс, литературанымӧс вель важӧнсянь нин кыпӧдӧс да нимӧдӧс «Висер вожса сьыланкывъяс да мойдкывъяс» небӧг.

— Быдмигӧн-велӧдчигӧн менам книга чукӧрын медся радейтанаӧн вӧлі сӧмын кык небӧг: «Висер вожса сьыланкывъяс да мойдкывъяс» да Василий Юхнинлӧн «Алӧй лента» роман,— висьталӧс учёнӧй-филолог В.И.Мартынов.

Сӧдзи кымын жӧ лыддисны унаӧн.

Мойдъяссӧ чукӧртӧсны Коми научно-исследовательскӧй институтлӧн индӧд серти 1939—1940 воясӧ Шойнаты районса Ыджыдвидз, Висер да Одыб сиктъясысь. Печатьӧдз (небӧгӧдз) вайӧдӧс найӧс И.А.Осипов (Иван Вокан). Небӧгыс петалӧма 1941 воын.

Коми книжнӧй издательство некымын во сайын выльысь лӧдзис сьыланкывъяс-мойдъяс небӧгсӧ, но ичӧт тиражӧн. Ӧдвакӧ сӧйӧ воис ылі сиктъясӧдз, миян лыддысьысьясӧдз. Со и вежӧртім: мойдъяссӧ колӧ журналын йӧзӧдны да нӧшта и кольны висьтавлысьяссылысь важ баласӧ.

Седун

Оліс-выліс крестьянин. Крестьянинлӧн вӧлі куим пи. Медыджыдыс Василей, мӧдыс Педӧр, коймӧдыс, медічӧтыс Иван. Иван сія седун, паччӧр сэрӧгысь оз и лӧччыв некор, пукалӧ сэн да сӧй пиын лувасӧ. А кыкыс абу йӧйяс, ная прӧсужъяс. Но, коркӧ бать висьмис, омӧльтчис зӧв ёна и пондӧс кувны. Сія корис пьянсӧ и шувӧ, но пӧ, пьян, ме пӧ, буракӧ, кувны куті, ог нин справитчы. Ті пӧ менӧ дзебӧй, гувалӧй кулӧм мысьтӧн, а сӧсся пӧ куим вой волӧй узыны ӧтикӧн-ӧтикӧн менам гу вылӧ, куимнаныд пӧ волӧй, первой Василей, сӧсся Педӧр, сӧсся пӧ и тӧ воы, Седун.

Но, бать налӧн кулі, дзебисны, меститӧсны, и рыт вовис, кайны талун узыны бать гу вылын медыджыд пиы. Медыджыд пи, Василей, и шувӧ, он-ӧ пӧ тӧ кай, Седун, узыны ме пыдди батьыд гу вылын, ме пӧ тӧд ньӧба гӧрд дӧрӧм. Кая пӧ, шувӧ Седун. Гӧрд дӧрӧмыд сылы кажитчис, любӧ весиг. Зӧв зія сӧсся и кайис.

Бать гу вылын узис, батьыс сетӧс зӧв мича гӧрд вӧв. И лӧччӧдӧс сія вӧвтӧ, лӧдзис шорӧ, а ачыс бӧр кыссис гортӧ.

Мӧд вой узыны колӧ шӧркост воклы. Рыт пондӧс воны, шӧркост вок шувӧ, тӧ пӧ, вокӧ, он-ӧ кай узыны ме пыдди, ме вурӧда тӧныд выль сапӧг гоз. Кая пӧ, шувӧ Седун. Сылы эськӧ нинӧм и сапӧг-сыыс, оз ветлыв некытчӧ да, колӧ жӧ вот вӧччыныд. Зӧв любӧ-пырысь и кайис. Ӗпетъ узис сія бать гу вылын, бать сетӧс серӧй вӧв. Седун лӧччӧдӧс и ӧпетъ лӧдзис шорӧ.

Коймӧд вой воны кутӧс, кайны колӧ Седунлы. Но пӧ, талун пӧ аслым узыны черӧд, оз нин ков дон босытны некодлысь. Кайис и ӧпетъ узис бать гу вылын. Бать сетӧс сылы зӧв мича воронӧй вӧв. Седун ӧпетъ лӧччӧдӧс и шорӧ лӧдзис вӧлӧс.

Но, эстөні, эстөні ылын эм сар, а сарлөн эм куим ныв: Марья, Василиса и Марпида. Ная бөрийоны рөвесникөс мужик ыло. Сар сетіс нывъяслы шөвк чышъянъяс. Өтилөн мича-мича, мөдлөн сыыс мича, а меддөляслөн, Марпида Саревналөн, ещө на мича, би моз öйө, видзөдан да. Но, аски өшөдөны балкон ыло медыджыд нывлысь чышъян. Коді сійө судзодас, сія и ловө жөникпу. Став сарствоас явитөма, быд помысь йөз локтөны, чукөртчөны. И кык вокыд Седунлөн тшөтш мөдөны, ветлам пө, гашкө, и миянлы пө сюрас. Седун шувө, менө пө, вокъяс, он-ө тшөтш босьтө. Вокъяс толькө сералисны, чөв пө, йөй, кытчи пө мунан, пуков пө паччөр сэрөгад. Сэсса доддялісны омөлик кыскасян вөв-кляча, пуксисны доддьө и мунісны.

Но, вокъяс мунісны. Седун сія лэччис шорө, кыссис бауөн, чукөстіс первойя вөвсө, гөрдсө, и пырис пеляс. Өтар пеляс пывсяс, мыссяс, мөдарас көмасыс, пасьтасыс и петас сэтшөм ён, мича молодеч!

Но, сэсса пуксис вөв ыло, вөлөн кутіс лэбны. Регыдөн и сувөдіс вокъяссө: кыскасян вөвнад ыло абу на и мунөмасы. Сувөдіс и вөв вывсянь швач кучкис пельбокас өтилы, швач кучкис мөдыслы, ная усины пидзөс ылас. Свят, свят, шувөны, Илля великөй пө муніс. А Седун сія ылын нин водзын лэбө. Лэбыштис сар домдорө, гашкө, балконсыс на ылоджык чеччыштліс и толькө исыштис, эз босьт чышъянтө. Йөзыс видзөдөны да дивуйтчөны, со пө, со, вермө да оз на и босьт ещө. Дерт, кодкө сэсса судзөдіс жө бөрын. А Седун бергөдчис бөр да вокъяс век на мунөны, паныдасисны. Сія өпеть өтиыслы швач кучкис, мөдыслы швач кучкис. Ная өпеть усины пидзөс ыло, свят, свят пө, шувөны, Илля великөй пө өпеть муніс, миянөс страститіс.

Коркө-й вокъяс вовисны гортө. Седун паччөрын нин куйлө. Сія, дерт, важөн нин удитліс воны, лэдзис вөвсө шорө, а ачыс бөр лови Седун.

— Но, вокъяс, кыскө-мыйкө аддзылід энө, кывлід энө?— ювалө вокъяслысь.

— Эгө пө аддзылө,— шувөны ная,— кодикө пө босьтөма нин, эз миянлы сюр. Толькө пө Илля великөй гымалис, страститіс миянөс зэв ёна.

— А ме пө тай нинөм эг кывлы-а, некутшөм гымалөм, ме моз кө пө пукалід гортын, бурджык зсыкө вөлі,— шувө Седун.

Мөдлун шөркост ныв лэптіс чышъян. Вокъяс өпеть шувөны, ветлам пө и ми, гашкө пө талун миянлы сюрас. Седун өпеть вөз-йысьө, менө пө, вокъяс, он-ө тшөтш босьтөй. Вокъяс бара сералисны, чөв пө, йөй, кытчө тэ мунан, куйлы пө паччөрад, сійө төд. Сэсса доддясисны и мунісны кыскасян вөлөн, клячан. А Седун лэччис, чукөстіс мөд вөвсө, серөйсө и, өтар пеляс пывсяс, мыссяс, мөдарас көмасыс, пасьтасыс, сэтшөм мича да ён молодеч лови. Вөв ыло пуксис и пондіс мунны. Регыдөн и сувөдіс вокъяссө, өтислы бара швач кучкис, мөдыслы швач кучкис, ная бара пидзөс ыло усины, свят, свят, шувалөны, Илля великөй пө муніс, миянөс страститіс. А Седун вовис балкондорө, чеччыштліс и өпеть толькө исыштис чышъянтө, эз босьт. Йөзыс дивуйтчөны, со пө кутшөм, вермис пө да эз на и босьт ещө.

Бергөдчис бөр, а вокъяс век на мунөны. Өпеть налы швачйөдліс, кучкаліс пельбоканыс, ная усины пидзөс ылас, свят, свят пө, Илля великөй муніс, миянлы страсьт петкөдліс.

Коркө-й сэсса гортө вовисны, Седун ий ювалө:

— Но, вокъяс, талун сюри эз?

— Эз миянлы сюр, кодкө босьтөма нин,— шувёны вокъяс,— только,— шувас,— Илля великёй гымалис, миянлы страсът петкөддiс.

— А ме тай,— шувё Седун,— нинөм эг кывлы-а, ме моз кө пукалiд гортын, некутшөм страсът эз лолы.

Коймөд лунё Марпида Саревна чышгъян лэптiс, меддзёля чойыс. Йөз чукөрмөма став сарствосъыс, быдөн жалайтө судзөдны. Вокъяс шувёны, ветлам пө и ми, талун пө, гашкө, сюрө нин. Седун өпетъ вөзйысьё, талун, шувас, ме ог нин кольччы, ме пө ветла жө сiдзкө, тi кө надейтчад. Сэсся петiс да медводз и пуксис доддяд. Вокъяс сералисны и матъкисны, да Седун эз чеччы. Но, ладнө пө, шувёны вокъяс, сэсся нувисны да шорад и пөрөдiсны Седунөс. Сералисны, сералисны дай мунiсны, а Седун коли. Но, и тая пө ладнө, шувё Седун, көтъ пө татчөдз вайисны, эз ковмы кыссыны аслым. Чукөстiс коймөд вөвсө, аслыс сетлөмсө, өтар пеляс пырис, пывсис, мыссис, мөдарас көмасис, пасътасис, сэтшөм молодец лови, ён да мича. Вөв вылө пуксис и лэбыштiс вөвнад. Вокъясөс сувөдiс да ёна и клопөдiс-нөйтiс, вот пө тiянлы пөрөдөмсыйд. А ная учины пидзөс вылас, свят, свят пө, Илля великёй пө мунiс, миянөс өпетъ страститiс.

Сар балкон дорө вовис Седун, чеччыштiс вөвнад. Сiя, зонмө, гашкө, керкасъыс на вылө волiс и лэччигас вөлисъ босьтiс чышгъянтө Марпида Саревналысь. О, кутлө, кутлө, код пө татшөмыс, горзёны йөз, а кызд сiйө кутан, сiя йөз юр вывтiс лэбө да.

Бөр локтигас паныдасис вокъяскөд, ная ещө мунёны на, и бара швачйөддiс-кучкалiс. Ная учины пидзөс вылө, свят, свят, шувёны, Илля великёйыд пө бара страститө миянөс. Коркө сэсся, ная ветлөмась дай, бөр локтiсны гортө. Седун паччөрын нин.

— Аски, Седун, тшөтш мунам,— шувёны вокъяс.

— Но,— шувё Седун,— менө корисны али мый?

Аски пө синтөм и, коктөм и, ставыс должен локны сарство пасътасъыс. Сар нывъяс пө кутасны корсъны йөз чукөрысь ассъыныс жөникъясөс.

Ладнө пө, шувё Седун, ветла пө, талунъя моз кө он пөрөдөй. А тiянлы пө талун сюри эз, ювалө вокъяслысь.

Эз пө, эз сюр миянлы, шувёны, только пө Илля великёй бара страститiс, татшөм страсътсө пө эг на аддзылөй ещө.

Гортын кө пө олiд ме моз, бурджык вөли, шуыштiс Седун.

Но, узисны ная, аски рөмыднас на өти вокыд и садьмас, мый нө пө тая, öзйөма тай нө керканым. А сiя эськө Седунлөн узигас питшөгсъыс чышгъян помыс мыччысьөма.

— Вокө, вокө,— пондiс чуксовны,— Седуныд öзтөма керкатө, паччөрад биасьөма да.

Но, Седун öдйөджык бөр сюйыштiс чышгъян помтө — пөжар кусi. Вокъяс чеччылисны жө эськө да, би эз аддзыны. Сэсся-й, коркө югдiс да, вокъяс доддясисны, босьтiсны Седунөс тшөтш и мунiсны сар ордө.

Быд помысь локталёны йөз, кодi вермө и оз, синтөмыс и коктөмыс сэнi, гөлыс и озырыс. Луншөр кежө ставыс нин чукөртчис, некод эз коль гортө. Седун кутiс пырны, зырым и дуль өтлан, кысьё бауөн. Тайө пө мыйла нин вайны, тайө; тайө пө вөд абу жө нин жөникпу, шувёны йөз. А сар шувө, нет пө, ставыс пө должен локны, некод пө мед эз коль бокын.

Сэсся сар сетiс медыджыд нывлы вина стөкан. Кытшовт пө

йӱз пӱвсттӱс, код ордысь пӱ аддзан ассъыд чышъян, сійӱ пӱ и юктов, сӱсся пӱ пуксы водзас, сја пӱ тӱнад жӱникыд. Но, ыджыд ныв пондӱс кытшовтны, пыр и аддзис ассъыс чышъянтӱ. Кодӱ вӱд судзӱдӱс, сја оз кут дзебны. Но, батьӱ, менам пӱ сюрис, шувӱ нылыд, сӱсся юктолис жӱникӱс стӱкан винан и пуксис сылы водзас.

Бать сетӱс стӱкан вина шӱркост нывлы, сӱдз жӱ пӱ кытшовт да код ордысь аддзан ассъыд чышъян, сійӱс пӱ и юктов да пуксы водзас, сја пӱ тӱнад жӱникыд. Шӱркост ныв пондӱс кытшовтны, ӱпетъ сылы регыд и сюрис. Мен, пӱ, батьӱ, сюрис жӱ, горӱдӱс батьлы, сӱсся юктолис да пуксис жӱник водзӱ.

Но, сӱсся бать ыстӱ коймӱд нылӱс, Марпида Саревнас, вай жӱ пӱ кытшовт, шувӱ, вина стӱкан пӱ босът да, код ордысь пӱ аддзан ассъыд чышъян, сја пӱ и ловӱ тӱнад жӱник. Марпида Саревна пондӱс кытшовтны. А Седунлӱн питшӱгсъяд тыдӱдыштӱма жӱ, абу ӱна, а муртса йылыс. Марпида Саревналы зӱв яндзим лови дай быттӱӱ эз аддзы, кытшовтӱс и бӱр локтӱс. Эг пӱ аддзы, шувӱ батьлы. А бать шувӱ, мӱдысь пӱ кытшовт, кыськӱ пӱ аддзан на, сійӱ пӱ тан должен лоны, бокин пӱ абу сӱсся йӱзыс. Сја сӱсся ӱпетъ кытшовтӱс, Седун дортӱ эськӱ-й мунӱс да бара быттӱӱ эз аддзы, вайис вина стӱкан бӱр, пуктӱс пызан вылӱ. Эз пӱ, батьӱ, сюр, ог пӱ тӱд, кӱнӱ менам чышъяныд. А бать и скӱрмис:

— Неужели,— шувӱ,— эз сюр? Тӱ,— шувӱ,— ылӱдлан, омӱль кӱнкӱ да яндысян, ветлы,— шувӱ,— да босът, кӱтъ кодӱ.

Коймӱдысь нылыд эз нин кытшовт, мыйла нӱ кытшовтас, тӱдӱ нин да, аддзылис да. Воськыда мунӱс Седун дорӱ, юктолис винан, носӱвӱй чышъянӱн чышкалис сылысь зырым-дульсӱ и пуксис дӱнас. Водзӱ пуксыны оз позъ, а дӱнас пуксис. Йӱз сӱнӱ ставыс серовны кутӱсны. Сюри пӱ, ювалӱ сар, кылис серамтӱ да. Сюри пӱ, шувӱ Марпида Саревна, ачыс юрсӱ лӱптыны оз лысьт, яндзим да.

Сар сӱсся аддзис жӱникӱс:

— Тыпу,— шувас,— сюрӱма жӱ!

Торъя кукня(ӱ) и мӱдӱдӱс, порсь да мӱс видзанӱн ли мый ли сӱн вӱлӱма. Пируйттӱг ни нинӱм, сӱдзи и ыстӱс, мунӱ пӱ син водзысь. А кык зятӱкӱд пируйтӱны зӱв ӱна. И ми сӱтӱнӱс жӱ вӱлӱм, сӱйим, ювим. Ме сӱсся пыри и кутӱ висъговны сарлы, эстӱн, эстӱн, мяся, зарни сюра лань эм, поле вылын ветлӱдлӱ, зӱв ӱдйӱ котралӱ. Кодӱ вермас сійӱ кутны, вот сја морт кутас лыддысьны.

А сар и шувӱ, но пӱ, зятъяс, петкӱдлӱ ассъыныд морттуйтӱ. Вот пӱ эстӱн, кывсьӱ, зарни сюра лань эм, ветлӱ пӱ да кутӱ сійӱс и вайӱ татчӱ.

Ветлам пӱ, шувӱны зятъяс. Босътӱсны гезъяс, сyumыс вӱжжи ли мый ли, и мӱдӱдчисны мунны. А Седун шувӱ аслас гӱтырлы:

— Вай,— шувӱ,— петов бать ордад, ва кыскалан кӱбыласӱ корлы, ме тшӱтш жӱ ветла, ме вӱд зятъ жӱ.

Марпида Саревна петӱс и корӱ.

— Мун,— шувӱ сар,— кутшӱм вӱв сылы ковмис, Седунлы, мед луттшӱ пукалас гортас, йӱзыслысь кӱтъ серамсӱ оз петкӱдлы.

А саритса ий шувӱ:

— А жаль али мый тӱныд кӱбылад, мый он сет, вай сет.

Мамыдлы вот жаль жӱ нылыд, сы дор олӱ. Но, сар сетӱс ва кыскалан кӱбыла, зӱв омӱлик сја, лыыс да кучикыс сӱмын. Седун сја петӱс да бӱрӱн и пуксис кӱбыла вылад. Бӱжсӱ курчис вомас, кыпӱдӱснас шлапкӱдӱ задъясас и мунӱ. А йӱзыс сӱнӱ, пируйтысьяс, со, уна вӱлӱ; зӱв ӱна пондӱсны ная серовны. Видзӱд пӱ, видзӱд, горзӱны, Седун зятъыд пӱ тшӱтш мӱдӱма, вӱв вылас бӱрӱн

пуксьома. Вот пö тая и кутас зарни сюра ланьтö! А Седун сiя пыр мунiс и мунiс, пыдди оз пукты сералöмтö, и вовис аслас шорö. Кöбылас бöжöдыс босьтiс, тракнитiс, яйыс ылö тутi, а кучик коли киас. Сiя сэсся öшöдiс кучиктö потшис ылö и чукöстiс ассьыс вöвсö. Локтiс первойяыд, гөрдыд, öти пеляс пырис, пывсис, мыс-сис, мöдас кöмасис, пасьтасис и сэтшöм молодеч лови, ок, кутшöм! Вöв ылö пуксис, свöякъясöс сувис, öтислы швач кучкис пельбокас, мöдыслы швач кучкис и лэбис водзö. Ная только усыны пидзöс вылас да, свят, свят пö, шувалöны, Илля великöй пö миянöс стра-титö.

А Седун ветлiс поле ылö, кутiс ланьтö и бөр нин локтö. Свö-якъяс век на мунöны, паныдасисны. Тэ пö тай нö, молодеч, локтан нин, ваян, а ми пö тайö мунам кутны, шувöны ная. А менам пö кутöма нин, шувö молодеч. А тэ пö он-ö вузов миянлы, ювалöны сылысь. Вузала пö, шувö сiя. А уна-ö пö коран. Ыджыд кокчунья-ястö пö вундö да вайö меным, ме пö тiянлы лань сета. Свöякъяс думайтiсны, думайтiсны, сэсся и вундiсны ыджыд кокчуньястö, сетiсны молодечлы. Молодеч босьтiс, зарни сюра лань сетiс и мунiс.

А ная, кык свöяк, сар ордö мунiсны. Нимкодъыд сарлы! Ещö ёна кутiс пируйтöдны найöс, вот пö тi, зятьяс, эстшöм звер вермид кутны. Седуныд пö кытчикö мунлiс жö, энö пö аддзылö? Эгö пö, шувöны зятьяс, и мöда-мöд вежмөн ошйысьöны сар водзын, кыдзи найö куталiсны зарни ланьöс.

Коркö-й дыр мысти Седун локтö. Шорöдзыд нин ветлöма да бöрсö локныд дыр лови. Сiя, зонмö, вöв яй вывсьыд куталöма катша-ракаясöс, гашкö, дасöс вайö, кыскö.

— На,— шувö,— тесьт-тьöща, гöстинец вайи.

Серамыд сэнi!

— Тыпу,— шувас сар,— дворечсö менсьым пежалан, мунö,— шувö слугаяслы,— кытчикö шыбытö öдйöджык йöз водзсьыс.

Седун сэсся баба дiнö тiмбыльтiс-мунiс, пызан дорö весиг эз корны.

Сэсся-й öпеть ме пыри да висьталi, эстөн, эстөн, меся, эм зарни тшöтя порсь. Сар и шувö зятьяслы. Но, пö, зятьяс, эстөн, эстөн пö кывсьö зарни тшöтя порсь. Сiя кö пö вермад вайны меным, вот пö и бур зятьяс лованныд, нэм пö ог вундö.

Ладнö пö, шувöны зятьяс, ветлам. Кокъясыд эськö висьöны да, бур зятьясөн лоны ещö окота. Босьтiсны сюмыс вöжжи ли мый ли и мунiсны.

А Седун бабасö öпеть ыстö:

— Мун, Марпида Саревна, ветлы да корлы меным мöд кö-быласö, ме тшöтш ветла зарни тшöтя порсьыдла, ме вöд сар зять жö.

Марпида Саревна мунiс корны батылысь вöв, а бать шувö, ог пö сет, öтиöс пö сетлi нин да страмитiс став йöз водзас. Саритса öпеть ныв дор сувтiс, жалыс петiс, мый нö пö жалитан ва кыс-калан кöбылатö, сет пö вай. Но, сар сэсся сетiс жö, венiсны кык-над.

Седун пуксис кöбыла ылö бокала и öпеть мунö, вöсьлөн и мунö. Видзöд, видзöд пö, горзöны да сералöны пируйтысьяс, Се-дуныд пö öпеть мöдöма, а öнi пö лöсьыдджыка нин пукалö, ве-лалыштöма. Тая пö бара кутас нин порсьтö. А Седун найö пыдди оз пукты, мунö и мунö. Шорö вовис, кöбылас кватитiс бöжöдыс да тракнитiс, яйыс ылö тутi, а кучиксö потшис ылö öшöдiс. Сэсся чукöстiс ассьыс мöд вöвсö, öти пеляс пырис, пывсис, мыссис,

модас кѳмасис, пасьтасис, ѳпетъ зэв ѳн да мича молодец лови. Сейчас сѳя свѳякъясѳс сувѳдѳс да швачѳдѳс-кучкалѳс пельбокас. Ная толькѳ шувалѳны, свят, свят пѳ, ѳпетъ пѳ Илля великѳйыд страститѳ миянѳс.

А Седун ветлѳс и кутѳс зарни тшѳтя порсьѳс.

Бѳр локтѳгѳн паныдасисны свѳякъяс.

— Тэ тай нѳ ваян нин, молодецѳ, ми мунам кутны-а? Он-ѳ тэ вузов миянлы?— ювалѳны сылысь.

Вузала пѳ, шувѳ молодец. А мый нѳ пѳ коран порсьыд вылѳ. А кора пѳ ме мышкусьыныд тасма пасьта кучик кульыштны... Думайтѳсны, думайтѳсны свѳякъяс и ѳпетъ сѳгласитчисны, кульыштѳсны мѳда-мѳдыслысь тасма пасьта кучик и сетѳсны молодечлы. А молодец налы колис зарни тшѳтя порсь и мунѳс.

Вайѳдѳсны свѳякъяс зарни тшѳтя порсьѳс сар ордѳ, сарлы ещѳ любѳ лови, ещѳ ѳна кутѳс пируйтѳдны, гѳститѳдны.

Коркѳ-й дыр мысти Седун локтѳ. Сыысь уна вайѳма катшаракатѳ, куим сы мында, гашкѳ, куталѳма вѳв шуй вывсьыд. ѳпетъ пѳ Седуныд страмитѳ менѳ, шувѳ сар. Но, ѳнѳ Седунѳс эз нин лэдзны матыстчывны пируйтѳсьяс дорѳ. Тесьт-тѳщалы гѳстинеч и быдтор эськѳ вайѳма да, эз лэдзны морттѳ, тѳмбыльтѳс сѳсся гортас, ичмонь дѳнас.

А ме ѳпетъ висьталѳ сарыдлы, эстѳн, эстѳн, меся, эм комын сывьѳ кѳбыла и сылѳн комын чань. Сар и ѳпетъ шувѳ, но пѳ зятьяс, бур зятьяс, эстѳн, эстѳн пѳ, кывсьѳ, комын сывьѳ кѳбыла и сылѳн пѳ эм комын чань. Вермад кѳ пѳ кутны сѳйѳ да ваяд меным, медбур зятьяс пѳ лованныд, нэм пѳ кута любитны и буравны.

Ладнѳ пѳ, шувѳны зятьяс, ветлам пѳ, асьныс эськѳ ветлыныс нин оз вермыны, а век бурѳ кѳсѳйѳны пуксьыны. Босьтѳсны мый-яскѳ сьѳраныс и мунѳсны.

Седун ѳпетъ ыстѳ бабас, мун пѳ ветлы да кор коймѳд кѳбыласѳ, ме пѳ вѳд зять жѳ, ветла тшѳтш свѳякъясскѳд.

Марпида Саревна мунѳ батъ дѳнѳ. Сѳя эськѳ оз вѳлѳ сет да ѳпетъ саритса нылыс дор сувтѳс, тшѳктѳс сетны кѳбылас.

Седун пуксис да ѳнѳ прамѳя мунѳ, пукалѳ лючки и рѳдѳйѳн гѳнитѳ. Со пѳ, другѳ, велалѳ ветлыныд, шувѳны йѳзыс, сералѳны да. Но, Седун вовис шорѳ, кѳбылас босьтѳс бѳждѳ, тракнитѳс и яй тутѳ, кучик ѳпетъ ѳшѳдѳс потшис вылѳ. Сѳсся чукѳстѳс коймѳд вѳвсѳ, воронкосѳ. Вѳв вовис, да ѳти пеляс пывсис, мыссис, мѳдас кѳмасис, пасьтасис, сэтшѳм молодец лови, мича да ѳн.

Вѳлыд сылы и шувас, босьт пѳ, кѳзяин, куим ведра сир да куим пож ем, и потшис вывсьыд вѳв куястѳ босьт. Ми пѳ мунам сѳсся комын сывьѳ кѳбылас кутны, сѳя пѳ йирсьѳ чаньяскѳд поле вылын. А поле вылас эм дуб. Тэ пѳ кай сэтчи, а кайтѳдзыд ме вылѳ пукты вѳв кутѳ и кисьт пѳ ведра сир и пож ем, сѳсся пѳ мѳдсѳ дай коймѳдсѳ сѳдз вѳч. Но, сѳсся пѳ, кѳбылад локтас да, виччысь толькѳ, кор пѳдзѳс вылас усяс. Сѳки пѳ чеччышт и домав, кѳбыла и чаньяс пѳ ловасны тѳнад, оз нин пышѳыны сѳсся.

Иван босьталѳс, мый тшѳктѳс вѳлыд, и мѳдѳдчис мунны. Свѳякъястѳ, дерт, джын туяс и сувѳдѳс на, ѳпетъ швачѳйѳдѳс-кучкалѳс пельбоканыс. Свят, свят пѳ, ная шувалѳны, Илля великѳйыд пѳ бара страститѳ миянѳс. И Иван сѳя лѳбыштѳс и водзѳ мунѳс. Мунѳс, мунѳс, вовис поле и поле шѳрын дуб. Вовис дуб дорад, видзѳдѳ, кѳбыла йирсьѳ поле вылын. Аслас вѳв вылѳ ѳти кѳбыла кутѳ шлапкис, кисьтѳс ведра сир да вылысас пож ем, сѳсся мѳдѳс шлапкис, бара ведра сир да пож ем, и коймѳдѳс сѳдз лѳсьѳдѳс.

Ачыс сэсса дуб йылас кайис да сулалё, виччысьё. А кёбылад аддзис сылысь воронёй вёвтё, уськөдчис, зонмё, да кыдзи тай курччас! Не кё кёбыла кучикъясыд, сирыд да, емыд да, воронколы эськё сэнi и смерт, виис эськё. Да ладнё, вёв куыд веськалі. Воронко чужъялё, жваньгё бокас, а комын сывъя кёбылалён вомыс тыри сирён, емён да, оз вермы курччыны водзё, мынтөдчё. Кыдзкё вёд и мынтөдчис сэсса. И мөдысь курччис-апыштiс, мөд ку веськалі, сирнас и емнас. Мынтөдчис, мынтөдчис и өпетъ кыдзкё мыні. Коймөдысь апыштiс да коймөд пож ем шеді. А Седунлөн воронко өтарё жваньгё-чужъялё. Чужъяліс, чужъяліс, кёбыла сэсса-й уси пидзёс вылас. А Иван чеччыштiс дуб вывсянныд дай домалис, өні пö он пышйы меысь. А мам кё оз пышйы, и чаньяс оз пышйыны, дерт, ная, төдөмысь, вөтчасны.

Мөдөдчис мунны, и паныд ловины свöякъяс. Тэ пö тай нö, молодеч, кутөмыд нин тая, ми пö мунам кутны-а. Менам пö кутөма нин, шувö Иван. А тэ пö он вузов мянны. А мый вылө пö ньö-банныд, пондiс шуны Иван. Свöякъяс сійöс оз төдны, думыштныс оз кужны, а Иван, дерт, төдö. Кокчуныныд пö абу, мыш кучикныд абу, мый вылө пö и вузала тiянлы. Юртö пö тiянлысь он босът, буракö, юртөгыд пö он воö гортад, а деньга вылө, шувас, ме ог вузов.

Зятъяс сэтчö колины сулалан, а Иван муніс сар ордö.

Ылысянь и аддзисны локтөмтö, сылөн вёд, со, дзонь табун лови. Комын öти чаня-вöла да комын кыкөд аслас вöлыс. Бусыс кымөрөн кайö, локтö да. Казялісны, петісны быдласъ йöзъяс, восьталöны конюшняяс, мед отсавны зятъяслы йөртны. Ная вёд оз думайтны и некод оз думайт, тая пö Седун кутөма да вайö. Сар шувö, ланьтö пö кутісны, порсьтö пö кутісны, со пö и комын сывъя кёбылас кутөмась менам зятъяс. А Седунöс оз казътив, оз и зять туйö пукты вёд. Сія пö ваяс на коркö катша-ракатö, сералöны пируйтысьяс. Но, петісны ставыс стречайтны, сувталісны конюшняяс дорö. Тшөтш и Марпида Саревна петіс, восьтіс ассьыс карта öдзöссö. Пу дзиръя вöлі сылөн карта öдзöсыс да, зэв ёна дзуртö. Мый пö бара седуникас сэн кимöсьтитчö-а, сералö сар, виччысьö жö пö, тыдалö, кодöскö. А вöвъяс локтісны, локтісны да гузь пырисны Седун карта(ö). Йöз дивуйтчöны да шензьöны, мый нö пö тая, Седуныд пö али мый кутөма комын сывъя кёбылатö. Молодечтö эськö аддзылісны да некод эз чайт сійö Седунён, тая пö төдтөм морт кодкö. А сія пырис гортас да шувö Марпида Саревналы:

— Но, мун жö, баба, пывсян ломты, дыр нин ветлі да няйтöсси.

Пывсян ломтісны, сія лэччис пывсьыны. Мун пö батьтö ысты, шувö Марпида Саревналы. Бать дінö муніс Марпида Саревна, Седуныд пö корис пывсьыны, шувö батьлы. Седункөд пö пывсьыны ог жö мун, шувö сія, тырмас пö, страмитіс нин менö. А Седун лэччис пывсянö, порог весьтö öшөдіс свöякъяслысь кокчуныяссö да мышку кучикъяссö и пырис пывсьыны. Сар пукаліс, пукаліс, а час пö лэччыла, ог-ö вермы пö кыдзкö-мыйкö ылөдны сылысь комын сывъя кёбыласö, ачыс пö вёд эз жö кут-а. Лэччис, пывсянö пондiс пырны, трон инмис плешкас кокчуныд, шляп кучкис мышку кучикыд.

— Тайö нö мый вöчöмыд, öшлöмыд? — ювалö сар.

А этъя пö зарни сюра лань, индiс Иван кокчуныяс вылө, а этъя пö зарни тшөтя порсь, шляп-шляп керыштiс воча мышку кучикъясөн... Тая и тая пö вот тэнад зятъяслөн.

Сар кайис зэв öдйö, зятъяс муртса на вовöмась. Нолтö пö вай

пөрччылöй кокъястö, петкöдлöй кокчуныястö, тшöктö сар. Мыйла нö пö. А вайö пö, вайö, пөрччылöй. Зятъяс пөрччисны сапöгъяссö, а ыджыд кокчунныс некодыслөн абу, вундöма. Вайö пö и паськöмтö пөрччылöй, тшöктö сар. Дөрöм и гач пөрччöдiс зятъяслысь.

А сэнi йöзыд! Серамыд! Ставыс сералöны, виччысьöны вöд, со, вöли кöбыла вайöмтö, унаöнöсь. Сэнi и пируйтысьяс, слугаяс и, прöстöй крестьяна и. Куснясьöмөн сералöны, видзöдöны да. А зятъяс юр öшöдöмөн сулалöны, яндзим. Тiяны пö и кукнясö ме ог сет, шувö сар, убирайтчö пö мöд сарство(ö). Сэсся вöтлiс найöс гöтыръяснас и быдсөн, мед пö дукуыс эз вöвны менам сарствон. А ачыс лэччис пывсянö. Но, Иванлөн пывсьыссьöма нин. Сiя, дерт, абу седун, пывсьöма, мыссьöма да сэтшöм молодец ловöма, ок, кутшöм мича да ён! Кайисны саркöд и сизим сы мында и ещö бура пируйтiсны, столуйтiсны гöсьтъяскöд.

Сэсся Иванöс сарö пуктiсны. Иван сар лови, а ачыс, важ сарыс, петiс бывшейö, старикö кольччис. Марпида Саревналы вöлись оландыр вовис, нимкодъ, лöсьыд. Вот сэсся, колöкö, и öнi на сарствуйтö Иван, олö-вылö зэв лöсьыда Марпида Саревнакöд.

Кöин сар

Важөн олöма-выллöма Кöин сар. Но, Кöин сар олiс-вылiс и быд керкась дорывы в сёйис ныла-зонма быд лун. Нель кö, кыкöс сёйö, кыкöс кольö, а кык кö, и кыкнансö сёйö, нинöм оз коль. Коркö-й пондiс воны поп ордö. А поплөн сöмын кык челядь ий эм: Öлькөсея-Божъя да Öдöття Поповна. Поп гозъя и кутiсны шуны:

— Асланым синмөн видзöдны огö жö сетö челядьöс сёйны. Вай жö тi пышйöй,— шувöны поп гозъя челядьлы.

Попаддя шувö, сет пö налы шöвк шуринка да мед мунасны регыдджык. Но, поп сетiс шöвк шуринка, денегатор сетiс, дерт, и чоя-вока петiсны, кутiсны пышйыны. Сучко да Белько ещö налөн вöли да, босьтiсны сьöраныс, понъяснад гажаджык.

Мунiсны, мунiсны, регыд, дерт, висьтовны, а мунны дыр тырмö, и вовисны ю бердö. Шöвк шуринка найö шыбытiсны, вуджисны ю вомөн. Муртса на вовисны мöдарас, кыскыштiсны шöвк шуринкатö, сейчас сэтчö Кöин сар и вовис.

— Ак,— шувас,— удитiнныд кыскыштны, кужинныд. Эн кö эськö удитö, ме сёйи тiянöс.

Но, ладнö. Öнi найöс он нин босьт. Ная мöдарас вуджисны и керка вöчисны пелькиник, бутка сэтшöм, и пондiсны сэн овны. Чой горт олö, а Öлькөсей ветлö, вöралö, Сучко-Белькокöд кыйö пöткаяс да зверьяс.

Öтчыд Öдöття Поповна лэччис ва дорö и аддзис — зэв мича молодец ветлöдлö, пöкаживайтö берег пöлөн. Öдöття Поповна пö, чукöстiс, вуджöд пö менö. Менам пö шöвк шуринкай абу, Öлькөсей вöдитö. А тэ пö кор сылысь да аски инö вуджöд, шувö молодец. Ладнö пö, öтвет видзö Öдöття Поповна.

Öлькөсей вовис рытын, узис. Аски мöдöдчис öпеть вöровны. Чой и шувö:

— Тэ нö мый шöвк шуринкатö сьöрсъыд новлöдлан, юяс ли мый вуджавлан?

Ог пö эськö да, сьöрын тай ветлö-а, шувö Öлькөсей. А он кö

пö вуджавлы, вай коль гортö. Коля пö, шувö Ёльöксей, сэсся и сетіс шöвк шуринокатö чойлы.

Чой лэччис ва дорö, бурлак öпеть ветлöдлö. Öдöття Поповна пö, вуджöд нин, чукöстіс молодеч. Вуджöда пö, шувö ныв, сэсся-й шыбытіс шöвк шуринокатö. Но, молодеч сейчас пондіс вуджны, мы-йöн вовис сыладорас, Кöин сар лови. Öні пö кытчи пышгьян, усь-кöдчис ныв вылö. Некытчö пö ог, шувö ныв. Том молодеч сылы кажитчöма нин вöлі, кытчö пышгьяс. Но, ладнö пö, шувö Кöин сар, кутан овны сідзкö мекöд баба пыдди. Ная сэн, кöнешнö, зна-комитчисны-керисны и пондісны овны гозгья моз. Рыт воны кутіс. Кöин сар и висьталö бабаслы, тэнад вокыд пö регыд вовас, тэ пö сылы эн висьтов нинöм, а лэдзчысь пö висьöмö да тшöкты вокыдлы, мед понгьяссö оз лэдз керка(ö), найö пö менö косявласны, пырасны кö. Сэсся пö тэ ысты воктö лекарстола, эстөн, эстөн пö эм мельнича, дас кык изки изö. Мед пö сія ветлас и медпыді ларсьыс ваяс пызьсö, сійöн пö тэ и справитчан быттьö, сёян да.

Но, ладнö, рыт вовис, коркö-й, кылö, Ёльöксей локтö вöра-ланінысь. Ёльöксей пö, шувö Öдöття Поповна, эн лэдз понгьястö, ме пö вися да, гашкö, лөгасяс понгьяссьыд висьöмыс. А понгьяс, ой, ой, только и чеччалöны, сайдтöг пырöны. Ная кылöмась нин Кöин сар дуктö. А Ёльöксей нинöм оз тöд, вöтлаліс понгьясöс и пырис.

Аски Ёльöксей чеччис, сёйыштіс и бара мöдöдчис вöровны. Чой и шувö: ме пö вот, Ёльöксей, вöт аддзылі, эстөн, эстөн пö, сія сторонаын эм мельнича, дас кык изки изö. Тэ кö пö вот, эськö, ветлан сэтчи, ваян меным медпыді ларсьыс пызьсö, ме пö и спра-витча, сёя сійö пызьсö да. Ветла пö, шувö Ёльöксей. Чой висьöма да кыз он ветлы, дерт, ветлас.

Но, сія петіс, босьтіс Сучко-Белькöс и мöдіс мунны. Муніс, муніс, дерт, мен регыд висьтовны, а мунны тырмис дыр. Вовис мельнича, збыль дас кык изки изö и дас кык лар. Сія пырис мель-нича(ö), медпыді ларсьыс босьтіс кытыр пызь и бөр кутіс петны. Кутшöм öдзöс петö, сія ий игнасьсö, кутшöмöс петö, сія ий иг-насьсö. А öдзöсгьяс зэв ёнöсь, ставыс кöртысь. Петіс ыла(ö), ква-титчис, а Сучко-Белькö абуöсь, медпыдіас игнасьсöмась. Ок, сötана пö, сöткыштіс зэв чорыда. Вуджöдіс пö тай, буракö, менам чойыд Кöин сартö, ылöдöма пö тай сійöс Кöиныд. Сія кö пö эз велöд, некыз пö тайö эз вермы лоны. Но мый сэсся керан: шöвк шу-ринка коли гортö, чой ордын, Сучко-Белькö игнассисны öкмыс öдзöс сайö, восьтыны ни жугöдны он вермы. Öні Кöин сар, дерт нин, сёяс, аддзас кöть кытысь.

Бөр бергöдчис гортö. Гортö локны пондіс, Кöин и паныд усь-кöдчис. Öні пö кытчи воштысян, шувö сія. Но, öні пö вот и сёя; сёйны и лöсьöдчö Ёльöксейöс. Но, сёй пö, шувö Ёльöксей, пыш-йыны пö ме тэысь ог вермы, сёй пö, кужин кö ылöдлыны чойöс. А чой сэн жö, сія петіс кильчö вылö, самöй Кöин лöсьöдчö сёйны, сія и шуны кутіс Кöиныслы. Тэ пö, шувö, öні эн на сёй сійöс, а тшöкты пö пывсян вöчны да мед пывсяс, мыссяс первой. Öні пö дука сылөн яйыс, вөр керкаын тшынгьяс пиын оліс да. Со жö вöд кутшöм сія Поповнад. Аслыс пöльза вылö ещö на пывсян тшöктіс стрöитны.

Кöин сар кö сёяс стразу, пывсян оз ло, а сія пö мед кувтöдзыс пывсян на вöчас мянлы пывсьыны.

Но, ладнö, Кöин сар кывзіс бабалысь, сідз пö и эм, шувö, и тшöктіс вöчны пывсян. Но, Ёльöксей кутчысис вöчны, ваяліс кергь-

яс, тшупис, лэптіс, пывсян лови гөтов, сөмын ломтыны коли. Друг кырныш локтө, лэбзьө, кур, кур пө, Ыльөксея-Божъя, Сучко-Белькод пө куим өдзөс нин петісны, квайт өдзөс пө коли. Лэччыв пө ва дорө да чукөрт валежник, сійөн пө и ломты пывсянтө, мед дырджык ломтыяс. Ыльөксея кывзіс кырнышысь, ва дорысь валежник катліс, ломтіс. Трубась кутіс пуритны-петны съөд тшын, сөмын тшын и эм, а жарыс абу.

Көин и шувө:

— О, тшын нин петө, регыд, сідзкө, Ыльөксея пывсяс, позяс сөйыштны.

Мыйкөдыра мысти өпеть кырныш лэбзьө, кур, кур пө, Ыльөксея-Божъя, Сучко-Белькод пө квайт өдзөс нин петісны, куим нин сөмын коли. Тэ пө ветлы вөрө да сир чаг вөлол, сійөн пө и ломты, мед пө жар ловө, ставыс пө мед калитчас. Ыльөксея ветліс вөрө, вөлаліс сир чаг, ломтіс сир чагійөн.

Мыйкөдыра кад коли, кырныш өпеть лэбзьө. Кур, кур пө, Ыльөксея-Божъя, Сучко-Белькод пө регыд нин петасны, өдзөсөнджынійөн пө толькө коли, дас кык гөлик пө вөч. Но, ладнө, Ыльөксея гөликъяс вөчаліс, бара кад коли. Пывсян гор сир чагнад доналөма нин. Друг видзөдө да, Сучко-Белько локтөны, пызійоны, кывсө өшөдөмась, сэтшөма тэрмасьоны. Локтісны и сейчас пывсян джодж улө пырисны.

Коркө-й Көин видзөдліс да, пывсянысь тшын омөля нин петө. Но, пывсяныд пө тай ваймөма, ловө пө ветлыны да сөйны Ыльөксеяс. Пывсян коджас пырис да, лок нин пө, шувө Ыльөксеялы, тэнад пө пывсьыссис, позьө нин сөйны. Няньыс пө вөд оз волы шыр дорө, а шырыс волө нянь дорас, шувө Ыльөксея, пыр пө ачыд татчө. О, пө, кутшөм повтөм тэ ещө вөлөмыд, шувө Көин, мыйкө пө шувалан ещө, загадкаясөн сөрнитан. Час пө ме тэныд пырала. Көин юр мыччис, пывсянө заводитіс пырны, Сучко-Белько тай кызд уськөдчасны! Кватитісны кык пель вужйөдыс да кутісны пурны, таскайтны сир чаг пиас. Ставсө пурисны, курччалісны, Көин жуялі нин. Ыльөксея сія сэн чепөсйис да, биөн чуткис сир чагъяд. Ой, ой, толькө кутіс валайтны-сотчыны. Сучко-Белько да Ыльөксея өдйөджык петісны пывсянысь, босьтісны гөликъяс, а бисыс помтөг кутісны петны кодзувкотъяс. Сія, эськө, абу кодзувкот, а сія Көин сарыд петө, кодзувкотөн көсйө петны. Но, ная сэн толькө и сывкйөны-чышкөны, ставсө бөр биас шыблалісны. Сэтчи тшөтш чойсө корис, лок пө чышкы, тшөктіс чышкавны. Ставсө чышкалісны, өтиөс эз лэдзны.

Пывсян ваймис, би кусі. Но, сэсся пө и мынім таысь, шувө Ыльөксея. Көин сарлы пө пом. Но, сэсся пө ме ветла өні гуляйтны и көть кор да, вола пө тэла, шувө чойыслы. Отнадтө пө татчө ог коль, петкөда вөлөсьтө. А өні ме вөча тэныд кык пельса. Видзөдлам пө, коді тэныд жальджык, Көин али ме. Сэсся сійө вөчис кык пельса, өти вылас гижис: «Көинлөн», мөд вылас «Ыльөксея-Божъя-лөн», и муніс гортсьыс. Босьтіс эз Сучко-Белькөс, сійө вот ог куж висьтовны, мукөддырйис тай, со, пыр босьтліс-а, өнісө ог төд, съөрас абу.

Муніс, муніс, коркө-й вовис мөд сарство(ө). Сэні йөзыс ставыс шызьөма, ставыс кок йылө сувтөма. Ыльөксея кутіс юасьны, мый кузя пө йөзыс тадзсө шызьөма. Сылы и висьталісны, сарыс пө кулөма татысь, виль сарөс көсйөны пуктыны. Кар тыр чукөртчөма йөз, сэні и озыр, и гөль, и быдсяма эм, став сарствось чукөртөмась,

быдёнлы киас сетёмась сись. Вичко гөгөр кытшовтасны и вовасны вёлтар весьтө, кодлөн сиськыд өзъяс, сия и ловө сар.

Ольоксей, дерт, сэн жө, да сылы тшөтш сетісны сись. Йөз чу-көркөд сійө тшөтш кытшовтіс и вовис вёлтар весьтө. Мыйөн вовис вёлтар весьтө, шпут өзйис Ольоксея-Божъялөн сиськыд. А бокас сылөн гөгөр лөсялісны озыръяс. Налы завидь, аслыныс окота пук-сыны сарө да. Ная, давай, и кусөдісны сылысь сисьтө. Ольоксейлөн паськом киссьөма, омөлик, вөраланінысь локтө. Гашкө пө, тая и корысь да, думайтоны ная, тая пө абу сарпу. Кусөдісны сылысь битө. Йөзыс, эськө, горөдлісны жө, со пө, со, өзйис пө кодлөнкө. Да кусөдом бөрад кысь нин аддзан, көні пө вөлі, кодлөн. Давай пө мөдпөв кытшовтө, мыйла пө кусөдінныд, шуны кутісны йөзыс.

Өпеть кытшовтісны. Мыйөн вовисны вёлтар весьтө, Ольоксея-Божъялөн сиськыд өпеть бара шпут өзйис. Со пө, со, горзөны йөзыс, өзйис пө, со, кодлөнкө. Но, озыръяслы завидь да өпеть кусөдісны битө, бара эз аддзыны, кодлөн өзйыліс.

Но, давай коймөдысь. Сэсся пө коді кусөдас, сійөс веськыда пуксьөдны тюрьма(ө), шувисны гырысьяс. Кытшовтісны коймөдысь, и, дерт, бара Ольоксея-Божъялөн өзйис. Öні сэсся эз кусөд некод, эз лысьтны. Ольоксейөс петкөдісны йөз пөвстысь, сия-й шувө, куимнанысьсө пө эськө менам өзйыліс да эг пө лысьт висьтовнысө, полі пө виөмысь.

Но, Ольоксея-Божъя сэсся лови сар. А важ сарлөн вөлі ныв, Марпида Саревна, зэв мича: яй пырыс лыыс тыдалө, лы пырыс вемыс тыдалө. Сія Ольоксейлы зэв ёна вовис сьолөм вылас и видзө нин гөтырпу пыдди, гөтрасьны көсийө. Но, ладнө. А гөтрасьтөдз пө, шувө Ольоксей, ме ветла чойла, вая пө пир вылө.

Муніс сия, вовис гортас и аддзө: Көинлөн пельсас чукийөн тыр синван, а Ольоксейлөн киссьөма. Ок пө, понйөй, понйөй, а нува жө пө нин пон места(ө), шувө Ольоксей. Сэсся сия босьтіс чойсө и муніс бөр аслас сарство(ө).

Вовис, кораліс Марпида Саревнас, мөдісны свадьбуйтны, пируйтны-столуйтны. Пир-бал сэн вөлі бур, ставыс, дерт, тырмис, сөйны и юны. Пир бөрын сэсся мунісны, водісны. А чойыд сылөн, Поповнад, көнкө сэн жө вөлөма, сійө спальняс. Пөим письыд сия босьтлөма көин пиньтө, Ольоксейлы морөс вылас пуктас, и кулө сия. Некод нинөм оз и төдды. Виль сар пө кулөма, виль сар кулөма, шызясны аскинас став йөзыс. Но, кулөма, кулөма ий эм. Колө дзебны. Виль сарөс нин бөрийны думайтоны. Марпида Саревна пукалө өшинь дорас да зэв ёна бөрдө, шогсьө мужик понда. Вовисны кыськө Сучко да Белько. Мыйла нө пө бөрдан, Марпида Саревна. А кыз нө пө он бөрд, мужикөй пө кулі да. Öні на пө верөссайө муні, виль сар сайө, а сия пө первой войнас и кулі. А кытчө нө пө дзебид, ювалөны Сучко да Белько. Сэтчи пө, индіс, висьталіс Марпида Саревна.

Сучко-Белько котөртісны гу дорө, пондісны зэв өдйө парсавны лапаяснас. Регыдөн и кодийсны, аддзисны, Ольоксея-Божъя куйлө гортйын кулөма. Ная төдөны нин вөлөм да, шурк-шарк разисны морөссө, аддзисны Көин пинь. Нинөм сэсся эз коль Көин пиньсьыд, ставсө курччалісны, дрөбитісны пызьөдз. Ная сэсся томла-ловва вайисны и зыралісны сійөн Ольоксейөс. Ольоксей пондіс вөрөшитчыны, сэсся-й осьтіс синсө.

— Уф,— шувас,— дыр жө узьсьөма.

— Не Сучко-Белькод кө, нэмтө узин,— шувөны понъяс.

Но, ладнӧ. Ӧльӧксе́й чеччис, муни́с гортас. Марпи́да Саревна зэв рад лови, мужик ловзьӧма да. Аски́нас став карыс и став сарствос шызис.

— Выль сар ловзьӧма, выль сар ловзьӧма! Вот тая чудеса,— дивуйтчо́ны йӧз.

А сар гозъялӧн дед эм, по́рысь дед. Ӧльӧксе́йлӧн чойы́д петас дай удтас. Ся по́, выль зяты́д тэнад, ошйы́сьӧ ӧти войӧ́н куим вожа канава ко́дйыны. Ӧтиӧ́д по́ визывтӧ по́жӧм йӧ́в, мо́дӧд — уль ма, коймо́дӧд — вина. Дед ий корас Ӧльӧксе́йӧс. Тэнад по́ тай зэв ыджы́д морттуйяс во́лома, шувӧ сылы, тэ по́ ошйы́сян йӧ́злы ӧти войӧ́н ко́дйыны куим вожа канава: ӧтиӧ́д визывтӧ по́жӧм йӧ́в, мо́дӧд — уль ма, коймо́дӧд — вина. Мед по́ во́лі во́чома аски́с кежлӧ сэтшӧ́мсӧ.

Но, ладнӧ. Ӧльӧксе́й локти́с гортӧ, зэв кру́чиныӧн-печа́льӧн пукало́. Марпи́да Саревна и юва́лӧ, мый нӧ по́ сідз шогся́н-пукалан. А кыз нӧ по́ ог шогсы́, вот ӧти войӧ́н по́ деды́д тшӧ́кти́с ко́дйыны куим вожа канава и мед по́ ӧти вожа́д визывтӧ по́жӧм йӧ́в, мо́дӧд — уль ма, коймо́дӧд — вина. Абу ко́ по́ важ шогы́н, эн шогсы́, шувас сылы Марпи́да Саревна, вод по́ да узы́. Рыт вовас, Марпи́да Саревна чуко́стас ассы́с эньки́-мамки́ӧс, и сылӧ́н ӧти войӧ́н ставы́с ловӧ го́тов.

Аски́нас чеччисны́ йӧ́з, видзо́доны, зэв ыджы́д куим вожа канава артмо́ма. Ӧти вожа́д визывтӧ по́жӧм йӧ́в, мо́дӧд — уль ма, коймо́дӧд — вина. Чой и шувӧ, аттӧ по́ дивӧ, эг по́ вермы́ йӧ́ртны, збы́ль во́чома. Сэ́сся ся́ мо́д рытын му́нас да ӧпеть удтас. Выль зяты́д по́, шувӧ, ошйы́сьӧ ӧти войӧ́н куим суда ка́меннӧй вичко́ во́чны, попӧ́н, и дяко́н, и звӧ́нӧн.

Дед и корис зяты́ӧс:

— Но, тэ, выль зять, ошйы́сян да вывти́сӧ эн ошйы́сь. А мед водзо́вылӧ велалан и он кут ошйы́сьны, вот тэны́д удж: аски́с кежлӧ мед во́лі во́чома куим суда ка́меннӧй вичко́, и мед во́лі сэ́ні поп и, дя́к и, звӧ́н и, ссы́лоны мед.

Ӧльӧксе́й вовис гортӧ, зэв кру́чиныӧн-печа́льӧн пукало́. Марпи́да Саревна и юва́лӧ, мыйы́сь нӧ по́ сідз шогся́н, Ӧльӧксе́й. А кыз нӧ по́ он шогсы́, вот ӧти войӧ́н по́ деды́д тшӧ́кти́с во́чны куим суда ка́меннӧй вичко́ и мед по́ во́лі поп и дя́к, и ссы́лоны по́ мед. Абу ко́ по́ важ шогы́н, эн шогсы́, шувас сылы Марпи́да Саревна, вод по́ да узы́.

Но, ладнӧ. Ӧльӧксе́й му́нас, водас. Рыт вовас, Марпи́да Саревна петас кильчо́ вы́лӧ, чуко́стас ассы́с эньки́-мамки́ӧс. И ӧти войӧ́н найӧ во́часны куим суда, зэв гажа ка́меннӧй вичко́. Поп, и дя́к, и бы́дтор эм, то́лькӧ оз на сывны́, оз звӧ́нитны, водз на. Югдо́ нисы́, оз нисы́ по́рас, Марпи́да Саревна и са́дьмо́ди́с Ӧльӧксе́йӧс, сеті́с кы́зь вит пудъя́ мо́лӧт, шувӧ Ӧльӧксе́йлы: тэ по́ му́нан да вичко́ дорас асы́в-лун пельӧ́сас сувт. Сэ́ті по́ кутас кы́пӧдчыны́ мусы́с тая деды́с на ва́жджы́к дед. Выль зяты́лысь по́ кы́пӧдтуйсӧ видла, ся́ по́ кутас шуны́, а тэ по́ эн лэдз, малы́штас ко́ по́ ся́ вичкотӧ, пусь-пась жу́галас, нинӧ́м оз ко́ль. А мыйӧ́н по́ ся́ кы́пӧдчыны́ кутас, плешас по́ и кучкы́ тая мо́лӧтна́д. Куимы́сь по́ кы́пӧдчы́лас, и куимы́сь по́ кучкы́, сэ́сся по́ шыбы́т мо́лӧттӧ дай лок гортӧ.

Ӧльӧксе́й бо́сьти́с кы́зь вит пудъя́ мо́лӧт и му́ни́с, сувти́с вичко́ доро́ асы́в-лун пельӧ́сӧ. Корко́-й сы́рк-сы́рк му́ни́, муы́с потны́ куті́с, кы́пӧдчӧ да. Выль зяты́лысь по́ кы́пӧдтуйсӧ видла, шувӧ кы́пӧдчы́сьд. Ӧльӧксе́й, зонмо́, эз повзы́ да плешас мо́лӧтна́д кол-

скис-кучкис. О, тан пö тай номъяс лэбалöны, курччасьöны, шувис дед, сэсся вöйтчыштліс и öпеть кыпöдчыны пондіс. Выль зятълысь пö киподтуйсö ловö виддыны, шувö. Öльöксея-Божъя öпеть вачкис мöлөтөн ещö ёнджыка. А дед и шувö, о, тан пö ещö гутъяс на эмöсь. И öпеть вöйтчыліс. Но, сія пö тай менö смекайтö, зонмö, шувö Öльöксея-Божъя, часлы, петалан пö ещö. Мыйöн сійö шувис, öпеть кутіс кыпöдчыны дед, чургöдіс плешсö. Öльöксея-Божъя лöсьöдчöма нин, чеччышталöмөн косъыштіс-кучкис. О, тан пö тай и лöдзьяс на вöлөмась, бара шувас дед. Сымда и мöрччö сылы, кызъ вит пудъя мöлөтөн кучкöмьд лöдз курччöм кодь. Вот вöлөмась йöзыс! Но, сія пырис сэсся, вöйтчис и эз нин петов. Öльöксея-Божъя мöлөт шыбытіс и муніс гортас.

Вовис асыв, йöз чеччисны, вичко эм. Выль вичко сулалö, сэтшöм гажа, мича вичко. Клёнгыны кутіс звöнитны, поп-дяк, певчейяс сьылöны, ставыс как шледует быть. Аттö пö дивö, эг вермы изведитны, шувö Öльöксеялөн чой. И öпеть муніс дед дорö, тшöктö чукöртны бал, мед бал вылын изведитны сар гозъяс.

Аски вöчöны бал, корöны сар гозъяс гöститны. Марпида Саревна и шувö, миянöс пö гöститны корöны, а тöлк мунны абу, миянöс пö изведитны кöсйöны, вай пö пышъям татысь. А вай пö и эм, шувö Öльöксея. Ная куим дуль тöлькö сьöлыштісны, быдлаті игналісны и войшöр гөгöр пышійсны. Эмбур-добра ставсö колисны, босътісны сьöраныс сöмын ичöтик куд, кулак ыжда кымын.

Но, ладнö. Аскинас дед чукöртіс бал. Ыстö корны гöстьясöс. — Мун,— шувö салдатлы,— ветлы да кор сар гозъятö.

Салдат муніс сар ордö, гөгöр игана. Салдат таркнитіс, бал вылö пö корисны. Öти дуль и öтветшайтö, а ми пö ещö узям на, чеччам дай локтам. Салдат муніс бөр, висьталö дедлы, узьöны на пö вöлі, кöсйисны чеччыны и локны.

Виччысисны, виччысисны сар гозъяс, век оз локны. Дед и öпеть ыстö салдатöс, регыдджык пö мед локтасны, виччысям пö. Салдат и öпеть муніс, таркöдчö да чуксасьö, локтö нин пö, виччысьöны тиянöс. А мöд дуль и öтветшайтö, а вот пö мöсьяс лысьтыштам да мый да и локтам. Салдат муніс, висьталö дедлы, чеччöмась нин пö эськö, да мöсьяс лысьтöны.

Öпеть виччысисны, виччысисны сар гозъя век абуöсь. Дед и скöрмис нин, мый пö та дыра оз локны. Ветлы пö ещö, шувö салдатлы, да мед пырысь-пыр локтасны. Коймöд раз салдат муніс, локтö пö нин, дедыд пö корис пырысь-пыр. А коймöд дуль и öтветшайтö, джодж пö вот чышкам самöй, чышкыяс пö джодж, пасьтасям и локтам. Салдат муніс, висьталö дедлы, джодж пö нин чышкöны, мыйöн пö чышкыяс, пасьтасям пö и локтам.

Öпеть время колис, эз локны гöстьяс. Öдвакö пö абу изьмена тайö, думайтö дед. Сэсся-й корис салдатъясöс, дас кымынöс, гашкö, мунö пö да силан вайöдöй сар гозъяс. Асьныс кö пö эз локны, ми пö и вайöдам на. Салдатъяс мунісны, таркöдчисны, чуксасисны, некод оз шывась. А коді нö и шывасяс. Куим дуль öтветшайтісны, öтветшайтысь абу сэсся некод. Но салдатъяслы тшöктöма вайöдны силан, ная давай и жугöдчыны. Жугöдісны öдзöстö, пырисны, керкан абу некод. Но и пышйöмась, абуöсь. Салдатъяс давай бөр, висьталöны дедлы, сідз пö и сідз, некод эз шывась, ми пырим, сар гозъя гортас абуöсь.

— Ак-ма,— шувö дед,— ная тай изьменитöмась меным, пышйöмась.

Зэв ёна скормис, кысь пö аддзад, сэсь пö и виой, шувö дед, ыстö сё салдатöс вöтчыны. Сувöдöй пö и виой.

Но, ладнö. А Марпида Саревна да Öльöксея-Божъя пыр мунöны водзö, ылö нин мунöмась. Мунисны, мунисны ещö, Марпида Саревна ий шувö, кытчö пö, Öльöксея, воштысям, дедыд пö миян бöрся сё салдатöс ыстöма, сувасны кö, вясны. Ог пö тöд, шувö Öльöксея. Саревнад сэсья пыркнитис Öльöксеяöс и зэв пöрысь часовня лови, зэв пöлöс, муртса оз пöр. Сэсья ачыс пыркнитчис да поп лови, пондис служитны часовнян. Олыштисны, олыштисны, да коркö и сё салдат локтöны, сэтшöм, сэтшöм мортъясöс пö эн аддзылö, юалöны поплысь. Эг пö, шувö сия. Но, ладнö, таті кö пö эз мунны, и миянлы нинöмла водзö мунны, шувöны салдатъяс. Сэсья и бергöдчисны бöр. Вовисны дед дорö, дедлы и висьталöны, вöтчылім пö эськö да эг аддзылöй, только зэв пöрысь часовня вöлі сулалö туй дорас.

— Ак-ма,— шувас дед,— мыйла нö эн дрöбитö кусью. Тая вöд ная и вöліны.

Сия кöлдун кодъ, тöдö, видзöд, сар гозъяд пö пöрчисны сійö. Сейчас ыстис кыксё салдатöс жугöдны, дрöбитны часовняс. Но, ладнö. Салдатъяслы быть мун. Мунисны, мунисны ная да, дерт, сия часовнятö эз аддзыны, абу да. Ная, сар гозъяд, важöн нин бöр пыркнитчылісны и мунисны водзö. А салдатъяс водзö жö мунöны, пыр водзысь на виччысьöны часовнятö. Марпида Саревна и шувö, Öльöксея-Божъя пö, кыксё салдат пö дедыд миян бöрся ыстöма, кытчö пö воштысям. Ог пö тöд, шувö Öльöксея. Но, Саревна сия Öльöксеяöс пыркнитис, кызд лови, ачыс пыркнитчис да тар лови. Тар лэбзис, пуксис кызд йылö и пондис кокавны, сёйны гарсö. Коркö-й локтöны кыксё салдат. Ная ювалöны тарлысь:

— Тарö, тарö, сэтшöм, сэтшöм мортъясöс эн аддзыв, эз мунны таті?

Тар шувö, кур, кур пö. А мый пö тайö кужас висьтовны, шувöны салдатъяс, вайö пö бöр бергöдчамö, ог жö нин аддзö-а. Но сэсья ная и бергöдчисны. Дед и ювалö, аддзид энö пö кодöскö? Эгö пö, шувöны сылы, нинöм пö эг аддзылöй, а только пö кызд вöлі сулалö туй дорас и тар пукалö кызд йылын. Ак-ма, сия пö вöд и вöлі, шувö дед, мунö пö регыджык дрöбитö сійö и тарсö виой.

Салдатъяс öпеть мунисны, куимсёöс нин дедыд ыстис. Кызд сия, тöдöмысь, абу. Ная важöн нин пыркнитчылісны и мунисны водзö, код тöдас кöнöсь нин. А салдатъяс, пыр водзысь виччысьöны да, мунöны и мунöны жö.

Марпида Саревна и öпеть шувö мужиклы, куимсё салдат пö нин вöтчöны, куимсёöс пö дедыд ыстöма, кытчи пö миянлы воштысьны. Ме пö ог тöд, шувö Öльöксея. А гөгöр чистой луг, ни öтик пу, ни öти бадь абу, но нинöмысь нинöмтор абу. Вот и дзёбсьы сэн! А Марпида Саревна пыркнитис Öльöксеяöс, пыркнитчис ачыс, кык кызд пу ньöр лови, кык леторос, зэв сэтшöм мичаöсь, веськыдöсь. Салдатъяс вовисны, пондисны любуйтчыны:

— О, мичаöсь жö, сись кодöсь, веськыдöсь.

Кодкö и заводитліс эськö чегны да, öти шувö:

— Эн вöрзьöд!

Мöд шувö:

— Эн вöрзьöд, сэтшöм мича тая.

Сэсья эз и вöрзьöдны, мунисны бöр. Вовисны, дед öпеть ювалö:

— Но, мыйкö аддзинныд эн?

Эгö пö, шувöны салдатъяс, толькö пö кык леторос лут вылысь аддзылім. Ак-ма, сія пö вöд и вöліны ная, шувö дед, тіянлы пö колі чегъявны да керовны найö. Сэсся-й шувö, ловö пö аслым ветлыны, тіян помысь пö тай нинöм лови, час пö ме ачым вöтчыла, меысь пö, надейнö, оз пышйыны. Петіс ачыс, пондіс вöтчыны сар гозъя бöрся.

Марпида Саревна и шувö мужикыслы: вот пö, Öльöксея-Божъя, дедыд пö ачыс петöма миян бöрся вöтчыны. Вот пö ми сыысь пышйыны ог вермöй, сія пö сувöдас и тöдас, көть мыйö пöрччысь. А самöй ю дорö вовисны, зэв сэтшöм паськыд, мича ю. Саревна и пондіс шуны, ми пö пöрччысям уткаясö да вуджам мöдарас, сылы киас ог сюрöдчöй. Но сія пö тöдас миянöс и ёрас миянöс. Тэд пö сія ёрöм оз имит, тэ пö мöд рöдысь, пыркнитчан пö, бöр лован морт. А ме пö ог ло. Тэ пö, сэсся, мун гортад и виччысь менö, ме пö локта куим во да куим лун бöрын. Но ладнö. Сэсся ная уткаясö пöрччисны, и уткаяс жбыр лэбзисны. Удитісны ли эз на мöдарöдз воны, пуксьыны ва вылö, дед вовис ю дорö. Ак пö, кужинныд вöчны, меысь пö эськö ті эн пышйöй. Но, будь пö тіянлы куим во да куим лун уткан лэбавны, ёрис дед. А уткаяс вартчисны дай берегö петісны, мöдарас. Берегö петісны, öти уткаыд пыркнитчис да морт лови, Öльöксея, а мöдыд эз. Сія уткан коли, ёрöмыд имитöма да. Сія и жбыр лэбзис Öльöксея дінысь и воши кытчикö, морт дінад тай уткад дыр оз ов, полö сія. Дерт, шувам, позис эськö Öльöксеялы босьтны и нуны гортас, мед эз лыйны ли мый ли окотникъяс, да эз путьмы сія. Но, Öльöксея-Божъя коли öтнас. Шогсис, шогсис, жалитіс гöтырöс и мöдöдчис гортö, бать-мам ордö. Гортö мунны пондіс, нюр вовис, зэв сэтшöм ыджыд, паськыд. Сія и пуксис колода вылö шойччыны. Шойччыны пуксис и думайтö. Аттö пö дивö, мый ыжда пö вöлі овмöс, мыйда эмбур, көлуй и деньга, да нинöм пö эг босьтöй, ставсö пö эновтім, а этъя куд пö босьтім. А мый пö и эм тані, кулак ыждад, час пö ловö видлыны, шувö сія, көсйö восьтыны кудсö. Кудтö восьтис, а сэтысь сарство лови. Нюр воши кытчикö, а нюр местан ловины керкаяс, вичкояс, но быдторйыс, сарство сарство и эм. Ачыс пызан сайын пукалö, а пызан вылын мыйыс абу, и сёян и юван быд-пöлöсёй, но мый колö, мый кужан думыштны. Сёйис-ювис Öльöксея, сэсся и мунны колö, öтнас вöд, гажтöм, а кольны сарство жаль.

— Мыйла,— шувас,— ме восьті тайöс-а. Эз ков,— шувö,— восьтны менам.

А кыдзи бöр тöрöдны кудйö, сія оз куж. Гашкö, оліс сэні лун вит ли квайт, кольны сарство жаль и мунны колö.

— Аттö,— шувас,— дивö, оз сёйссы ни оз узьссы, мый кута керны?

Пызан дорас лэдзчисис дай унмовсис сэсся. Марпида Саревнаыд сылы уськөдчас вöтөн, по местам пö таркөд куд вевтö, сарствоыд пö пырас бöр. Öльöксея садьмис, вöт али вемöс пö бара тайö. А час жö пö видла сётаки. Сэсся таркөдны кутас куд вевтад, сарство бöр ставыс пырас кудйö, и бöр нюр ловö. Ой, ой, öдйö нин сэтысь сія муніс, кудтö босьтис да.

Муніс, муніс, висьтовны, дерт, регыд, а мунны дыр тырмис, коркö и вовис аслас вöлөсьтö, поп оланінö. Вовис гортö и пондіс овны гортын, Марпида Саревнас виччысьны. Оліс, оліс во дай мöдöс дай коймöдöс. Сэсся-й куим во дай куим лун тыри, а Марпида Саревна век абу. Тайö пö кодкö лыйис пищальöн уткатö,

думайтö Ёльöксей. Ловъя кö пö вöлі, сія локтіс. И думайтіс гёт-расьны сія, корасис вöлöсьтысь и быдтор.

А Марпида Саревна толькö на воис вöлöсьтö, дыр тырмис корсьны Ёльöксейтö. Сія прöскурня ордö сувтіс и ытіс кык детинкас, асьыс челядсьö, Ёльöксея-Божъя ордö. Найö сія вайöма здвöйнион, зэв мича челядь, квайт арöса койдöсь, асьныс эськö куим арöсась на да. Пырисны Ёльöксея-Божъя керка(ö). А сэнi самöй пируйтöны, керка тырыс гöсьт да гöстя. Ёльöксея-Божъя самöй гётрасьö. Шойчö пö, шувö Ёльöксея-Божъя, кысь пö ті войтырыс? А ми пö асьным огö тöдö, шувöны челядь. А он-ö пö жалайтö кывзыны сказка, ми пö мойдны кужам. Мойдö пö, шувö Ёльöксей. Ная и кутісны мойдны, ставсö мойдісны, мый ме öні мойді, Ёльöксей кывзіс, кывзіс и думайтö, аттö пö дивö, тайö тай нö мян йылысь мойдісны. И ювалö сэсся, көн пö ті олад. Вичко нянь пöжалысь ордын пö олам, прöскурнятö ная шувисны сідзи. Пырысь-пыр накöд и муніс Ёльöксей прöскурня ордö, эновтіс пируйтысьясöс и невестасö. Пырис прöскурня ордö, зэв нин пö-рысь да мисьтöм нывбаба пукалö. Тэ пö абу жö Марпида Саревна, шувö Ёльöксей. Ме пö, шувö старука, быдтысьöмнад пö тай пöрысьман öдйö. Ог пö верит, шувас и петас, мунны пондас. А öшиньöд и мыччысьлас, видзöдлас зэв мича, важкодъыс на том Марпида Саревна. Ёльöксея-Божъя öдйöджык бөр бергöдчас и пырас керка(ö). Паччөр дорын öпеть пукалö пöрысь. Вай пö эн ылöдды менö, шувö Ёльöксей, висьтась нин. А висьтаси пö тай, со, пукала, аддзан ачид. Ёльöксей-Божъя бара пондылас мунны и сідзи куим раз бөр бергöдчас.

Коймöдысь пырас да Марпида Саревна абу нин пöрысь, важкодъ мича пукалö. Сія томман лекарствотö сёйыштіс и, дерт, важкодъ мича лови. Но, ладнö. Ёльöксея-Божъя сэсся асьыс невестасö бөр здолойтіс, Марпида Саревнас челядънас босьтіс гортас. Сэтчö жö, поле вылö, керкаяс дорас паськөдіс кудйысь сарство, ыджыд да мичас. Сія сарствон сэсся и кутісны сарствуйтны, овны. Зэв бура олöны, сёян-юван оз бырлы, быдтор эм, но, колөкö-й, и талун на олöны-вылöны.

Дöва пи, господин Иван Барапанчиков

Вот, значит, дöва пи вöлі, Иван Буслан, зээ немудреннöй, йöй нисьö прöсуж быдмö. Да. Пыр паччöрын куйлö, лувасьö сёй пиас.

Коркö-й дас вит ли дас квайт арöс сылы лови. Ыджыд нин, а нимөн оз кер, дажö оз агсась, оз гөр, кöть и позьö нин. Мый сэсся йöйыдлысь босьтан, нимöна нимөн ий эм, некутшöм пöльза мамы, дажö пес оз пырт. Да. Мам эськöй горзылас жö:

— Дыш дявöл, мый нö куйлан, мый нö нимөн он кер, мый нö кöть пессö он пырт?

Да мый босьтан Иванлысь:

— Мем дыш. Ме ог вермы,— шувас дай став.

Либö ещö вомалас. Ён нин да оз поо мамсьыс. Да.

— Адöй, адöй!— дявгö да страститчö мам.— Кыськö тай лован лешак мортыд, мый нö тэысь, сöмын сёян менö, дыш лешак!

●
Отчыд зээ жар лун ловис, зээ номйось, зээ лөддзось. Иван ий шувё мамлы:

— Мамё, ме тавун гөрны кая.

— Чөө, йой дявёл,— шувё мам,— коді нё татшөм жар лунё гөрлө, мый ловин, мый думыштін, йойой, вөөтө вины ли мый көсьян?

— Кая,— век ассъыс висьтолё Иван,— тавун кө ог кай гөрны, сэсся-й некор, нэм ог кай.

Да. Мам эськө-й оз лэдз да кызкө силком муніс, босьтіс вөө, доддясис кое-как, вовис му вылё. Удитіс ли эз ли гөрыштны, сатшкывны коть гөрсө муас, видзөдө да — съод пуксьома вөө вылё лөдз да ном да геб.

— Аттө дивё,— шувё Иван,— вөө сідз нин омоль, куш лыыс, а тайяс ещө на вильөдөны.

Босьтіс дөра пласт да лосьөдчө номъясөс вөтлооны. Мый нё сэсся, йойыдлы сія удж нин гөрөм дорсьыд. Да. Макнитіс дөра пластөн, кучкис, видзөдліс — зээ уна усьома ставпөлөсыс. Давай сія и лыддыны. Сизимдас вит штука лөдз лыддис, а гебсө да номсө и лыддыны эз вермы, тшөтыс абу. Иван и думайтны кутіс:

«Мый нё тая, эта мында лоо өти макөн верма босьтны, сы мында жизньё кончитны, а менё гөрны тшөктөны. Ме тая абу прөстой морт, а менам багатыр вөөсьома. Ещө и гөрны ыстөны! Ме абу гөрысь, а воюйтысь!»

Шурк-шарк зээ өдйө лэдзалис вөөсө, чужйис көбылалы:

— Мун, лэччы гортад! Тэ абу гөрысь вөө, тэ багатырскөй.

Да. Көбыла эськө муртса эз усь кок йыысьыс, сэтшөм омоль, өдва лолыс, да мый нё йойыдлы, тэ пö багатырскөй, шувё. Ставсө колис, эноотіс му вылё, вовис горто:

— Но, мамё, тэ менё век гөрны ыстан, а ме абу гөрысь, менам вөөсьома зээ ён багатыр, могучөй багатыр.

— Мун, йой дявёл, мый нё нин вовис йой юрад, кутшөм могучөй, пестө кө пыртны он вермы.

— Прөстө ог шу, мам, сідз эн думайт, ме өти макөн сизимдас вит багатырөс вии, а поснисө и лыддыныс эг вермы, тшөтыс абу. Эн шу, мам, сідз, ме абу гөрысь и абу пес пыртлысь, а ме воюйтысь. Вай, мамё, сарапантө зіля, тавун жө муна, пета туйё.

— Кляп тэныд вомад!— горзө мам.— Сарапанъяс коомисны, тэ абу баба, абу сарапан ноолысь, йой!

— Вай, вай, мам, зіля пөрччы!— топөдіс Иван мамөс.

Добитчис сётаки, мырддис сарапантө, кыськө батыслысь кыс-кис коса шой, сылы путляр лосьөдіс и өшөдіс бокас, быттё сабля лови. Да.

— Тэ, гашкө, и вөөтө нуван да?— поозис мам збыльысь нин.

— А кыз нё!— шувё Иван.— Багатыръяс вөөтөг оз ветлыны. Көбылаыд миян абу прөстой вөө, багатырскөй.

Мам эськө-й заводитліс жө кутны да, кысь кутан, Иван мам дорысь ёнджык нин. Домалис көбылаөс, пуксис вылас и рөдтіс кытчөкө, код төдас кытчө. Мам коли сулалан, дявгө да сөткө, мый, шувё, вөчан йойыдкөд. Да.

Муніс, муніс Иван, вовис куим туй веж. Сэні пу сулалө, пожөм. Иван лөсалис путө, выльдис, гогналис дай гижис сэтчө:

«Тайё туйөд муніс господин Иван Сарапанчиков, могучөй багатыр. Öти макөн виö сизимдас вит багатырөс, а посниыслысь лыдсө оз төд, без числө. Колөкө, вөтчө, колөкө, энө».

Да. Шойччыштіс, сэсся и муніс туй кузя водзө. Верст-мөд сія

муніс ли эз, сія пу дінад вовисны куим багатыр, настоящей багатыръяс — Илья Муромеч, Ёльошка Попович да Сам Самплеменник.

Да. Вовоны кысянькё, ветлёмаось странствуйтны ли мый ли. Туй жожад да, ная пуксисны шойччыштны, куритчыны тадз. Друг аддзёны гижёд:

«Господин Иван Сарапанчиков ёти макён виё сизимдас вит багатырёс, а посниыслысь лыдсё оз тёд, без числё».

Лыддисны и видзёдлісны мёда-мёд выланыс, поозисны прамёя. Илья Муромеч, кыз самёй старшёй на пиын, кутіс ювасыны:

— Тэ, Ёльошка Попович, татшём багатырсё тёдлін?

— Эг,— шувё Ёльошка Попович.

— Эг,— шувё Сам Самплеменник.

— И ме эг,— шувё Илья Муромеч.

Да. Сэсся бара ювалё:

— А тэ,— шувё,— Ёльошка Попович, та мыдасё ёти макён вины верман?

— Ог,— шувё Ёльошка Попович.

— Ог,— шувё Сам Самплеменник.

— И ме ог,— шувё Илья Муромеч. Да.— А мый,— шувё,— такёд кё ми паныдасям знакомитчытёг? Мый, братъяс, сэк ловё? Сія вёд миянёс виялас без труда.

Но, куунытё некодлы абу окота, некодлы абу колана смертыд.

Илья Муромеч и пондіс шуны:

— Тая коомас узнайтны, знакомитчыны, да сёгласитчас кё, босьтны сійё старшёй брат пыдди, подчинитчыны и тем подобное. Тая коомас сувёдлыны миян, мед бёрын лёк оз ло.

Да. Багатыръяс сёлісны вёяс вылё и мёдісны сувёдны Иван Сарапанчиковёс.

А сія пыр перед зунялё-мунё; коса шуй ёшёдёма бокас, вылас мамлён сарапан шыбытыштёма. Вёлыд омёлик да ылёсё, дерт, эз на и удит мунны, друг кылё мышсьыс зээ ыджыд шум — тайё багатыръяс локтёны, вёёяслён кокшыыс.

«Мый тайё, што такое тая шум?»— думайтё Иван и бергёд-чигмозыс лег-лег керис чуньнас.

Багатыръяс сэки ёкурат мыччысисны тыдалан выйён.

— Со, со,— шувёны,— со тай, да, оз-ё грёзит сія миянлы? Мыйкё тай нё легнитіс чуньнас? Кыз эськё подойдитны, мед эськё стразу эз уськёдчы?

Да. А Иван сія эз на и суут, пыр водзё мунё. Илья Муромеч сэсся-й крабритчис дай подойдитіс, ювалё сэтшём тикёй гёлёсён:

— Тэ ли лован господин Иван Сарапанчиковыс, тэ ли лован?

— Мый ме да!— лёкпырысь шувис Иван.— Мый ме да!

Йёйыдлён да, деревенскёйыдлён да, сёрниыс сэтшём и эм, оз прамёй морт моз сёрнит, горзё:

— Бурысь али лёкысь ті? Бурысь али лёкысь?

— Тэ лован господин Иван Сарапанчиковыс?— бара шувё Илья Муромеч.— Тэ кё сія лован, ми вот локтім подчинитчыны, тэныд младшёй братъяс пыдди ловам, служитны пондам бура, биё кётъ ваё тэ бёрся мунам.

— Ме, ме, ме!— шувё Иван.— А, локтід? Но, локтёй, ловад меным младшёй братъясён, кутад подчиняйтчыны, слушайтчыны, вётчёй ме бёрся.

Да. Илья Муромеч муніс багатыръяс дорё:

— Уф, ёна,— шувё,— и пёсялі, поози да. Аттё, кутшём скёр!

Ёна жё ён, тыдалё, сія, сідз кё нин микёд сёрнитё?! Вёд видзёд-нысё прёстой морт койд и эм, омёлик быттьё, а паськёмыс — яндзим шуны, сырилетки ставыс. Но, ён, тыдалё, грозной, ладнё, знакомитчёма коть лови, ёні олам на! Да.

Мунісны, мунісны ная и коркё вовисны Деветисарство граньё. Иван ий шувё багатыръяслы:

— Но, вокъяс,— шувё,— вокён кё шусид, ме сідзи и кута тіянёс шуны. Татчё,— шувас,— бивак вёчамё. Да. Ме,— шувас,— зээ мудз, важён нин эг шойчыл и ме тані кута шойччыны. Ме, шувё,— вода да куим сутки ог чечыл, куим сутки продолжайтчё узьёмой, и ті,— шувё,— менё эн беспокоитё. Паськёдё асьныд шатертъястё.

Иван, сэсся, паськёдіс мамлысь сарапансё, лёсьёдіс вон койдёс и пырис сы улё. Багатыръяс сёмын видзёдісны ёта-мёд выланьс. Ная эськё и асьныс суткиён узьёны, а Иван сётаки кужис, сунейитіс шуны, куим сутки пё.

— Вот,— шувёны ас костаныс,— тая и багатыр, вот тая и узьём. А видзёднысё вёд прёстой морт койд и эм!

Да. Дивуйтчёны багатыръяс, а Иванлы нё мый, сія мортыд дышкойд да, куим суткиыд сылы абу на и уна, сія коть дырджык на куйлас, кынёмыс кё оз кут суюмооны.

Да. Багатыръяс сэсся тожё асьыныс шатертъяс паськёдалісны, вёёяс лэдзалисны йирсьыны, лёсьёдчёны водалны жё. А найотё, ветлём йёзыд да, тёдёны нин, кытчё мый суутісны. Пондісны тёлкуйтны. Да.

— Кыдз нё мый? Ми вёд Деветиграньё вовим, тані сарыс скёр, без ничево кё водам, сія ыстас войскатё да миянёс узигкоста и кераласны. Кыдз нё мый, старшой братыдлысь вот эг ювалё, а сылысь юалтёг оз жё позь дай. Вай тэ,— шувёны Илья Муромечлы,— кыдз старшойджык миян пиын, ветлы да юоо.

Илья Муромеч муніс політырйи, Иван вёд эз тшөкты беспокоитны. Вовис и ньёжйёник ювалё:

— Господин Сарапанчиков, господин Сарапанчиков, ми вёд Деветиграньё суутім да часёвойтёгыд ог лысьтё воднытё, кыдз мый прикажитан?— Да.

— А ме, буракё, часёвойё ог кут суутны тіянлы,— горёдіс Иван сарапан уусянь.— Асьныд куим вок посменнё сулалё! Ме, буракё, узьтёг ог кут ооны!

Илья Муромеч өдйөджык сэсь бөр, висьтолё, зээ пё скёр, аслыным посменнё тшөктіс сулооны.

Коркё-й коли сутки ли мёд. А граньтё, дерт, пуста оз видзны, ёні тай со видзёны, сэки сэтшём жё вёлёма.

Деветисарствоса сарлы кыысьёма, нель багатыр пё локтёмаёсь, без просу оомөдчөмаёсь сія му вылын. Зээ ыджыд войска ыстас налы паныд, локтёны нин, матыстчёны багатыръяс дінё. Тыдоотчисны да, веськыд сьөд, войска локтё без числө.

А Иван век на узьё, эз на петоо аслас шатертысь. Часёвой Олёшка Попович самёй лёсялёма, кыкысь кыным эськё-й воліс жё садьмөдны да оз лысьт, бөр мунё. Советуйтчисны да бара ыстісны Илья Муромечёс. Сэтшём случай кё, ловё и беспокоитны, садьмөдны, нинём он кер, аддзан вёд, мыйда локтё войскаыс, шувёны Илья Муромечлы, вай тэ ветлы пё, юоо.

— Вот, господин Сарапанчиков, — шувё Илья Муромеч,— ыджыд вок тэ миян лыддысян, миянлы паныд войска локтё без числө. Мый тшөктан керны?— Да.

— Ме, буракö, öти войска вылад ог кут петны,— шувö Иван.— Сэтшöм пустякъяс вöсна нимöнла на и беспокоитныс вöли. Петöй да асьныд виалöй, колöкö öтиöс кольö жö посол вылö-а.

Илья Муромеч муніс да висьталö багатыръяслы:

— Аттö,— шувас,— аттö, но и ён жö, тыдалö, öти войска вылад пö ме ог на кут петны, нинöм на пö беспокоитны менö сэтшöм пустякъяс вöсна. Кыз нö мый, братъяс, справитчам ог асьным?

Да. Но, сэн справитчан ли, он ли, петны быть, Иван прикажитіс. Да. Багатыръяс пуксисны вöбяс вылö, став войскатö шырисны, кералісны, кыз вот турин ытшкан. Кольöдісны öтиöс посол вылö, Илья Муромеч тшöктіс передайтны сарлы, вот пö мун пö да висьтоо сарыды, мый адзылін, а старшöй брат пö мян ещö эз на петоо. Сылы паныд пö некутшöм вын оз сулоо, сідз пö и висьтоо, и мед пö водзö рöскод оз вöч йöзөн, а бур кö колö, мед пö петас стречайтны няньön да солөн.

Но, посолöс лэдзисны сэсся, мед мунас да висьтолас сарлы.

А Деветиграньса сар, мыйön кылліс войска виöмтö, зэз ёна скöрмис. Сылөн вöли Полкан-полубес, аслас телокранитель и став Деветисарствосö кутысьыс, öти джынйыс вöö, мöд джынйыс морт, ачыс комын сажень кузя, му вылас и свет вылас некод на абу вöлöма ськöд водзасьысь, сэтшöм ён. Сар лэдзас сійöс багатыръясыды паныд, öнi пö надейнö оз пышйыны, адзасны, мый корсисны, мед кöть и нельön.

— Бук, бук! Зім, зім!— муыс вөрö, локтö да, гашкö, сё верс сайö кылö.

Кылісны и багатыръяс. Наятö, ветлöм-мунöм йöзыд да, грамотнöйöсь да, тöдöны вöли: Деветиграньса саритсалөн эм Полкан-полубес, некодön вермытöм чудищö, багатыр. Кылісны кокшытö и зэз ёна поозисны. Тая, дерт нин, сiя локтö, ставлы смерт. Илья Муромеч зэз öдйö котöртіс, пырис Иван дорö.

— Господин Сарапанчиков, господин Сарапанчиков, Полкан-полубес, тыдалö, локтö, медьён багатырсö саритсаыд лэдзöма, некод ськöд оз вермы водзасьыны, по писанию гижöма. Мый нö кутам керны, он-ö ачыд петоо?

— Да, прикодитчас, буракö, меным петны,— зэз тяжолöй дыканиеön здыкнитіс Иван.— Да, аслым ловас петны сідзкö.

— А мый тшöктан мянлы,— шувö Илья Муромеч,— сійö вöд зэз ён да, помошыд оз ло лишнöй. Он-ö босьт мяннös аскöды, мыйкö, гашкö, отсыштам?— Да.

— Ог, оз коо,— шувö Иван,— ті сöмын мешайтчыны кутад, тiянысь нимөн, ме öтнам пета.

Да. Илья Муромеч вовис багатыръяс дінö, дивуйтчö:

— А, господи помилуй, господи помилуй, эз и босьт мяннös, ті пö мешайтчыны кутад, öтнам пö справитча.

Но, багатыръяс дивуйтчöны жö, но и сила пö, тайкö пö вöд эг прöступитö, паськöм вылад кö видзöдны. Тая пö, тыдалö, абу омöль, паськöмыс кöть омöль-а.

Да. А Иван петіс сарапан улысь да толькö думайтö:

«Ок, ок, ок, эг куж оонйтö, вот и пом вовис. Мый эськö гортын кö вöли öнi, олi да олi эськö, а тан ловас кууны. Эг кызы мамыдысь, вот öнi и ловö расплатитчыны. Прöстö йöйön эз шулыны, йöй жö и вöосьöма».

Зэз абу окота Иванлы кууны, но керны нимөн, кыы шувöма, кöсйысьöма багатыръяслы, петны быть нин.

Да. Иван кутіс кöбыласö, пуксис вылас и муніс паныд Полкан-

полубеслы. Ылө муніс, мед багатыръяс эз аддзыны, кыдзи виясны сійөс. Да. Аслыс зээ жаль ачыс, аслас том олөмыс. Төдөмысь вөд, кулөм вылө петө.

Да. Коркө-й Полкан-полубес тыдоотчис, өкмыс сажень суда юрыс куш; страшенной чудищө.

Иван аддзис да чуть вөө выысьыс эз усь, сэтшөма поозис. Но керны нимөн, петөма да быть мун, өні и пышйыныд оз удит, көть и пышъян эськө да. Матын нин локтө. Мед не аддзыны ас-сьыс смертсө, Иван гартыштчис мам сарапанас, юр ни нимөн эз кут тыдооны. Смерт жө пө-а, луттшө пө не аддзыны, гартліс сія став юрсө.

Аддзис сійө и Полкан:

— Ок,— шувө,— комын вотө эг петоо да, война законыд тай вежсьөма, тыдалө, көртасьөмөн, со, локтө витязьыд, прикодитчас пө меным тшөтш гартыштчыны.

Кыскис шатертсө да гартліс став юрсө. Сэжитө сэтшөм мода вөлөма, кыдзи өтиыс петө, сідз жө-й мөдыс должен.

Да. А луныс зээ шондіа да югыд. Иванлы сарапан пырыд ставыс тыдалө, сарапаныд омөлик, гежөд да, а Полкан нимөн оз аддзы, шатертыд сылөн бур, топыд. Вот ная и водзчасисны. Да. Полкан синтөм койд, а Иванлы тыдалө. Сія өөтыштіс косанад да кыдзкө удачно веськалі, зонмө, на гректө главной сөнсө орөдіс Полкан-полубесыдысь. Сія уси, Иван, не будь дурак да, ылөджык бокө, ылысянь кутіс видзөдны. Полканыдлөн смертыд воны кутіс да, пессьө, другө, страшнө видзөдныс. Став мусө гөрө, керка кыза дубьяс сулалөны да, вужнас нетшкө, дрөбитө. Прөста, дерт, эз шуны багатыръясыд, сыысь ёныс пө му вылас и светас абу, писание вылө пө сідз гижөма.

Да. Ставсө, зонмө, чирсіс-дрөбитіс, пу ни палич эз коль. Пессис, пессис медбөръя силасыс, сэсся-й коркө лөнис, ланьтіс дзикөдз.

Но, Иван муніс багатыръяс дінө, шувө багатыръяслы:

— Но, пьян, мунө видзөдлө, окота кө аддзылны. Со, эстөн вөр ді бокас куйлө бесыд, менам эштөдөма, кончитөма.

Багатыръяс мунісны, котөртісны:

— А, господьө, господьө,— шувалөны, видзөдөны да,— пу ни палич абу кольөма, ставсө дрөбитөмаөсь да гөрөмаөсь. Вот тані война вөлөма, вот тая силаяс, вот тайө стражданьө! Öні ловө нин веритны, со кодөс виөма да. Ещө көть эг ылалөй, подчинитчим во время. Да. Öні сыысь ёныс некод эз коль свет вылас.

— Но,— ювалө Иван,— видзөдлінныд, аддзылінныд?

— Да,— шувөны багатыръяс,— кымын во ветлам, косясям да, татшөм косьсө эг на аддзылө. Нэм кутам помнитны, сэтшөма страститчим.

Время тыри, мунан кад вовис.

— Но, вокьяс,— чуксалө Иван младшөй братьясөс,— волө пукссылөй.

Багатыръяс локтісны, зээ тикөя пуксисны. Пооны вөд ловө! Да.

— Вот ме приказ сета тіяны. Бур кузя мунө Деветигрань саритса дорө и висьтолөй сылы, мый ме думайті. Да. Ті төданныд, мый ме думайті?

— Ог төдө,— шувөны багатыръяс раминика.

— А вот мый ме думышті,— шувө Иван,— ті мунө и висьтолой, лөсьөдчас мед ме сайө мунны, меным бабаөн ловас. Оз кө мун, став сарствосө төлөда и палита, а асьсө виа; мунас кө, сарствуйтны пондам кыкөн. Сідзи и висьтолөй, мунө да.

Но, вокъяслы быть мун, старшöй брат ыстö. Да. Вокъяс посол пыдди мунисны, вовисны карö, кöн олö саритса.

Да. Ся, дерт, думайтö, Полкантö пö, буракö, виисны, дыр эз воны кут. И зэз бура примитис багатыръясöс, вердис-юктöлис.

— Но, сар-матушка,— шувöны багатыръяс,— ыджыд вок ыстис зэз ыджыд могöн, страшнö дажö висътооныс, сэтшöм ыджыд. Но миянлы быть висътоо, ыджыд вок тшöктис. Ыджыд вокным миян, господин Иван Сарапанчиков, локтас тавун-аски корасыны, коралö тиянöс ас саяс баба вылö. Сыысь ёныс свет вылын некод абу, некод эз коль. Полканыд вöли, асьныд тöданныд, кутшöми вöли, а сийö Полкантö öтнас виис, тi пö только мешайтанныд, шувис миянлы. Пу ни палич абу кольöма косясян местаас, ставсö дрöбитöмаöсь. Вот сiя мортыс, господин Иван Сарапанчиков, коралö тиянöс, тшöктис висътооны, передайтны тиянлы: он кö пö мун, став сарствосö пузуута и асьтö виа, мунан кö, сарствуйтны пондам тшöтш. Мый висътолад, сэсся асьныд висътолöй,— шувöны багатыръяс, ми пö видзчысям, сутки строк сетöма миянлы.

Саритсаös, зонмö, шогöдис, и прамöя шогöдис, кор ещё содтисны багатыръяс, неупретен пö, колö висътооны, видзöднысö пö сiя лёкиник, прöстöй морт койд быттö. Невöляысь мунны абу окота саритсалы, да ещё неупретентö шувисны. Да. Думайтис, думайтис, суткиджын думайтис. Но, сэсся шувис багатыръясы, ловас пö, буракö, лöсьöдчыны, эг пö эськö кöсий да, вынужден, ловö пö сöгласитчыны, мед пö оз жутöд сарствосö. Но, сöгласитчад кö пö, шувöны багатыръяс, колö пö паськöм сылы лöсьöдны, нимöн пö абу сылөн. Да. Саритсалөн, дерт, эм быдторыс, корисны паськöм вурсысясöс, прамöя и вурсьыны пондисны.

Багатыръяс мунисны сэсся, а карын лöсьöдчöны стречайтны. Планъяс öшлисны, музыкаяс ворсöны. Важөн тай, сар кö ли кодкö ыджыдджык локтö, звөнөн стречайтлисны, танi сiдзжö, кöлөкөлъяс клёнгöны, звөнитöны. Сарскöй двореч дорын караул суутöдисны.

Мыйөн Иван Сарапанчиков тыдовтчис, «На караул!» горöдисны. Йöзыдлөн эськö серамныс петö — Иванлөн вöо омöлик дай ачыс сэтшöм жö, да серооны оз позь, быдөн полöны, Полкан-полубестö виöма да. Сэнi суддяяс, генералъяс, став гырысьыс паныд петисны, зölötöй блюд вылын паськöм вайисны.

— Шогмö кö, господин Сарапанчиков, пасътоо и ноолы,— шувöны.

А утöжитöма, зонмö, да абу жö чукырыд, только и югъялö. Эз лөгась мортыд, босьтис. Да. Пыртисны дворечö, дерт, сэсся, Деве-тигрань сарыд эз сола тшакөн верд, эз миян койд тшайөн юктоо. Шампанскöйыд и быдтор вöли сэн. Лун куим кымын строк пуктисны, венчаннö. Став заграничасыс, иностраннöй государство-сьыс гöстъясöс корисны, став князьяссö, саръяссö.

Иван, зонмö, пасътасис да прамöй морт лови. Зölötöй часiяса, сарскöй знакъяса, быдторсö öшлис вылас, мый сетисны, настоящöй морт лови. Но, сэтшöм великöй пир вöчисны, сэтшöма ставсö донтöммöдисны тöваръяс — мый колö кодлы, сийö ий босьт донтöм-донысь. И гöститöдисны, быдпöлöс сёяныс и юваныс сэн вöли, ставлы тырмис, дажö колис на, гашкö, мыйда, эз вермыны сёйныс да.

Тöлысь кык кымын мунис пир. Сэсся, пируйтöм эштис да, Иван корис ас дiнас багатыръясöс.

— Вот,— шувö,— вокъяс, ежели тi кöсьяд ме дiнын ооны, служитны бура, ме тиянлы награда сета, главнокомандующöйö пукта, став вылас ыджыдö; ежели он кöсий тан ооны, мунöй вöльнöй

●
воздук былö, ме тiянöс ог кут, асланыд вöля. Кодсö желайтанныд,
генеральскöй чин али вöльнöй воздук вывтi ветлыны?

Да. Ювалiс и сутки строк сетiс. Ная думайтiсны, думайтiсны,
сэсся öти шувö:

— Тая зээ скöр да, ме бара муна татысь, татчö кö кольччан,
пыр пооны ловö.

Мöд шувö:

— Ме пола жö, желайта мунны вöльнöй воздук былö.

Коймöд шувö:

— Ме муна жö.

Сэсся чукөрөн и мунiсны Иван дорö:

— Вот,— шувöны,— ыджыд вокö, абу кö тэд пеня, лэдз миянöс,
ми вöльнöй воздук былö мунам.

— Асланыд вöля,— шувис Иван, мен пö абу пеня, сэсся лэдзис
багатырьястö, мунiсны.

Но, сэсся, сарөн коли Иван, öнi на, гашкö, сарствуйтö, олö.



Дона лыддьысьысь!

*Кос му (апрель) тöлысянь бара позьö гиж-
сьыны «Войвыв кодзув» журнал былö волөн мöд
джын кeжлö. Энö вунöдöй.*

Матё сё нелямын лун да вой Сталинград вёлі вир кисьтана вёвлытём косьын. Тані, улыс Волгалён крут чукылын, көні су-лалё карыс, помся, здук кежлё лёньлытёг чашйисны-потласисны бомбаяс да снарядъяс, тшыналісны-сотчисны керка колясъяс, площадьяс да уличъяс вылын сыліс асфальтыс, сотчис весиг юыс, сійё вевттысис пасьвартём видзанінгъасысь шоръясён визувтысь мусирён.

И со воис вольгым (ноябрь) 19 лун. Пансис «Уран» операция, кодӹ кыссис сизимдас квайт лун да вой. Сталинградса «пӹртийӹ» йӹршитӹм кызь кык фашистскӹй дивизиялы лои пуктӹма пом. Пушкаяс Волга дорын лӹнисны.

Абу тѡдса стѡча, унаѡн-ѡ воуѡйтисны Сталинград дорын Комиысь. Но кор листалан да лыддян «Паметь Книгалысь» йѡрыша ѡкмыс томсѡ, абу сьѡкыд вежѡртны — сѣясѡн, а гашкѡ, и сюрсъясѡн. А ловъяыс на пиысь ѡтка-ѡтка нин...

«Уважаемый Николай Никитич!

В памяти народа навсегда сохранятся стойкость и героизм, проявленные советскими солдатами во время сражений под Сталинградом. Победа на берегах Волги, за которую отдали свои жизни тысячи наших воинов, стала переломным этапом в Великой Отечественной войне.

И сьӧдлӧз пастаӧн гижӧм кырымпас:

67



Николай Никитич шен-
зё, кыдзи Президент тѳд-
малѳма сылысь Сталин-
градын воюйтѳмсѳ да сык-
тивкарса оланінсѳ.

Вочакывйыс со мыйын.

Матысмѳ Великѳй Оте-
чественнѳй войнаын Ыджыд
вермѳм шедѳдѳмсянь квай-
тымын во. Войनावывса ве-
терангяслѳн Россияса ко-
митет лѳдзѳ сѳк кежлѳ **«По-
бедители»** ѳтув ним улын
книгаяс. Быдѳнѳс сийма
войналѳн тѳдчана тшупѳд-
лы. Неважѳн петіс Сталин-
градса тыш йылысь книга.
Сѳні эм и Н.Н.Рочев йы-
лысь пасйѳд, сылѳн фото-
ѳн. Артмѳ, Президент чо-
лѳмалѳма **«Победители»** кни-
гаѳ пыртѳдѳм быд геройѳс,
коді тышкасис Сталинград
дорын.

Капитан Н.Рочев. 1945 во.

Николай Никитич висъ-
тасъѳ тадзи:

— Войнаѳдз ме уджалі комсомоллѳн Печора окружкомса сек-
ретарѳн, Усавомын. А кор Гитлерлѳн ордаяс уськѳдчисны СССР
вылѳ, вѳйыси фронт вылѳ. Менѳ нуисны велѳдчыны Череповец
карса пехотнѳй училищеѳ. Велѳдісны ѳддзѳдѳмѳн. 1942 вося фев-
ральын веськалі нин фронт вылѳ, миномѳтнѳй взводса командирѳн.
Воюйті Калинин кар дорын. Киѳ ранитчылі сѳні.

А сѳсся нуисны Донлань. Сетісны выльѳн на вѳчѳм 82 милли-
метр калибра батальоннѳй миномѳтъяс. Тышкаси 24 гвардейскѳй
стрелковѳй дивизияын.

Сталинградын менѳ индісны сѳсся дивизияын йитѳд кутысь
офицерѳн (офицер связи, рочѳн кѳ). Быд соединениеын найѳ
вѳліны. Радио йитѳдыд ѳд сѳк эз на быдлаын вѳв, и телефонтѳ
нюжѳдны сѳтшѳм косьясад эз жѳ вѳв позяна. Медся кывкутана
йитѳдсѳ ме кодъ офицергяс и нуѳдісны. Кыткѳ копыртчѳмѳн ко-
тѳртан, но унаысь ковмыліс и рушку вылын, по-пластунски, кыс-
касьны.

Миян дивизия век сулаліс Волга шуйга берегас, карладорас. А
В.И.Чуйковлѳн паськыда тѳдса 62 армиялѳн штабыс вѳлі ю саяс.
Меным эз ѳтчыд ковмыв вуджлыны сѳтчѳ. И сѳмын пыжѳн. Вой-
нас вуджавлісны и катерѳн, но тайѳ вѳлі ѳпаснѳ.

Йитѳд кутысь офицерѳн служитігѳн мен удайтчыліс аддзывны
нималысь уна военачальникѳс. ѳтчыд менѳ чукѳстісны, медым
нуѳдны миян НП-ѳ (наблюдательнѳй пунктѳ) Г.К.Жуковѳс. А ме
муртса на кыскѳ вои — сапѳг и шинель няйтѳсь, юр вылын
сѳтшѳм жѳ пилотка. Жуков видзѳдліс — мыйся пѳ тайѳ офицер?!
Тшѳктіс пасьтѳдны-кѳмѳдны менѳ. И сѳмын сы бѳрын колльѳді
сійѳс миян НП-ѳдз.

Аддзылі и Н.С.Хрущѳвѳс, Сталинградскѳй фронтса Военнѳй
Сѳветын членѳн сѳк вѳлі. Беддѳн ветліс, чѳтѳмѳн — ранитчѳма...

Миян 24 гвардейскöй дивизия новліс Кöрт дивизиялысь ним. Шыблалісны сэтчö, кöні муніс медся чорыд косьыс. Вöлім Донскöй фронтын, сэсся вуджöдісны Сталинградскöйö. Арталісны ударнöй вынөн...

Кор вöльгым (ноябрь) 19 лунö заводитчис «Уран» операция, миян дивизия сулаліс Сталинградысь лунвылынджык. Наступлениеö вуджим суткиөн сёрöнджык — ноябр 20 лунö. Ме сэк вöлі нин йитöд кутысь старшöй офицерөн — весиг ординарецöс, отсасьысöс, сетісны. Кыкнад кокниджык лои йитöд кутан могъяссö нуöдны. Эгджык кутöй повны — öтинымöс кö виасны, мöдыс ловйөн кольö, олöмö пöртам могсö...

Недыр чöв олыштöм бöрын Николай Никитич перйис альбомысь öти открытка, мыччис да шуис:

— Война бöрын ми гижасьлім фронтывса ёртъяскöд. Со öти чолöмалöм.

«Пыдди пунктана Николай Никитич!»

Сьöлөмсянь чолöмала тэнö, менам боевöй ёрт, Сталинградса косъяс помасьöмсянь нöшта öти во кольöмөн. Ме выльысь и выльысь казътыла миянлысь землянканымöс, кор дасьтысим бырöдны крепыд кытишö босьтöм фашистъясöс. Казътыла, кыдзи почтальон вайліс тэд Союз пасьталасянь мешöк тыр письмöяс. Казътыла 1943 вося январ 10 лун, кор 8 час 05 минутын кокувса му пондіс ветлыны-вöрны миян артиллериялөн «уджысь». Казътыла февраль 1 лун, кор медбöргъяысь сизьдыштісны вöрöглы миян артиллерия да авиация. Казътыла шöйöвошöм, лэптöм кияса немецъясöс — найö корсисны нин, кодлы эськö сетчыны пленö.

Тэнад боевöй ёрт С.Бубанов».

— Кодсянь лейтенант Рочевлы мешöк тыр письмöыс?

Николай Никитич нюммуніс да казътылö:

— Локтіс миян дорö Москвасянь радиокорреспондент. Юасьö, кыдзи тышкасям, кутшöм мöвпъяс кутам вежöрын. Ме и шуи: «Ставыс эськö лючки öнöдз, да письмöяс оз воны, гажтöм». Тайö сёрниыс мунöма ставсоюзса радио пыр, и сэн жö юöртöмаöсь менсьым ним-овöс да полевöй почта номер. Со и пондісны локны письмöяс мешöк тырөн, страналөн быд пельöссянь. Та йылысь и казътылö боевöй ёртöй, Семён Бубанов...

И некор оз вун Н.Н.Рочевлөн Сталинград дорса косъяс йылысь медбöргъя татшöм казътылöм:

— Косъяс помасисны. Чуналана лөнъ лои. Синва петö быдөнлөн. Миян водзö сувтöдісны пленö босьтöм фашистскöй офицеръясöс. Кузь тушааöсь ставныс, паськөмныс бура пукалö. А ми ставным неыджыдöсь, муртса на челядысь петöм зонкаяс. Кöсйисны нырыштны миянöс, кын муыскöд сорлавны либö рабъясөн вöчны. Найö кылісны нин асьнысö вермысьясөн. Тушаныд кузь, да вытьныд вöсни! Ми тіянöс нырыштім!..

* * *

А со кутшöм казътылөмъяс кольöма Сталинград дорса косъяс йылысь **Иван Васильевич КОЗЛОВ** (1914—1993), гвардияса капитан, Емдін районса Кожмудор сиктын чужлөм морт.

Но медводз ас йывсьыс.

Кор пансис Великöй Отечественнöй война, И.В.Козлов веськалöма Пуховичскöй пехотнöй училищеö (сэк сійö вöлі Великöй

Устюгын нин). А 1942 вося майын лейтенант Козловос мододоны Москва, бронетанквой войскалон Академия. Но дыр велодчыны оз удайтчы. Сентябрь толысын Ногинск карын формируйтоны 21 танквой полк, И.Козловос сэн индоны разведка взводса командирон. Недыр мысти полкыс — Саратовской областын нин, сийос пыртоны 4 механизируйтом корпусо.

Иван Васильевич гижо:

«Октябрь толыс помын корпусо пырыс частяс Баскунчак ты дорын кутисны дастысыны вуджны Волга сайо. Ноябрь 6 луно разведвзводко, кытчо пырисны кык броневик да оти автомашина, ми вуджим Волга вескыдладор, медым дастыны, кыти мунны танкяслы да мотопехоталы Солодников дорын (Сталинградсян 50 километр лунвылын). Корпус вуджом бoryн водзо нуодим разведка. Полкса танкяс сулалисны дасьон петны атакао. Ноябрь 19 луно воис нимкод юор: Рытив-Лунвив да Донской фронтясса войска петомаос наступайтны да муноны Калач карлань.

И.В.Козлов. Серпасалис Э.Козлов.

Сталинградской фронтса войска, кони командующойнас воли генерал-полковник А.И.Еременко, наступайтны вуджисны суткион серонджык, ноябр 20 луно. Ме воли 51 армиялон командной пунктын. Югдытодз ена водзджык на сэтчо воисны фронтса Военной Советыс член Н.С.Хрущев, фронтса командующойос вежыс генерал-лейтенант М.М.Попов, 51 армияса командующой генерал-майор Н.И.Труфанов, 4 механизируйтом корпусса командир генерал-майор В.Т.Вольский.

7 час 30 минутын кодзыд сынода асывсо косьобтис орудиеяслон gym. Степыс гогор пондис сырмыны йиркакыломсьыс, сынодыс вотвот потас gymсьыс. Ставыс тыри съод тшынон да сынодо качом кын муон. Качисны вороглон жуглом техника, крепыда вочом укрепленияяс. Фашистской армияса уна салдат да офицер, кодяс торыт на ышнясисны вермомъясон, лыддисны асьнысо некодлы сетчитомон, качисны жо съод тшына сынодас да адзисны асьыныс пом. Час гогор кыссис мяян артиллериялон лыйломыс, 51 армия уськодчис сесся водзлань...

Меным тшоктисны, мыйон сомын мяян вуджасны наступайтны, мунны бор полко да нуодны танкяслыс колонна передовойлань. Рытланьыс вуджим фронтсо да ыджыд одон пондим мунны Плодовитойлань, враг тылын медводдза йоз оланинлань. Шемосмом враг бoryнтьчис рытив-войвывлань — Калач карлань да рытив-лунвивлань — Котельниковлань. Кутшомко юкон бoryнтьчис и Волгалань. Асыв-войнас нин, ноябр 21 луно, мено чукостисны бригадаса командир дор, да сетисны приказ медшор вынтяс водзвылын мунны «74 километр» корт туй разъездлань.

Кык броневикон, Т-70 танкон да автомашинао солон развед-

чикъясөн (морт кызы) ме мөдөдчи индөминө. Войся маршыс вөлі сьөкыд: пемыд, некутшөм туй оз тыдав. Кор матыстчим разъезланьыс, осьтөм пулемётысь би. Румынъяслөн частъяс повзьөмөн пондөсны бөрынтьчыны. Вөлі югдө, кор матыстчим Тингута станицалань. Сэні аддзысим полкса командиркөд, ськөд вөлі Т-70 некымын танк.

Броневи́көн петім водзө разведкаө. Ылісянь аддзим прөтивниклысь колонна. Бергөдчим бөр, юөртөм полкса командирлы. Танкистъяскөд сёрнитчөмөн шуим атакуйтны врагөс. Разведчикъяс петөсны индөминө. Танкистъяслы сетөсны приказ лыйлыны пушкаясысь колонна бөрланяс. Румынъяс (а вөліны буретш найө) эз виччысьны миянлысь этадзи уськөдчөмсө. Пондөсны лэптавны еджыд флагъяс, сдайтчалөсны пленө. Миян броневи́к дорө верзьөма вөвъясөн матыстчисны куим офицер. Вуджөдчысь юөртөс, мый румынъяслөн артиллерийскөй полк, командирыскөд да штабнас, сдайтчө пленө. Ме налы тшөктө став өружие тэчны миян броневи́ксянь дас метр ылнаө, аслыныс лэччыны увтасинө, көні вөліны полкса командир да танкъяс. Пленө босьтөм некымын сө румынскөй салдатөс да офицерөс, миянлы шедө уна пушка, витсө гөгөр вөв. Тайө вөлі вөрөгкөд менам син на син медводдзаысь паныдасьөм. Та бөрын ме лөи повтөмджыкөн. Рытланьыс штурмөн босьтөм Тингута көрт туй станция, и татшөм ногөн орөдөм көрт туйсө. А меным сетөсны приказ: разведчикъяскөд весавны прөтивникысь да босьтны Зета станица.

Ноябр 23 лунө миян войска босьтөсны Сөветскөй станица. Ми сэтчө разведчикъяскөд воим, кор косыс мунөс на. Вөрөгөс сэн уна лөи бырөдөма, трофейяс босьтөма. Көрт туй станцияс сулалөс военнөй техника тыра некымын эшелон. Куим час лунын юөртөсны, мый Калач кар дорсянь локтөны танкъяс. Кор найө пондөсны матыстчыны, аддзим, мый тайө миян танкъяс! Танө, Сөветскөй станицасянь матысса эрдын, и артмис миян танкистъяслөн да автоматчикъяслөн паськыда төдса паныдасьөмыс да өтувтчөмыс. Сийө өтувтчөм бөрас и йөртөм фашистъясөс Сталинградө. Тайө аддзысьөмсө ме некор ог вунөд.

Немечьяслысь войскасө Сталинград дорын кытшалөм бөрын миян корпуслы ковмис зэв чорыда водзасьны фельдмаршал Манштейнлөн танкөвөй частъяслы, өд найө и зөлісны орөдны кытшсө да мездыны Паулюслысь йөршитөм войскасө. Миянөс вель пыдөдз зырөдлөсны, верст нелямын, но пьськөдчыны водзө фашистскөй танкъяслы эз удайтчы. Верхне-Кумскөй станицадорса кось бөрын ми лыддим фашистъяслысь кызы вит жугөдөм да сотөм танк, квайт сьөкыд пушка, уна автомашина. Разведчикъяс киө шедө весиг гуся документъяс тыра штабнөй машина. Прөтивниклы ыджыд воштөмъясөн бөр ковмис бөрынтьчыны Аксай ю сайө.

Верхне-Кумскөй дорса косьясын усьны и уна миян боец. Танкистъяс сотчисны машина пытшкас. Автоматчикъяс, артиллеристъяс, миномётчикъяс пөгибайтөсны немецкөй танкъяс гусеница улын, враглөн бомбаясысь да снаряжъясысь. Аксай ю дорын усьны и менам медбур ёртъясысь өти — политработник капитан И.К.Алиханов. Усьны төдсаяс пьысь и мукөд. Верхне-Кумскөй дорын миян корпус воштөс сизимдас кык танк, усьны да ранитчисны сюрс кыксө боец да командир.

А.И.Ерёменко аслас мемуарын гижлөс:

«Бои в районе Жутово и в особенности в районе Верхне-Кумского — это ярчайший образец доблести воинов Красной Армии,

●
на смерть стоявших на своих рубежах. Это герои, которые первыми преградили путь фашистским войскам, рвавшихся освободить окруженных. Они действительно достойны того, чтобы страницы истории Сталинградской битвы были написаны золотыми буквами».

И.В.Козловлысь казътылӧмъяссӧ босьтӧма Коми Республикалӧн Паметь Книгаысь, 9 том.

Квайтымын во торйӧдӧ мянӧс Сталинград дорса тышъясянь. Сэкся геройясысь ловъяӧсь ӧтка-ӧтка нин. Но Айму дорйысьяслӧн подвигыс, мустӧм вӧрӧгӧс вермӧмыс — куслытӧм, кадыслы сетчӧм.

Гижӧдсӧ дасьтӧс **А.Петрунев.**



В.М.КУДРЯШОВА

Түясис нэм чөжыс

И.Куратовлысь олан-гижан туй тӧдмалӧмӧ тӧдчана пай пуктыліс
П.Г.Доронин. 1939 восянь сійӧ йӧзӧдлӧма Иван Алексеевич йылысь кызь
кӧкъямыс статья, отсалӧма лэдзны поэтлысь кывбура кык книга.

Медводдзаысё Куратов йы-
лысь гижыс тӧдмаліс Ю.Вихманлӧн,
К.Жаковлӧн да П.Сорокинлӧн ста-
тыяс серти. Научнӧй уджас Павел
Григорьевичӧс кыскӧма педтехни-
кумса велӧдыссыс — А.С.Сидоров,
коми национальнӧй культура, фоль-
клор да этнография тӧдмалысь
учёнӧй. Сидоровлы жӧ удайтчис
аддзыны 1923 воын Куратовлысь
йӧзӧдлытӧм на кывбурьяс. Наӧн
тӧдмасьӧм бӧрын учёнӧй пыдісян
босьтчӧма туявны Иван Алексеевич-
лысь творчествосӧ. Сійӧ жӧ вося де-
кабрын петӧм «Парма ёль» альма-
нахын А.С.Сидоров йӧзӧдӧ «Тӧдтӧм
коми гижысь И.А.Куратов» статья.
Такӧд ӧттшӧтш учёнӧй чукӧртӧма
позтлысь Ленинградса да мукӧд
архивысь аддзӧм рукописьяс да
тӧдмӧдӧма сійӧн В.И.Лыткинӧс, а
сійӧ нин 1926 воын «Коми писа-
тель» книгаын йӧзӧдӧ «Куратов Иван
Алексеевич» статья.

П.Г.Доронин.

Бöрынджык Павел Григорьевич тöдмасис А.А.Поповкөд, вель важысянь нин, Гөрд профессураас велөдчан кадсянь на, Иван Куратов гижөдъясө нырччысь нималана нин учёнойкөд. Попов ветліс Финляндияө, медым тöдмавны, мый вичмис аддзыны да нуны сьöрсыйс Ю.Вихманлы Коми муысь, а торйөн нин медводдза коми поэтлөн чужанінысь — Кебрасыйс, кытчö сійö ветлöма жö Комиö волігас.

Ылі туяс петалёмыс эз вош весьшөрö: восьтіс Иван Куратовлыс
«А.И.Гугов» босьтöм ним.

1937 воын А.С.Сидоров вайис Коми госиздатö И.А.Курастовлысь кык небöга кывбур чукöр. Но коми учёнöйяс да гижысьяс юр весьтас гöвкъя-
лісны нин съöd кымöръяс. Сидоров, а сы бöрын и Лыткин (Илля Вась) веськалісны НКВД гыж улö. П.Г.Доронин сійö кадас вöлі Коми госиздатса редакторöн. Сійö выльысь видлаліс А.С.Сидоровöн вайöм гижöдъяссö да вайöдіс печатьöдз. Воддза небöгыслы (петіс кык том) гижис водзкыв,

сетіс ним. Өткымын тырмытөмторъяс ыло видзөдтөг, книгаыссьө ыло донъяліс нималана учёной Е.С.Гуляев.

Коми литератураын И.А.Куратовлысь төдчанлунсö артыштөмөн, Павел Доронин вöчис ставсö, медым эськö А.С.Сидоровөн чукөртөм рукописьясыс эз вошны. Поэтлысь гижөдъяссьө водзö туялөмөн, 1939 воын Павел Григорьевич лэдзис коми да роч кывъяс ылын «И.А.Куратовлөн творчество» монография. Россияысь да Комиысь общественно-политическöй оласног донъялөмысь кындзи, авторыс пидісянь видлалö Иван Куратовлысь Европаса да роч демократъяс мөвпяса видзөдлассö. Медводдза коми поэтлөн кывбуръясыс кыпөдісны пö и коми войтырсö, и некодөн на төдтөм-нимавтөм коми кыв. Доронин мөвп серти, Куратовлөн творчествоыс интернациональнöй.

Аддзöм рукописьяссьө видлалігөн П.Доронин вежөртіс, мый поэт гижліс и самодержавиелы паныд ёсь кывбуръяс, но жандармъясысь видзчысьөмөн, тыдалö, сотіс сэтшöм рукописьяссьö.

Доронин чайтөм серти, кызвын кывбуръяссьö Куратов гижліс Усть-Сысольскын олігас, көть сійö воясыс сылы вöлісны зэв сьöкыдөн. Туясысь сувтö паныд сэтшöм йöзлы, кодъяс көвъялöны поэтлы «буржуазнöй националист» да «народник» лöсаятөм шуасьöмъяс. Аддзöм гижөдъясөн төдмасьöм бöрын П.Г.Доронин вöчö кывкөртөд, мый поэтлысь пытшкөсса мөвпяссьö бурджыка востöны сылөн кывбуръясыс, а оз ылыс рөд-вужыслөн келасяна висьтавлөм. Зэв жö сьöкыд кадөн лыддьö Павел Григорьевич Куратовлысь Шөр Азияын оландырсö: торъяліс чужан Коми муысь, эз кутны тырвийö пöртсыыны олөмö мортыслөн томдырся көс-йöмъясыс. Тайö ясыда төдчис поэтлөн бөръя кадас гижлөм кывбуръясысь. Сылы öд ковмис көсйытөг пышйыны усть-сысольскса чиновникъясысь да жандармъясысь, кодъяс дзескөдісны гöль, но уджач йöз вöсна ловнас сулалөмысь.

И.А.Куратовлысь творческöй туй төдмалöмын Павел Доронинлы 1939 воыс вöлі аддзöмторъяснас медся озырөн. Ыджыд статьясысь кындзи сійö йöзöдö журналъясын да газетъясын нöшта некымын гижөд. «И.А.Куратовлөн творчествоын интернациональнöй шыяс» статьяын Доронин мыжалö сэтшöм йöзöс, кодъяс уна дас во чöж видзисны дзебасын поэтлысь йöзөдлытөм гижөдъяссьö. Та вöсна и лои вунөдлöма медводдза ыджыд коми поэтлысь, коми литературалы подув пуктысьлысь олан да творческöй туйсö.

«И.А.Куратовлөн творчествоын религиялы да попъяслы паныда видзөдлас» статьяын Павел Григорьевич подулалөмөн дорйö поэтöс сэтшöм критикъясысь, кодъяс пысалöны кывбур тэчысьлы буржуазнöй национализм. Куратов, Доронин чайтөм серти, эз эскы Енлы ни вичкоын служитысьяслы, а Лукасянь Евангелие вуджөдіс сöмын сы вöсна, медым зэв важ гижөдсö эз тшыкөдны П.Распутин, Аф.Куратов да мукөд сямтөм вуджөдчысь.

Усть-Сысольскын поэтлөн оландыр да сійö кадся карса войтыр йылысь гижигөн Доронин мыджсьö Ф.И.Забоевалөн казътылөмъяс ыло. Куратов пö эз кут некутшöм лача, мый сылы дыр кад мойвиас велöдны челядьöс. Прöст уджалан местаыс абу вöлöма уездса некутшöм вөлöсьтын. Тайö нывбабаыс вöлöма поэт Пётр Клочковлы тыötөн. Иван Алексеевич во-лывлöма Забоева ордас гөститны да весиг босьтывлөма Клочковлысь кывбура тетрадьяссьö.

Куратовлысь велөдчан-лыддьысян книгаыссьö видлалігөн Павел Доронин 1950 воын аддзöма поэтлысь некөн на йöзөдлөм фотоснимок. Павел Григорьевич ыджыд төдöмлунөн видлалö роч кыв ылын петөм «Избранные произведения» небöг да кытшлавтөг веськыда пасйö, мый кывбуръяссьö

вуджөдöма ылöсас, рифма вöсна тэчöма лöсаявтöм кывъяс. Уна тырмытöмтор пасйö и издательстволысь.

Ф.Л.Куратова письмöясысь Доронин тöдмалö, кызди поэтлөн кувсьöм бöрын рöдвужыс «пурсьöмөн» юкöмаöсь сылысь эмбурсö.

Гижысь-критик эз вермы видлавтöг кольны Г.Литинскийлысь «Иван Куратов» пьеса, индаліс уна тырмытöмтор вылö. Сійö пасйыліс, мый драматург öтдортчöма вöвлöм збыльторясьыс, стöчлунсьыс, жеба, история тöдтöг петкөдлöма XIX нэмса 60-öд воясö усть-сы сольскса крестьяналысь оласногсö, кужтöг тэчöма поэтлысь образсö.

«Кызди сöвмис И.А.Куратовлөн вежöртасыс» статьяын Павел Григорьевич пасйö, мый поэтлөн сьöлöмö йиджтысис крепостной право вежтöдз на Москваын сизим тöлысь чöж (кöсйис пырны велöдчыны университетас) олан кадся общественно-политической гыыс. Чужан муас воöм бöрын сійö тöдмасис Усть-Сы сольскö ссылкаö мөдöдöм студентьяскöд. Накöд йитöдыс ёсьтö том мортлысь вежöрсö, содтö тöдöмлуньяссö, паськөдö видзöдлассö. Тайö жö кадас сълөн киö веськавлöны «Современник», «Русское слово», «Отечественные записки». Журнальяссьыс корсялö да сьöлöмсянныс лыддьö экономика, литература, история подула статьяс, тöдмасьö Россияса да суйöрсайса войтырлөн общественно-политической олöмөн.

Ю.Вихман, К.Жаков, П.Сорокин, а сэсся А.С.Сидоров, В.И.Лыткин да А.А.Попов бöрын П.Г.Доронин водзö нуöдіс И.А.Куратовлысь олан-гиган кадсö туялан удж. Сылы уси шуд ас синнас аддзывны медводдза коми поэтлысь рукописьяссö. На серти Павел Григорьевич гөгöрвоис Куратовлысь олöм да ас войтыр вылас видзöдлассö. Поэт мича коми кывбурьясөн дорйис гöль войтырöс, чуксаліс югыдлань, öткөн сувтіс став лёкыслы, нартитöмыслы, жаль тöдтöм чорыдлуныслы, пемыдлунлы паныд. Тайö и сöвмөдіс, гижысь-критиклөн кывкөртöд серти, коми поэт-демократлысь общественно-политической видзöдлассö, индіс аслыссикас, национальной характера кывбурьясыслы нырвизь.

П.Г.Доронин олöм чöжыс туясис, пыр зілис аддзыны Иван Куратов йылысь мыйкö выльтор, письмöасис поэтлөн паськыд рöдвужкөд, йöзкөд, кодъяс тöдлöмаöсь сійöс, мыйкö кывлöмаöсь, корсьысис архивьясысь, а сэсся чукöрмöм материалъясьыс лэдзис статьяса некымын небöг да тайон пунктis ыджыд пай Куратовлысь творчествосö туялöмö.



КОМИ КЫВ ТҮЯЛЫСЬ

Ӧнӧ Лав вӧзйӧ...

Збыль, тёлка мовпъяс вёлём вёзйё Лав, и та понда чайтї сійёс олёма мортён нин, дзор юрсиа айлов, мися, тёдөмысь, сійё. А вёлөмкө, том зон на. Косіник, вөсньыдик мыгөра, кузьмөс чужөма, еджгов юрсиа, аслыспөлөс виччысына-донъялана видзөдласа. Зонмыс юөртис, ме пө өд рочөнсө Слава, абу Лаврень, кыдзи позьё вөлі чайтны. Сэссия, вёлөмкө, Ёньё Лавыс матө ставсө, миян Сыктывкарын лэдзөм небөг-гижөдсө, лыддьөма, торйөн нин выльөн вөзьяна кывъясным йылысь. Ётитөг ставсө вёлөм төдө да донъялө, унаыссьө найөс дзикөдз путкыльтанаа. Ассияныс вөзйё выль кывьяс да вайөдө ставсө оз торйөн-торйөн, а инө (системаө) өутв-төмөн.

Тайё тыдовтчö и Öньö Лавкöд сёрниысь.

— Ме чужлі 1969 воё Перем (миян ног Перым — Ц.Й.) ка-
н. Мамё эськё коми, сёмын ачым дзольдырйи ас чужан вужйой-
лысь эгджык мовпав, эгджык казав сійёс. Ставыс ёд сэки Сё-
гув муын чой-вок вёлім, водзаным мича пас моз югвидзё вёлі-
увъя шуд (Лав ногон, *отувъя шудыс* пасйё коммунизм — Ц.Й.).
чужан вужйид... Мыйкё бөрлань кыскана кодъ сійё... Сэсса и
ч карын быдмысьёма да роч школаын велёдчысьёма, мый нин
сэсса чуймыны челядь кадся рочмылём вылө. Но тёдышті жё
ийсьюрё и коминад: кань да пань, шуам.

— Школа помланыыс мукод небогъяскөд тиотш кути лыддявны суоми гижысыяслысь унатор. Ог тод мыйла, а буретш найо и ксисны медсясө лов вылам. Кывл ылөсас — миянлы пö рөдвуж оми йöзыд. Сийö, буракö, медводз йоткыштіс менö ассыым финн-гра вужйöс корсьны.

— *А кызди сэтшөм бура төдмалін зырян-коми гижөд кывсө, коми школаө ветлытөг да кывйө ни өти велөдысьсөс аддзывтөг?*

— Буретш сэки өтувъя шуд йылысь югыд мөвпъясöй разалісны — олөмөй лои сап пемыд, чим съөд, водзысь ни бөрысь нинөм бурыс оз вөлі тыдав. А мортыдлы өд колө мый бердө кө кутчысьны. Съөм дорны? Эг пет тайө туй вылас. Зывөк вөлі да. А мыйкө зумыдыс мортыдлы колө, мед көть и мойд сямаыс. Сэк и ловзис съөлөмам чужан вужйөй. Ловмөдіс менө. Ме, мися, коми морт. А коми кө, сідзкө, колө комилунлань сибөдчыны. Гортам байтам комиөн мамөкөд, судзөдам «Югыд туй» (өнія «Коми му»), «Войвыв кодзув». Тешкодьтор шуоны: коми войтырыс пö кык, перым-коми да зырян-коми. А кыз нө либө ми, куш перым-коми кывкудйөн вөдитчигмоз, велалім сыктывкарса газет-журналтө лыддыны? Дас-дас кык во сайын коми газетад рочыс юраліс на. Роч кывъясыс дөзмөдісны. Ме көсьи, мед коми кывйыс вөлі коми. Сэтшөм лои менам олан пасөй (могөй).

— *Лав, өні тэ вель дыр Сыктывкарын олін, вежөра уна йөзкөд сёрнитін. Мыйкө дөзмөдө оз тэнө өнія миян татчөс олөмысь?*

— Дөзмөдө, кодыр аддзан йөзлысь веськодълунсө. Кодыр өлөдөны менө — вывтiасян да гудрасян пö. Висьтавлөны со, мед пö сёрни визувтө, кытчö олөмыс шуөма. А кытчö сійö кывтö? Рочлань тай! И та понда некыз ог гөгөрво öткымын гижысьсөс ни кыв туялысьсөс, кор найö коми кывлы паныд кыпөдчöны. Сöстөмыслы, ва комиыслы паныд. А ме ва комилань нырчча. Коми аскилань.

Тайö вочакывъяссö Лав тэрмасьтөг гижис ачыс, сөстөм кывйөн, дзик миян ног, чужан перым-коми сёрниыс гижөдас пöшти абу и төдчөма. Дай сёрнитö сійö кык сёрниногсö сорлавтөг. Воліс кык-нанысьсö Онё Лав эз сідз-тадз, сійö вайөма выль кывъяса кык тетрадь. Кывлөма, Сыктывкарын пö уджалö коми кыв комиссия, видлалö выль кыввор да вөзйö лөсяланасö пыртны сёрниö да гижөдө. Сетіс меным донъявны кывворсö. Ме уна кывйысь бөрйи медся лөсяланасö, мыйтакö кыв вежыштөмөн, мыйсюрö содталыштөмөн. И вөзъя лыддысьысылы төдмасьны накөд. Вель уна кыв Лавыслөн бура лөсялө миян сёрниö. Менө шемöс босьтiс тайö енбиа да писькөс том морт вылас, татшөм бура кылö коми кывсö да. А өд сійö некутшөм коми школаө ни университетö абу ветлөма, ловъя коми гижысьсөс ни туялысьсөс Перымас абу аддзылөма. Пырöма эськө велөдчыны Перымса университетö история факультетö, но велөдча пö диплом вöснаыс сөмын. Мортыс ачыс век велөдчö: гортас велөдөма удмурт кыв, өні пö пырөдча суоми кывйö. Медъя!

Со сылөн выль кывъясыс.

КАНМУ ТЭЧАС, КАНСЯМ

Арт видзанін милиция

Арт видзысь милиционер

Вештöд компенсация

Вештöс пенсия

Дінму провинция, регион

Дінмуса провинциальной, региональной

Жыр палата

Инвывлась муниципалитет

Инвывласьбердса муниципальный

●
Кипас бөрйысигөн гөлөс
Кипасавны гөлөсуйтны
Кипасалом гөлөсуйтөм
Отувпук заседанньо
Уджалан арт регламент

ОВМӨС, БИЗНЕС

Арт дисциплина
Воштөд убытка
Избурмөдан горнообогатительной
Избурмөдөм горнообогащение
Ловвыв вот подходной вот
Лыдалом учёт
Овмөс экономика
Пайпас акция
Пайпас кутысь акционер
Пыртан сьом инвестиция
Пайпас тубыр акцияяс пакет, рочөн *пакет акций*
Сьоммөдан финансвөй
Сьоммөдны финансируйтны

ЙӨЗКОТЫРСА ДА МОРТ ОЛӨМ

Вежөрпас понятие
Гозкотыр полной семья (гөтыра-верөса)
Дорйөг оборона
Зурасьом конфликт
Инас система
Инө тэчөм систематизация
Инданкуд кодекс
Йөзөданкыв декларация
Кесьялом служба
Ошканпас награда
Откотыр неполной семья
Подувпуктас устав
Төдөс наука
Тырмөвп идея
Тырьюөр доклад
Уджйитөс профсоюз
Чөжсям опыт
Ывла видзөм экология
Юртөмалөм анархия

ГИЖӨД, ПЕЧАТЬ, ЛИТЕРАТУРА, ИСКУССТВО

Бор лист бок вылын да газетын поле
Вирби страсть
Водзгигжөд передовица
Вонебөг ежегодник
Воча сёрни интервью
Енмөдны обожествитны, енмө пуктыны
Енмөдөм обожествление
Инпас индекс
Казяломтор примета

Кывбурай поэт
Кывбурань поэтесса
Лёсас абзац
Лэдзёг лицензия
Мичтёдан эстетическõй
Мичтёдом эстетика
Модь миф
Модя мифологическõй
Небёг видзысь библиотекарь
Нимпас номинация
Нюжвисьт повесть
От газетын полоса
Отвисьт роман
Петкёдлантор экспонат
Посйёд сцена
Өктёд сборник
Серпаслун образность
Сёртёд грамота
Ставтёднебёг энциклопедия
Сюйёд вкладыш
Тыртёд содержание

УДЖ ВӨЧЫСЬЯС, УДЖСИКАСА ЙӨЗ

Йиталысь связист
Кужанлун квалификация
Лыдалысь учётчик
Лэбёдысь лётчик, пилот
Му бурдөдөм мелиорация
Му бурдөдысь мелиоратор
Сьёммөдысь финансист
Уджбергөдысь предприниматель
Уджөтүвтүсь координатор
Ывла видзысь эколог

МУКӨД КЫВЪЯС

Бурвужъя благороднõй
Бишог пöжар
Вемпесан головоломка
Кöртгез провод
Пöжъян тушенка
Тубыр пакет
Челядь йөр детскõй сад

Дерт, тамда вöйөм кывсьыд позьö мыйсюрö бöрйыны да босьт-
ны комиөн гижысь-сёрнитысьлы.





Литературной оломысь

ТОВШОР ТӨЛЫСЬӨ:

Коми книжной издательствоё директорён индöма гижысьяс котыр правлениеё пырысь драматург Любовь Терентьеваёс.



Искусствояс гимназияын восьтлісны республикаса челядьлысь дасөд, төвся творческой велөдчөм.

Том коми гижысьяскөд уджаліс Владимир Тимин.

Роч поэтыскөд да прозаикъяскөд — Елена Габова, Тамара Ломбина да Александр Суворов.



«Василей» самодеятельной композиторъяслөн конкурсын Геннадий Юшковлы (кывъясыс) да Михаил Оверинлы (шы ладыс) «Лöнь Эжва дорын» сыланкывйысь сетöма «Гран-при» приз.

Мöд места босьтісны «Мамöлөн сёлöмысь» сыланкывйысь сідзжö Геннадий Юшков да Марк Новоселов.



Сыктывкарын, Коми Республикаса филармонияын, нимöдісны «Василей» сыланкывъяса сборник.



Гижысьяс Союзын донъялісны роч поэтыяс: Александр Суворовлысь «Пламя огня» да Андрей Расторгуевлысь «Древо» виль небөгъяс.



Владимир Тимин аддзысьліс Сыктывдін района Вильгорт, Паль, Гавриловка сиктыясын олысьяскөд, сёрнитіс литература йылысь, лыддис виль кывбуръяс.



Куратов музейын видлалісны карса гижысьяслысь «Сыктывкар — 2002» альманах. Чукöртіс-лөсьöдіс небөгсö Андрей Канев.



ПЫДДИ ПУКТАНА АВТОРЪЯС!

Редакцияё гижöдъяснытö ыстігөн быть колö юöртны:

1. Ассыныд ним, вич, ов; кор да көні чужломныд (лун, төлысь, во).
2. Паспорт юöръяс: номер, серия, кор да көні сетісны, гортса адрес (прописка серти).
3. Индивидуальной налогöвöй номер — ИНН (кодлөн эм).
4. Страховöй свидетельство номер.

Тайöс юöрттöг редакция гонорар оз вешты.

Журналын йöзöдтöм гижöдъяс

*редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Комп. набор и верстка **Н.Кузнецова.** Корректор **Н.Габова.**

Адрес редакции: 167982. ГСП-2, г. Сыктывкар, Дом печати, комн. 26.
Телефоны редакции: 24-47-52 (гл. редактор), 24-51-52 (отв. секретарь).

Подписано к печати 07.02.2003. Формат 70х108^{1/16}. Печать офсетная. Усл. печ. л. 7; усл. кр.-отт. 8,4; учетно-изд. л. 7,54. Тираж 1007. Заказ № 770. Регистр. № Ф0095.
ОАО «Коми республиканская типография», 167610, г. Сыктывкар, ул. Первомайская, 70.